

IVSTI LIPSI
EPISTOLARVM
SELECTA-
RVM.

Centuria prima.



LONDINI
Impensis Geor. Bilhop.
1586.

DE VIRI CLARISSIMI

I. LIPSI EPIST. VER.

SICVLL

L *Itterulas* quondam solum laudare solebam
Tulli, præq; istis nolle tenere alias.
Nugas! nā quò tum tua scripta impensius arsi,
Hoc nunc Marce mihi es vilior & leuior.
Ecce tabellarum Liber exit Lipsiacarum
Doctior, atque caput erigit è tenebris.
Iudice me cede & victum te Marce fatere;
Aut certè æquatum Lipsiadæ calamo.

Fr. Raphael. filius.

IN IVSTI LIPSI
SELECTARVM EPISTOLARVM
CENTVRIAM. I.

*SI magni ingenium LIPSI nouisse voluptas,
Si mores nivos. pectus & ingenuum:*
SELECTAS lege, dia, O dy! monumēta, TABEL-
His in litterulis LIPSIVS ipfus inest. (LAS.

Th. Ef.

AD PRÆTOREM,
CONSVLES, ET SENA-
TVM REIP. VLTRAIEC-
TINÆ.

Viri Nobiles, Viri prudentes.



PISTOLAS meas aliquor, quas his diebus col-
legi, & errantes redegi sub
vnum huius Centuriæ ve-
lut signum, visum mihi in
lucem dare: idque sub tu-
telâ nominis vestri. Caus-
sam quæritis? duplicē ha-
bete, vtramq; iustam, cer-
tē veram. Prior ad me: quia
lucem aliquam tenui huic
& per se obscuræ scriptio-

ni conciliare conatus sum à luce vestrâ. Splendet enim an-
tiqua, potens, amœna, vestra vrbs inter Belgicæ primas: &
vos in eâ, per prudentiam & virtutē. Quæ diffusa inter
vicinos: imò iam etiam longinquos. & rara, opinor, in Eu-
ropa gens, ad quam non penetrauerit fama aliqua de vtro-
que. Illustres igitur vos, & in illustri loco, ac meritò radium
aliquem famæ operi huic sperem, cuius frontem insideat
mihi duplex hoc sidus. Causa altera ad vos, aut certè à vo-
bis. Beniuolentia enim inuitauit me vestra & comitas, quâ
publicè ac priuatim insigni semper in me vsi. Omitto ami-
citas, quæ mihi cum plerisque vestrorum ciuium artæ: sed
pedem nunquam in urbem vestram posui, quin clara mihi
signa eximij cuiusdam adfectus & cultus. Cum honore &
amore venientem excepistis, hærentem habuistis, abeuntē
dimisistis. Quo meo merito? nullo, fateor: sed solo impulsu
beneficæ & humanæ naturæ, quæ velut fato aut Genio, in-
ter aditas omnes gentes, propriè vestra. & præsertim in e-

os, quos nomen aliquod doctrinæ commendat aut litterarum. Quod eò maius vestrum beneficium; quia tam munus in re & verbis hætenus immunem. Id ne vlti à sim, verborum ecce saltem & scripti munus hoc capite: Epistolas inquam meas nouum & veterem ingenij nostri partū. nouum dispositu, compositu veterem. sed partum profectò infirmum, informem: & quem per diuturni hoc morbi tædiū nec fingere nec polire mihi mens, quemque abieciſſe verius videor quàm peperisse. Vos ei non tutores, sed patres, tangite, tollite expositam & depositam hanc prolem: & in primis auctoritatis vestræ scuto defendite contrà maligni liuoris dentem. Quæ enim alia materies facilior stringi, aut admorderi? Epistolæ sunt: id est, familiares quidam & liberi conceptus, propero quodam &, vt sic dicam, calido sæpè calamo effusi. Quàm facilè voculam hîc aliquam siue sententiam carptor excipiat, quam trahat in culpam? A quâ tamen non minus facilè liberales omnes mentes me liberent; & præsertim eæ, quibus non ignotæ epistolares leges. Quis tria illa nescit in epistola adspici, cui, quando, vbi scripta? In quibus si à decoro nihil abitur; omnia recta, etiam si non vsquequaque recta. Dantur videlicet quædam auribus, locis, temporibus: quæ, iniustus ille iudex, quisquis dirigit ad rigidam iusti lancem. Cur non liberè aliquid apud amicum, indicem aut iudicem, & effundam aliquem animi mei sensum, quem vulgò nolum? Ita more, imò naturâ fit. & vitam è vita tollat, quisquis ista. Attamen non edenda hæc erant, inquit. Haud valdè dissentio. & quieti suæ, etiam me iudice, consulat, quisquis non vulget ea ante suam quietem. A morte inquam edi epistolæ debent, si fugere libet morsum. Nec alia mihi antè mens. sed, rem dicam, mortuus hic imposuit: qui, quod diu facere minatus, nondum fecit. Dum ille me trahit, &, medicorum quoque iudicijs, lentè ducit ad metam: collegi hæc & plura, sed tanquam moriturus. Solonis opinor est, ad quærentem Pisistratum. Quæ res eum faceret tam animosum? Senectus, inquit: pariter & pari causa, me Valetudo. Quæ ipsa vt paullo melior, mens mihi statim mollior: & recepi à Typographo plerasque epistolas, quæ iam data. Has paucas tamen quin ederem, effugere

effugere non potui; re iam cœpta, sermonibus & epistolis
diuulgata. Habete has igitur, Viri magni, spe non re po-
stumas: fauete, fouete. ita Deus vos & vestram urbem ci-
uiliū hac bellorum flamma aliquando eripiat, qua vn-
dique nunc cincti. Lugd. Bat. Idibus No-
uemb. 1585.

B; LEC.

LECTOREM MEVM SALVERE IVBEO.



N tibi Epistolas nostras, mi Lector. sed in parte. & eam ipsam partem, non mentior, egrè, irepidè emisi, & quodammodo volens nolens. Volentem me sanè volètia tua facit: cuius fauoris aura suauiter adhuc mihi spirat. nolentem, argumentum. Primum, quia id tenuè nec famæ ab eo magna spes. Epistolas enim meras damus: diales nostras nugæ, iocos, lusus, & cum amicis garritus. Quid serium hîc magno opere, aut cultû quin epistolæ esse desinunt, si nimis tales. Ordinem aut dilectum in materiâ curam aut limam in stilo quispiam expectat? à me, aut apud me, frustra: quia in blandiente illâ hæresi ego, vt epistolas suam manu nasci debere censeam & sub acumine ipso stili. Atque adeo (dicam verè) bis non scribo, bis vix eas lego. Profluumt mihi ex liquo quidam canali aperti pectoris: & vt animus aut corpus meum est cum scribo, ita illa. Viçtor meus solitus dicere, indices semper valetudinis nostræ meas litteras, etiam cum non indices. Nec falsò. Languent enim ille, excitantur; dolent, gaudent; calent, friget mecum. Affectus animi corporisq; mei in hac tabellâ. Quid si quedam in his seriæ: tamen paucæ & præponderat, vereor, leuiorum multitudo. Nam nullas esse falsò dixerim, quia interdum intercurrunt totæ & ex professo tales, philologæ aut philosophæ, & salubrium aut docentium præceptorum plenæ. Consulimus, monemus, cauemus, apud iuuetutem præsertim: quam cura mihi semper ad vtilia non solùm ad amœna ducere, & animo ac robore ponere supra hunc vulgum. Quas ipsas si paullo diligentius scripsi, & vultu percolui digniori quâdam sermonis veste: nihil, credo, peccauit quia hoc quoque sine cura mea magna, sine ambigui cuius manus non misquàm facili mentem sequitur: & cum impleuit eam materiâ grandior, chartam mihi vltro verba. Famam igitur siue laudè sperem hîc haud magnam: etsi facillima eadèq; operosissima res sit, pistolâ scribere rectè. Consuetudine eas pangunt, edunt, sed dicâ libenter nondum vidi quas iterum velim legere, præter vnas Politiani. Infamiâ hîc quâ non timeam, cû oculos siue ad ænum hoc flexi, si ad rem ipsam? Illud quidè prouum ingerere calumnias, hanc nata accipe

accipere toto sinu. Detegimur enim in epistolis, & subijcimus oculis penè nudi. Nosse me, aut alium vis? epistolas lege, quæ depingunt. Ingenij mei, affectus, iudicij, imò & vitæ non vana imago istæ. Alibi fucus & simulatio habitat: hîc candor, hîc veritas, & nō nisi natiuus ille color. Qui simulat in subitâ illâ & sæpè calidâ scriptione animus? non potest. Qui apud amicum & se alterum? nō vult, non debet. Reuera enim deprehenditur aut emicat, priusquàm se componat: nec velum ei ducere succurrit, quo tam citò, & apud sales se tegat. Protrahit igitur hominē maximè hæc scriptio: & idè iudicij calumnijsque exponit. De te tuisque memoras? quod carpant reperient, ut vanū, solidum, iactabundum. De alijs? hîc quoque, quod carpant. Illi in laudes nimis pronus videbere, alij in reprehensiones: huic ad superbiam vergere, alteri in adulationē proclinare. Denique in publicâ & civili re, sub cineribus qui occultis ignes? Pietatis mihi rem alibi tange: apud hanc aut illam partem peristi. Reges aut status: cadaver es & funus. Atqui hæc in epistolas sæpè intercurrant necesse est, aut ne curat ille. In quibus omnibus etsi nos (quantū prudentia quidē mea tulit) sepe rauimus: tamen vereor ut temperet sibi à me quoque insēperies quorundā. Voces iam audio, & prouideo. quid ad me? ego à verâ culpâ tantūm abesse me scio, quantū carpiotes illos à verâ laude. Improvidè fortasse alibi aliquid dictum emisisti: illi oculi reperiant: at nihil impiè aut malignè. Hoc testor, hoc profiteor. mali iuris, mali moris ille, quisquis aliā mentē mihi affinget ex suâ mente. Nec hoc te ledat, quod vnū aut alterū alibi leſi. Aperire, fateor, nec tamen nominatim. Se ille quicumque est prius prodatur & accuset necesse est, quàm me. Cur nō liceas? pestes & vitia hæc hominum detegi, ex vsu hominū est: etsi non ipsos. Per se illi sentiant, alij suspicentur. In hoc tamen quoque sicut in ceteris, siquid peccatum: post emendabitur. quia nunc vnicū hunc librū velut in gustum damus, & periculi faciēdi causa. Emitto inquā hanc Centuriā, aut præmitto verius ex Epistolarum meā legione, tanquam ad incerta itinerrum exploranda. & si nulli aut pauci hostes: fidenter omnes copias producam in hunc Famae apertum campum, sin laquei & insidiæ: quiescam, & renebo me iure in fidis silentij castris. Tu ò bone, fave, ama, fauens em, amantem.

INDEX EPISTOLARVM QVÆ AD ALIOS.

A BRAMO Ortelio, Epistola,	54.
Adolpho Metkercho, Præsidi Flandriæ,	94.
Alexandro Ratloni,	12. 33.
Amico cuidam,	62.
Andræ Dammio,	69.
Andræ Ellingero, medico,	9.
Andræ Dudithio, Cæsaris Consiliario,	92.
Aug. Busbequio, Cæsario Legato,	18. 63.
BONAVENTURÆ Vulcanio,	65.
CAROLO Clusio,	48.
Consulibus & Senatui Antuerpiensi,	56.
Cornelio Prunio,	59.
Cornelio Valerio,	1.
DOMINICO Lampsonio, Leodiësi Episcopo, & Prin-	
cipi à Secretis,	60.
ERRICO Memmio,	87.
Euerardo Pollioni,	16. 78.
FLORENTIO Thinnio, reip. Vltraiect. Syndico,	90.
Francisco Bensio.	52.
Francisco Modio,	28.
Francisco Raphelengio.	35.
Francisco Raphelengio, Francisci filio,	77. 82.
GABRIELI Roelandio,	47.
Gaspari Schuermanno,	44.
Georgio Benedicti,	73.
Georgio Ratallero.	25.
Gerarto Falkenburgio,	4.
Godschalco Steewechio,	41.
Gulielmo Breugelio, Regio Consiliario,	8.
HENRICO Ranzouio, vicario Regis Danicæ.	88.
Henrico Wistio,	55. 98.
Hieronymo Berchemio,	21.
Hugoni Donello, Iurisc.	76.
IACOBO Cuiacio,	67.
Iano Doufæ,	3. 15. 23. 61.
Iano Grutero,	93.
Iano Gulielmio,	39. 66. 74.
Iano	

	Iano Haureno, Epistola.	50.
	Iano Lernutio,	13.20.27.40.41.86.
4.	Ioachimo Camerario, Doctori Medico,	75.
4.	Iohanni Rotario.	99.
3.	Ioanni Sambuco,	36.
52.	Ioanni Mœrentorfio.	72.
59.	Iosia Mercero,	32.
9.	Iosèpho Scaligero, Iulij filio,	6.
2.	LAEVINO Torrentio,	64.97.
53.	MARCO Antonio Delrio, Confiliario Regio,	14.
65.	Martino Lydio,	58.79.
48.	NICOLA O Florentio,	30.
56.	PAVLO Bufio,	89.
59.	Paulo Melisso,	83.
I.	Petro Egmondo.	100.
in.	Philippo Lanoyo,	22.
60.	R. Pinczo, Senatori Regio,	85.
87.	Rolando Wincelio,	80.
78.	STEPHANO Pighio,	5.
90.	THEODORO Leeuio, Confiliario, 19.26.31.37.43.61.68	
52.	Theodoro Cantero,	42.
28.	VALERIO Collino,	95.
35	Victori Gisclino,	2927.70.81.

INDEX EPISTOLARVM QVÆ AB ALIIS.

25.	ANDRAEAS Dudithius, Epist.	91.
4.	Augerius Busbequius,	1734.
41.	CAROLVS Clusius,	49.
8.	GABRIEL Roëlandius,	46.
88.	Georgius Ratallerus,	24.
98.	IANVS Guilielmus,	38.
21.	Iosephus Scaliger, Iulij filius,	7.29.
76.	LAEVINVS Torrentius,	96.
67.	MARCVS Antonius Muretus.	11.53.
61.	PHILIPPVS Marnixius,	57.
93.	R. Pinczus,	84.
74.	Iano	

IVSTI "LIPSI
EPISTOLARVM CENTV-
RIA I.

EPIST. I.

Louanium.

CORNELIO VALERIO S. D.



ITÆ genus, quod à reditu elegerā,
& indicaui præsens tibi mi Valeri, &
probaui. quietum istud, modestum, la-
tens, remotum ab ambitu & à curis.
Et iam ingressus seriò eram, cum (ec-
ce subitam vim Fati) vereor vt subitò
id mutem. Nam tempora quæ impē-
deant, vides; & quæ tela improuisò
exorsa ciuiliū bellorum. quæ si pertexitur, & nisi stamen
eius ac subtemen pax aliqua abrumpat, stare mihi diutius
non licitum in hoc loco. Quomodo enim? exposito cotti-
die non rapinis solū militum, sed iniurijs. quorum quàm
libera licentia sit, nosti. Heu vitæ legem! cui annexum, angī
& dolore in omni sorte. Itaque agellos istos mente iam de-
tero, & specto Grudios vestros. non planè inuitus, fateor,
cum te cogito & Canterum nostrum: quem tamen audio
& dōleo in lento esse morbo. Quid autem? tabes ea est &
marcor? an quis alius līguor? De illā, visus mihi dicere me-
dicus Gemma. Quod Musæ tamen prohibeant, & diurna-
re paullo magis in terris velint Parnassium hunc alumnū.
Sed caussa morbi quæ? studia, an curæ?

(a) Τίτιστα γάρτοι καὶ νόσους δουδυνίαι.

ait Tragicus. De studijs magis credo. quæ calidè ille ni-
mis habuit & intentè. Numquam vidi tam indefessum in-
genium, & laboris huius Musici aut appetens magis aut fe-
rens. Semper ille in libris, chartis; noctu, diu; assiduus, ac-
cubius; nec dies solū omnes appensi & numerati ad hanc
curam, sed horæ. quas singulas ad clepsidram diuidere &
attri-

*a Morbos
enim produ-
cere & curæ
solent.*

a Epist.v.
lib.3.

attribuere ille solitus, huic lectioni aut huic scriptioni. De Plinio suo (a) scribit, & iactat alter Plinius? atque torpor ille hominis & desidia mera, si cum hac assiduitate comparatur. Nos, mi Valeri, remissiores: & si per hanc viam mors, sum immortalis. Vis scire quàm ignauiter cessem? Tot protela admonitionum tuarum nondum effecere, vt vel manum adiuucri Commentario Corneliano. Ita subiit me ignauia huius dulcedo: &, quod ille ipse Cornelius ait, *inuisam primò desideam, nunc amo*. Mutabor fortasse cum loco. Tuus certè non sermo solùm excitabit me, sed vultus, quem iure vereor & veneror, ductorem doctoreque meum in meliore hoc animi cultu. Vale. In Iscano meo. a.d. xii. Kal. Decembr. 1575.

EPIST. II. *Brugas*
VICTORI GISELINO. S.D.

RARAS à te literas, mi Victor, accipio: sed certè caras, stillantes mero melle & amore. Vellem vtrumque, vt & diligentiam tuam amare possem, & adfectum. At principium tuum vanum de abitu meo Coloniam. Vnde hoc autem? ab amico aliquo, an à famâ? Non enim à me certè, aut meis literis: nec vnquam mihi fuit in mentem. Apage illud scelus (ita loquor) vt pedem hac prouinciâ efferam, non visis vobis. Et sanè paulum modò hic morbus perseuerasset, veniebar ad te non solùm corporis sed animi medicum mei. Nunc, cum deo fauente, reualui, & gallum debeo Æsculapio tuo. O diecula illa, quâ vnâ mecum exoptas, quando exorire? quando te & Lernutium in Iscano isto complectar & stuar? quando in pergula illâ ad Lunæ lumen garriemus, bibemus, viuemus? Di amicitia præsidēs, repræsentate mihi hoc votum. Festino enim, quia vt cogi nubes has video, breui dabunt tempestatem. Circà nos melitares globi: qui vereor non vt interpellent, sed pellant. O locum hunc beatum, absque metu isto sit? A Samboco herè ad me litteræ, sane quàm amica. Humanissimum virum coràm reperi, non pro opinione meâ (tecum hoc sit) litteratum, Ita in his quoque rebus

rebus ludit & illudit illud siue Fatum siue Fortuna: & quidam iocentur famam, quidam habent. Inter illos, in eâdam Germaniâ Andræam Ellingerum noui, deus bone, virum magnum & penitus doctum! at ille pænè ignotus latebat & fallebat inter suos. Ita fatua sæpe huius æui iudicia, aut iniqua. Et nos quid speremus, aut laboremus? Dormiamus potius, aut cucurbitas pingamus. Quorum alterum ego quidem iam facio. Scripsi enim hæc ipsa ad lychnum, labente manu, premente somno. In Iscano meo
III. Non. Octob. 1576.

EPIST. III. *Lugdunum Bat.*

IANO DOVSÆ *amicissimam salutem mitto.*

ECQVID tinniunt tibi aures, mi Doufa? ita multus non in sermonibus meis solum es, sed in litteris ad amicos. Vel nunc cum Rogerio nostro, quàm multa, quàm suauis, de te fabulatio? Adest enim mihi, ne nescias, hoc ipso tempore, & quidem in mensa. Ita dico, in mensa: & in ea mihi hæc scripta. Abituriebat enim ille. nec fas certe sine mea manu: pænè scripseram animo, quem ille à me exsulem auferet ad te secum. Non sum ex iis qui

Composita dicta pectore euoluunt suo,

Quæ cum componas, dicta factis discrepant:

vt ait Attius, audi, Doufa, veram vocem. mens omnis & adfectus apud te est, ex quo legi suauissimos & felicissimi Genij tuos versus. O te magnum, & mei stomachi vatem! Non musæ ipse Lipsium magis amēt, quàm ille te. Itaq; nō ultra fero desiderium. &, nisi res nostræ turbidè porro turbauerint, cis paucos dies excurram: & vsurpabo istis oculis, quem nunc auribus tantum & lingua. De Gisellino nostro & Lernutio, omnia recta. nisi hoc tamen, quod vterque nuper in vincla coniectus (percutio te? pone metum.) nuptiarum. Etiam ego in hoc carcere. si vir es, veni & Iunones nostras vide. Salue mellitissime. Louanij, Nonis Aprilibus. 1577.

EPIST.

EPIST. IIIL

Vbios.

GERARTO FALKENBURGIO

S. D.

MVNVS vestrum accepi egregium, mi Falkenbur-
gi, imò regium. Et cur non, vestrum? ego scio Rēdi-
gerū caput huic dono fuisse, te pedem, nec tā beni-
uolo concillatori minus debere me fateor, quàm datori. A-
nimus enim est, quem in his talibus specto: nec pretium ijs
vñquam à se facio, sed ab adfectu, qui in te certè maior. Au-
tum autem ipsum, quid nisi splendens quædam terra & ni-
tidius paullo lutum? Iudicium tuum de libellis nostris mihi
gratum, sed vñam iudicium, siue tamen amor, is quoque
gratus, quia magnus: nec aliter vñquam tam rectam cer-
tamq; mentem cogeret in errorem. De lapsu memoriæ
quod submones, verum est: corrigam libens. Quod autem
his & ad Pulmannum litteris iteras & pungis de seruitute:
audi quæso liberè & diffusius paullo meum sensum. Ego qui
status patriæ huius sit, nec ignoro mi Falkenburgii, nec ne-
go. (aspera in eo multa fateor, intenta, rigida, præter mo-
res, præterq; leges.) sed hoc quoque scio, qui meus. Apud
me ecce & in rusculo meo viuo: cur angar, quid Corta ali-
quis aut Carus moliantur in aulâ? Vim alijs inferunt? non-
dum mihi opes delibant aut diripiunt? pereunt eadem ab-
senti. Ad impium aliquid adigunt? numquam. Mentem e-
nim istam liberam quis tyrannus mihi artat? internam sen-
tentiā quis cogit? cultum metumq; diuinum è pectore isto
quis eripit? Et si velint: ecce sacram ancoram,

a Quis ser-
uus est, peri-
re modo qui
non timet?

(a) Τίς ἐστὶ δούλος τῆς θανάτου ἀφροντίας ὢν?

Hoc enim firmum aduersus externa omnia telum, non ti-
mere propter quod timentur. Sic Socrates adfectus, qui A-
thenas non deseruit, insellas non vno sed triginta tyrannis:
sic Seneca, qui sub Nerone, imò cum Nerone vixit: sic Hel-
uidius, sic Thraseas, & magna illa sapientum manus. Me cur
in alia vocas? Animo diffidis, aut annis? noli. Nos enim mihi
Falkenburgii in iuuenili hoc pectore sic adfecti, vt deum
virtutem, & me constanter colam: non aduler imperantibus

bus

sed nec irrite mi & cum Corneliano illo (a) Lepido, in-
 abruptam contumaciam & deforme obsequium, pergā iter am-
 bitione ac periculis vacuum. Periculis inquam, quorum nō e-
 go (humanitus quantum licet) occasio aut causa. Quod si
 aliunde & ab externā vi ingruant, quomodo aut vbi exclu-
 dam? Non Vbiij vestri ab ijs me liberent, non liberæ omnes
 Imperij vrbes. Sed reuera (dicendum est) peccamus multi
 in hanc partem. prouocamus pericula, & laceffimus sæpe
 imperātes vanā quādam specie aut superbæ libertatis, aut
 incautæ pietatis. Modestia autem est quæ deo placita, & his
 qui dii in terris. Reges vt fulmina esse didici: dura frangere,
 mollibus plerumque illæsis. Itaque hæc tempora, vt nimbū,
 habeo: donec desuerint, latito & me tego. Nec nimium
 tamen de seuitia illorum queror: quia scio exoriri posse de-
 teriora. Rusticulus ille mihi in mente. qui diu de Antigono
 rege viuo quæstus, cum obijisset successore peiore: terrā la-
 boriosè inuertens & votorum iam pænitens, Antigonom,
 inquit, refodio. Faxit & ille deus, vt hîc turbæ nostræ stent,
 neu breui procellæ ingruant sæuiores. Sed hæc seriora for-
 tasse quān pro epistola. occasio tamen ijs ex iterata tua
 accusatiuncula: & gaudebo, si consilij mei ratio proba iam
 apud te probum & consultum. Talem enim non minus rep-
 eri, quān amicum mihi. qui vt esse semper perseueres, ro-
 go. Vale. Ad Redigerum ipsū scripsi seorsim. In Iscano meo,
 Kalendis Sextilibus. Anno 1575.

a De cuius
 cauta pru-
 dentia apud
 Tacitum,
 Annal. 4.

EPIST. V.

Vienna.

STEPHANO PIGHIO *tranquillam**hanc noſtem precor.*

VIDEM meam culpas? audi. Prandium mihi hodie a-
 pud heroem nostrum (non enim virum dixerim) Busbe-
 quium. post prandium, longiusculæ etiam fabulæ (sed de
 cunctis) vt apud illum solet. Hæc res diem mihi abstulit, &
 me tibi. Ignosce, & iam cognosce. Nam de Prætorum lito-
 rum, liticula nescio quid adfero ad te nostrum Prætozem.
 vulgus & auctoritas veterum sex eos facit. loca & testes ti-
 bi notū.

bi noti. At duos fuisse tantum, lex vetus mihi ingerit, apud
Censorinum ista. *Prætor urbanus qui nunc est, quique posthac
fueris, duos lictores apud se habeto. usque supremam ius inter ci-
ues dicito.* Cauillari poteram & effugere, tanquam mini-
mum duos lictores lex esse vellet; de pluribus non vete-
ret, sed ligauit iterum meus Plautus: apud quem in Epi-
dico clarus ab hac re iocus,

At enim unum à Præturâ tuâ Epidice abest. E P. quidnam

THE. scies.

Lictores duo, duo viminei fasces virgarum.

Inter ornamenta ecce Prætoria disertim duos lictores nu-
merat, duosque fasces. Hac repræhensione, huc ibam: v-
censerem Plauti & veteri illo æuo haud plus duos sanè fu-
isse, at numerum postea auxisse, splendoris maioris causa.
Sed hoc quoque diuerticulum interclusit mihi importunus
tuus Valerius: in quo lib. i. cap. i. lego De Furio Bibaculo
Prætor sex lictoribus præcedentibus arma ancilia tulit. Quo
factum notæ tuæ Chronicæ referunt in annū urbis D X V
id est, ante aduultum Plautinum æuū. An Prætori vi-
bano & peregrino si fortè bini tantum: aliis extrâ urbem
& ad auctoritatem apud subditos, plures? Iuuua, iuuua: ang-
ego & resisto. Præmium tibi operæ, cænula cras apud m-
in diuersorio noto, sed ea lege, vt ambulatiuncula præ-
dar ad siluulam nostram Querquetulanam. Salue a tu
Lipso, & dormi. Viennæ, Idibus Iuniis. 1572.

EPIST. VI.

In Pictones.

IOSEPHO SCALIGERO IULI

F. S. & amorem nuntio.

QVI verè erga te magnus. Nam iam antea, mi Sc-
ger, cum veneratione quadam amabam te, pat-
nz & tuæ virtutis causa: nunc magis, cum te quoque com-
deo conspirare mecum in hoc adfectu. Nam, qua de me p-
rant, litteras tuas Plantinus mihi legit: & amicas valde
honestas. Atque in amore quidem tuo, gaudeo: in iu-
cio, triumpho, quia (verè, & ex animo) si quisquam est p-
borū, cui probari me mea q; velim: is tu es, inter probissim-
prim

primus. Nam hunc vulgum, morus ego si morer. Epistolicas his diebus emisi: rude opus, nec istarum aurium. Vide tamen: & agnosce nos in litteris. multa velle, te posse. De Plauto quod item ad Plantinum: apage. egone ante te? laudum libraui hoc onus, cui impar ista ceruix. Tu hic vnus Hercules siue Atlas nobis, & fulcire debes comicum istud cælum. De Nonio etiam cogitare te audimus. verone & serio? item de Manilio, sed litterę tuę nihil tale nunciabant. Credimus tamen: quia hæc omnia per iocum & ludum te posse scimus, in quis alij sudant. Aquila in nubibus, quod Græci dicunt, vere tu es: vides imò peruides omnia: & quidquid venaris, capis. Sed desino eiusmodi sermonum: quia teuerat

*a Leue donis,
sapiens pro
multis labo-
ribus dicere
landes.*

(A) Κούφα δόσις ἀνδρὶ σοφῷ

Ἀντιμύχθων παντοδυνῶν ἐπὶ εἰπεῖν ἀγαθόν.

Tu salve, & me ama, qui te æternum Louanij, a. d. vi. Kalendarum Decembruum. 1576.

EPIST. VII.

LOMANIUM.

IOS. SCALIGER IVL. CÆS. F.

DOCTISS. I. LIPSIO SVO S.

MISIT ad me Lutetia litteras tuas amicus noster Christ. Plantinus. Ego, mi Lipsi, ex quo primum scripta tua legi, cœpi te amare, & egregias animi tui doctres admirari. nihilq; ad summam illam voluptatem, quam ex scriptis tuis capio, deesse mihi videtur præter complexum, quem ego nactus, ita mihi musæ faueāt, nūquam dimitterem. atq; vrinam ita præsentem te ἐπὶ οὐ φάμεναι,

ἢ ὀνομάζειν liceret, vt te sæpius in lectione libellorum tuorum alloquor, atq; mediisfidius interdum avτοόβος compello. Atq; vt ego tibi hæc scribere cogitabam, ecce me ipso in articulo oppressit puer, qm̄ mihi litteras à doctiss. Cl. Puteano dedit vnā cum politissimis Epistolicis questionibus tuis. Nam quamuis nondum eas legi, quia sunt mihi hæc scribenti redditæ sunt, quare aliter, quam p̄dictis litteris, quę sunt à Lipsio meo? sanè non dubito quin eas cu-

B

scrip

ferit optima moneta officina tua. Et ut verum fatear, subije
me gloriolæ γαργαλισμός, dum inter tractandum limis no-
men meum legi, utinam per tabellarium liceret illarum le-
ctioni præuoltere, sed scribendi munus nō potui defugere,
quia peropportune inueni, qui has tibi reddendas curet. De
Plauto non est, quod aliud à me exigas. tu potius σπάρταν
ἐλαχες. ταύταν κόσμει, Interea tamen Catullum nostrū
cum reliquis duobus poëtis ad te ferendum curo, si typogra-
phus non fefellerit. Ego huc in otium secessi. Equidem casū
patriæ tuæ moleste fero, sed & nostrum tu lugeas licet, qui
toti in belli seuiissimi expectatione sumus. Africa terribili,
nosti cetera. Plautum Lambini si vidisti, non admiraris, cer-
tò scio. Est enim germanus planè illius Horatii Lambiniani,
qui commentariorum mole laborat. In hoc secessu nihil
penè librōrū attuli. Itaq; planè sum ἐν σκουδῶν ἐρημίᾳ in
loco tam à litteris, quàm à libris vasto. Tu, interea dum ego
hic neq; mihi neque alteri profum, fac felicius, quàm me,
in otium te dedisse putemus. Nā profecto inter hos armorū
strepitus οὐδὲν γοιμῶδες omnino possū παρακινδυνεύ-
σαι. Conabor tamen, si possum, editionem Psalterij mei,
quam molior, aut per me, aut per alium emittere. Hexaplun-
fori, Hebraicè, Syriacè, Æthiopicè, Arabicè, Græcè & Latine,
vnà cum scholijs, & in eas aliquot linguas præceptis. Tu
nobis & Plautum, & Nonium, & alios, exornatos dabis. Ne-
q; est, quod à me exspectes, me vide. Ego frequentes à te e-
liciam si possum. amicali gratum in te animū despexis, ca-
ue. Vale. Datum Tuffoli in Pictonibus ad Viennam flumen,
Prid. Id. Feb. 1577.

EPIST. VIII. Bruxellam.

GVLIELMO BREVGELIO REGIO

Consiliario, cognato meo

S. D.

MAGNUM sed amicū mihi diffidium tecum est
de agro de quē vides. Tu istam præfers, ego illum: ratio

rationes mihi, nisi fallor, magis firmæ. Quas quoniam herè inter differendum leuiter libauimus, visne hæc epistola (otium enim & libentia mihi) promiam accuratius & diducam tibi per partes? Scio velle. aurium tantum, vt sic dica, vacuas ædes mihi apperi: & admitte, lodes, peregrinantem veritatem. Agrum & in eo cultum, meliorem Vrbe esse aio, ad Sapientiam, ad Mores, ad Voluptatem: addo & Fructum. De Sapientia: non negabis, quin illic aptior ad eam animus, vbi is liberior & magis sui iuris. talis autem in agris est. Opida vise & adi: non effugies, quin vnâ tumultus, procellas, turbas. Circumstrepent enim te subito res hominesque: & negotium tibi non solum tua negotia facient, sed aliena. Vt difficile est in conuiuio lauto & copioso solum esse siccum & sobrium: sic vacuum, inter tot occupatos. Ille ad sponsonem te trahet & ad forum: ad nuptias alius & ad templum. In ipsâ viâ clamores alibi & lites: pugna nonnullibi & arma, & mox iudex, lictor, carcer. Domum ipsam tuam cum venieris: ne in secretum venisse te cense aut penetrare. Irrumpent ecce salutatores, inuisores, & nomine amicorum quidam fabulas imò epulas captantes. Hos nullum limen submouet, nullum velum: & per omnes rimas inuolant importunæ illæ muscæ. Inter ista & inter istos, quis libris liber locus? quis cogitationibus? sine quibus an vlla legitima ad Sapientiam exercitio aut via sit, haud cerno. Et tamen fac te felicem aut fortem: otium aliquod in ipsâ vrbe diu luctatus tibi vindices: nego id liberum, firmum, aut aptum animo vegetando. Spernit enim natura sua includi celestis ille ignis, & aërem amat ac campos. Vt generosas feras cauea domat & frangit: sic altas mentes vrbicus ille carcer. Equum ad cursum apertus & liber circus prouocat: animum ad studia, vagans vacansque aura. Siluam illam viridem videt? hinc armen auct aut hymnum deo pangere. Horti illam purpuram? hinc cum libellis suis decumbere. Aquæ illud murmur? ad eam altiori cogitatione abijci. Et nocte ipsa aut sub iam, pictum illud patensque celum eum capiet: & inter or stellas errantes aut inertantes, a curis terrisque erigente scandet super illa. Adde quod hic altum securum: otium: nemo qui appeller, aut interpellet: & amicissima ratio.

seper studijs, solitudo & quies. Vides igitur quæ in hac parte ager ante urbem habeat: nec vanè à Columella scriptum, *Vitam rusticam proximam & quasi consanguineam sapientia esse.* Quod si nunc ad Vitam me vocas & ad mores: bonà fide, vtrubi, te quoque iudice, illa innocentior, & hi puriores? veritas tibi exprimet, in agris. Oculos paulisper conijce in magna illa & commercijs crebra opida: mentior, nisi ambigas cœtus illic hominum an confluges vitiorum. Adfert enim seorsum quisque suas culpas: quas mixti vulgant, & velut contagio, tradunt inuicem capiuntque morbos animorum. Quin vt flumina per se dulcia, cum in mare venerint, salescunt: sic homines haud mali, ex agris in urbem redacti, tactu inquinantur & mixtione. Illic enim ambitio, auaritia, libido propriè habitant: & fons omnium vitiorum, depudere, cui origo, non negabis, ex crebro illo inter se adspectu occursumque. Itaque prudentes olim legillatores & qui femina lecere boni status, ciues suos plurimum ab urbe & contentibus abductos, habere voluerunt in agris. agris, quos ad probitatem, modestiam, robur, gymnasium censuere & palæstram. Romulus ille æterni auctor imperij, in duas classes cum ciuem diuississet, Seruos ac liberos: istis duo tantum studia Militiæ & Agri dedit; illis artes reliquas, quæ ad Mercurium & ad lucrum. Ira enim est, mercatura & quidquid artium ad opes ducit, ducit ad vitia: nec animû solum emollit & effæminat (verè Sallustio dictum) sed corpus. Quis vires & viros vnquam in opidis quæsiuit, aut inuenit? adeo vetus illud verum in omni gente & æuo est, *Optimum militem legi ex agris.* Parthi olim belli potentes: sed sparsi in agris. Scythæ: sed in tugurijs oberrantes. Germani: sed priusquam vrbes coluissent. Turcæ hodiè: sed minimum dediti in amœnitatibus opidorum. Quin illud ipsum saniterorum agmen, iure terror orbis, non ex agris solum sed penè dicam havis collectum, & mapalibus pastorum. Nam Romanos tibi quid ingeram? Curios & Fabricios nosti serentes, occantes: Quinctios arantes, & Dictatorem induentes: & vno verbo, non milites solum ab agris sed duces. De moribus ergo vides, qui si vsquam etiam hodiè pristini integrique quærendi sint, vestigia reperias in agris, vbi apud se quisque: & ideo pudor, innocentia

simpli

*Simplicitas manet, & vita malarum fraudium artiumq; ex-
pers. Sed quid possim in hac parte magis verè, magis am-
pliter dicere, quàm Hyppolitus ille apud Senecam? quem,
quæso te, audi.*

Non alia magis est libera & vitio carens

Ritusq; melius vita quæ præscos colat,

Quàm quæ relictis manibus campos amat.

Non illum avaræ mentis inflammat furor

Non ætra populi, & vulgus insulsum bonis,

Non pestilens invidia, non fragilis fauor,

Non ille regno servit, aut regno imminet,

Spei mei usq; liber.

& adde plura pucherrimi cothurni, quæ omitto. Ad Volup-
tatem enim transeo: quæ tamen hic tam obuia, vt indignè
super eâ moueri mihi litem. Elementa omnia intueor?
vim suam vsumque palàm & toto, vt ita loquar, sinu in hoc
rure nostro effundunt: obscurè & parciter in tuâ vrbe. So-
lem vide: melius hic niter. Aërem: lætius latiusque dif-
funditur & ridet. Aquas: purius bibuntur. Terram: hic
tantum cernitur in vero suo vultu. Alibi in planiciem effu-
sè porrigitur: alibi in collem placidè adsurgit, aut magis
rigidè in montem. Illic herbis & sponte natis arbutus vesti-
tur: hic fruge fructibusque, & feliciore ligno. Quem non
delectet tam varius ad spectus & cultus magnæ matris? cui-
us apud vos vna facies ædibus præfixæ aut pavimentis lam-
domum si venisti, hic prorsus gaudiorum & amenitatis
vera sedes. Manè surrexisti? ad musicam quidem, & circum-
sonant te ac velut salutant chori illi alitum, suauiter fril-
lantium, trutilantium, minurientium, ad quos non æquipa-
rent se tibiæ, citharæ, aut ex arte vlli cantus. In hortum
prospexisti? oculorum aciem tibi præstringet illa ipsa nocte
exortum, agmen florum & herbarum. In pratum occurres?
Vere nouo arbores odorâ quâdam & canâ niue persperæ:
eædemq; sub Autumnum, aliâ pomorum purpurâ sine cæ-
râ distinctæ. Propius easdem adspice, insuones mirabere
& matrimonia: adulteria etiam, & suppositos fætus, inscia
matre nec inuita. Quam lasciuam comprehensionem fa-
cunditatemque quisquis in ligno non miratur; ipse pro-
fecto lignum. Iam ad agros deuertisti & tua rura? illic bo-

ues lente pascuntur & oberrant; hic pecudes magis vagæ
 lasciuunt & hœdi. Porcus alibi volutatur & grunnit: alibi
 eristata cohors eugurrit & scalpit. Segetes illic tuas vides,
 & siliginis, farris, hordei vberes fasces: siluam istic, & ad hi-
 emem lignorum strues. Vitæ denique alibi florentem aut
 maturelcentem: & spe iam præbibus sacrum illum alibilem-
 q; liquorem. Quorum omnium quæ copia in vrbe sit? quin
 ne imago quidem satis certa & expressa. Sed ut ij qui parie-
 tem intuentur, ex leui linearum ductu, animalia in eo & fac-
 cies sibi fingunt: sic vos harum rerum futiles vmbas. Ita
 viuitis in pulcherrimo hoc mundo, mundi exsules: nec bona
 aut dona cius plenè vnquam nostis. Postremum Fructus
 mihi superest, de quo quid ambigimus? cum non solum cul-
 tus & ornatu plerisque vitæ ab agris sit, sed vita ipsa. Agri-
 cultio enim moriatur: & vna humanum genus. Adde illa
 commoda, agnum aut hœdum a stabulo, pullum e corte,
 porcum ab harâ, & tot dapies inemptas: quas vos agere &
 care præstinatis à foro aut macello. Quod si opes omnino
 quæris & aurum: rideo ego & sperno. & tamen si quis hæc
 quoque ambiat, non alibi parandorum vberior materia &
 feges. Non palatia, non fora, non scœnora plures ad opes
 euehere: quàm beati illi agri. & addo rei caput, quod tu-
 to euehere, quod citò, quod innocenter. Thales ille olim
 anno viuo diuitias amplas corrogare potuit, emptu prospe-
 ro omnium oliuarum: & viro prouido sapientique non ho-
 diè idem ius, in segete, pecude, siluâ? Sed de his quia non
 libenter, nec ampliter quidem dissero: & mitto te, si voles,
 ad veteres rei rusticæ scriptores, à quibus disciplinam eam
 petas. Nam ego fastidio. sicut & illud, quod crebrò ac per-
 tinaciter mihi obijcis de dignitate. Dignitatem ea mansio
 non habet, inquis: imò nec pietatem, quia patriam is de-
 ferunt. Dignitatem? me iudice, amplam: qui reges &
 principes fuisse scio in hac parte. An illud dignius, in foro
 latrare, tribunal siue aulam lambere, factum in æquales, a-
 dulationem in superiores exercere: quàm Sapientiæ sacru
 colere, Naturæ opes illustrare & promere, deniq; placidè vi-
 uere: placidè mori? Nam de patria, quid ais? In hac con-
 fusione rerum ad clauum ego sedeam: vbi nemo audirurus
 non nemo etiam irrisurus rectè gubernantem sit. Sæculum

hoc paullisper vide, quo noxæ integritas, contumeliæ pudor, ludibrio fides est: & aude suadere ut ijs præsim, quibus, hoc ipsum (pænè dicā) ægrè mihi est, quod intersim. Cōcludens voueo, ut procul ab vndoso illo virbium mari, in hoc tranquillo & rurestri portu quiescam & consenescam: ubi deum inprimis piè purèque venerer, deinde Sapientiæ studia & musarum tractem, & quidquid propriè ad vsum aut cultum animorum. Vbi classica nulla aut tubas audiam, ubi coruos aulae aut fori non videam: sed modeste tranquilleq; mihi & mecum victitè, expers ambitionis & pallentiū curarum. Cumq; vltimus ille & decretorius dies venerit, spiritū hunc, sine metu, sine motu, emittā: & apud notos ignotosq; memoriam mei relinqvā bonā potius, quā magnam. Habes quæ pro agro, in agro scripsi: quæ si approbas, tandem etiam hoc institutum meum: neu ultra commouendum me centè ex beata ista sede. Ita Deus beatum aliquando te faciat, cum vxore liberisq; quos saluto. In Iscano meo 3. Kal. Octobreis. 1575.

Carmen ecce etiam adiunxi, quod eidem argumento, calore ipso effudi. Placet? nescio. animus certè & votum quod non irridendum cuiquam, sed inuidendum.

LAUS ET VOTVM

VITAE BEATAE.

ILLI est pars superis deus,
Et mortalibus altior.
Qui fasit ambiguum diem
Non opiat, leuis atq; timet.
Quem non ambitio impotens
Non spes sollicitas lucris:
Quem non concutit metus
Regum precipites minae,
Non vulgi implacidi Iouis,
Nec sed stabilis loco,
Vulgi ridet inania:
Securoq; oritur dies,
Secura cadit & dies.
Vitam si liceat mihi

Formare arbitrij meis:

Non fasces cupiam aut opes;

Non clarus nixeis equis

Capitula agmina traxerim:

In solis habitem locis,

Horros possideam atque agros,

Illic ad strepitum aque

Musarum studij fruar.

Sic cum fata mihi vltima

Pernèrit Lachesis me;

Non ulli gravis aut malus,

Qualis Langius hic meus,

Tranquillus moriar senex.

EPIST. IX.

Brugas.

VICTORI GISELINO

medico S. D.

A IIO Locutio tu lica. nos Fidei quidem egregiè, qui te talem amamus. An non libet, an non vacat? Si illud, nos neglegis: si istud, contemnis. Scribere enim, non vacare tibi scribere, semper vacat. Salve, si emendas: vale, si pertendis.

EPIST. X.

Ienam.

ANDREÆ ELLINGERO *medico, salutem nuncio & mutuum amorem.*

PALLADEM aut Musam in hac Mercurij vrbe expectassem? numquam. Visa mihi tamen vtraque in tuis literis, quas ante biduum accepi prudentiæ plenissimas & doctrinæ. Sed adiungis & deam tertiam, in his quæ iam nunc redditæ à Wolfango. Venus inclusa ijs & amorum ipsa mater. ita amicè & cum spirante quodam, imò & suspirante adfectu, de me ad me scriptæ. Sed illas grauiiores nunc differo (pes enim mihi alter in naui.) ad has respondeo, quas manu teneo: vt hinc quoque, Lipsio iudice, deas vincat Venus. Quidni autem in suo mense? Filij tui tuisq; lacrimis

erimis ob discessum meum, mi Ellingere, non allacrimo
 (gratissimè enim & letissimè ab hoc adfectu) *συμπάσχω*
 amen, & eas humentibus item oculis genisque sorbillo.
 Deus mihi testis, quàm animus meus etiam nunc apud
 vos hæreat lento vinclo. & iure. quia quidquid extraneo
 homini benè aut benignè dici, fieri, potuit: dictum à vobis
 & factum. Princeps in me benignus, proni ciues, iuuentus
 amans imò ardens: tu inter omnes vere amicus, id est, in
 estu curarum omnium aura, in fluctu cogitationum por-
 tus. Hæc quomodo libens reliquerim? ne nunc quidem, si
 liber & mei iuris. Non enim voluntas abduxit me profe-
 ctò, sed Fatum abripuit & ille Pindari rui *(a) συγγενής* cui-
 que *πότμος*. Cui quomodo reluctet, aut qui me eluctet? *a Congenita*
 dictus vinculusque sum ò Ellingere, (ne diu obuoluam, quod *sors.*
 offerendum est semel) & quod verecundiâ quadam ob-
 cure tibi discedens inieceram, apertè nunc profiteor, Li-
 quit me Iuno. Vxorem duxi: nec eam vllâ vi aut suadâ ad-
 traho ad penita hæc loca. Deserere autem nefas. At nos
 amici nihilominus inter nos erimus, vt scribis: nec anno-
 rum spatia aut locorum deluerint vnquam hunc honestis-
 simi amoris colorem, qui pectora nostra firmiter tinxit De
 ne tibi spondeo: non ero, cum ille non erit. Vinariæ Illu-
 strissima Princeps benignè & comiter me excepit, egit de-
 ratiunculâ funebri vulgandâ: gratiam & præmium pro-
 posuit. negavi, vt quibusdam visus sum subrusticè & insipi-
 enter. At ego valde desipiam, nisi sic desipiam. causæ ri-
 noræ. Scholam vestram amo, & omnia cupio. vtinam-
 ue subsellium meum in sessum doctore aliquo nouo audi-
 am, non è plebe illa, sed ex equite nostro aut Senatu! gau-
 erem. De me, inquiram certè & conabor. Filio tuo salu-
 em, cui in vno hoc voto omnia voueo, Referat patrem.
 Vale mi optatissime, & vnquàmne vidende? fortasse. Ad
 arbidum enim mare imus, & variè nos iactabunt ac dis-
 cient ciuiles illi fluctus. *(a) Ἀλλοτε ἄλλοιός εὔρος*, ait
 yricus. & quis scit an æstus aliquis non eiciat me iterum *a Aliâ alius*
 hic? opto, nec opto. Vale æternùm mihi amice. Franco-
 rti (quod præseis Germanicis scriptoribus Franconesur-
 um esse obseruo) ad Moenum. Kal. i. p. s. Aprilib. 1574. *uentus.*

EPIST. XI.

Romam

M. ANTONIVS MVRETVS S. D.

IVSTO LIPSIQ SVO,

NIHIL est aut te amabilius, aut litteris tuis dulcius, ad quas ego nudiustertius acceptas statim respondissem, si aut fuisset plus otij, aut statim respondere tui interfuisset. Cum & essem paullo quam soleo occupatior, & in vnus diei mora nihil esse incommodi viderē, indulsī naturæ meæ, qui perspectam haberem facilitatem tuam. Desiderio tibi esse mutuam consuetudinem nostrā, si vis me apertē ac simpliciter loqui, vt mea consuetudo fert, & vt nostra summa coniunctio postulat, gaudeo: quod quod ipsi mihi admirabile videtur, ex molestia ipsa tua voluptatem capio. Nam neque tu, nisi me valdē amares, tam iniquo animo ferres absentiam meam, & mihi nihil iucundius est quam a te valdē amari. I nunc & dicito verum esse illud Euripideum ἐς κοινὸν ἀλγεῖν: cum duorum qui certē inter se amicissimi sunt, videas, vni alterius ægritudine esse iucundam. Caue tamen putes, minus à me sermones tuos requiri, quam à te meos. Hic enim et si adfluimus omnibus delicijs, plane quæ Phæacum vitam viuimus, vñ

— εὐφροσύνη μὲν ἔχει κατὰ δῆμον ἀπαντα

Δαιτυμόνες δ' ἀγὰ δώματ' ἀκυσσῶνται κοιδοῖς

Ἡμενοὶ ἐξεῖναι, παρὰ δὲ πλῦθσι τραπέζαι

Σίτῃ καὶ κρείων ἄνθρωπος nemo tamen est qui iisdem, quibus nos, studiis delectetur: vt iam verear, cum istuc rediero tam diu à Musis & à litteris omnibus peregrinatus, nisi quis vestrum, quibus assidue in libris versari licet, mihi illud occinat, Εὐβαρβαρίσαι χρόνιος ἂν εὐβαρβαρίσαι. At tu mi Lipsi, si me audis hominem si non valdē prudentem, certē quidem insigniter amantem tui, obdura, & nō tam citò de Roma relinquenda cogitare. Mihi crede, ista tibi quondam letitiam feret labos. Conuentum esse à Manutium meum gaudeo, & talem repertum, qualem ei Ra

go tibi cum sæpe descripseram. Hoc tibi liquidò confirma-
re possum, eum virum bonum esse, φιλόφιλον, & studioffi-
num benefaciendi quamplurimis. Quare auctor tibi sum,
ut te, quantum potes, insinues in illius consuetudinem.
Cogitabam de eodem oleo & opera ad Plautum nostrum.
scribere: sed aliò vocor. Interea salutabis eum meo nomi-
mine, & ut cœpisti, reddes quotidie tua consuetudine do-
tiores. Cras ad eum scribam. Bene vale mi suauissimè,
Lipsi. Tibure, x. i. Kal. Septemb. 1569.

EPIST. XII.

Gadam.

ALEXANDRO RATLONI. S.D.

R A R O scribis, sed nescio an idèd litteræ tuæ desiderio
Riplo cariores. His quidem postremis fateor me non vo-
uptare solum perfunctum, sed gaudeo: si verbo eo vti nobis
as in tristitia hac rerum. Nam de Antuerpia, quæ mon-
stra audimus? Deus bonè, hincine tandem erupisse tor-
nentium consilia malè sana, malè cocta? O factum à regio-
uene minime regium / Etsi nobis adhuc tenebræ, nec de-
etota satis certis, nec de causa. Eiusne fraus, siue error?
in vulgi consternatio & furor? Quiduis enim potius, quam
et perfidie nona hæc macula inuratur laudatissime olim
primeque genti. Sed hæc publica videbit publicus ille
Rector. Tu in re tua quid? etiamne fluctuas? sic apparet.
tqui statendum semel aliquid est, cui firmiter inherescas.
Mutatio quidem hæc crebra, & desultorium, ut sic dicam,
quæ nus vitæ, non ex usu tuo, non ex fama. Pessimè, & Gre-
ediorum quoque proverbio damnate sunt, nutantes & (a)
s, n. *ἡ ψυχή αἰετὸν ἔχει*. Litteraria hæc vita & otiosa tran-
mih. uillitas, quid non habet commodi? Non externa illa for-
go. esse. sed nec terra que aurum aut argentum gignit, res a-
nden. as producit, nec animus, qui se colit & virtutem. Cetera,
& no. le fore sterilis. Quid tamen præferas huic vitæ cui
e, istos, cui salus comes, cui externa & interna quies.
e à. militiam gustasti: & vides quam non ea suavis. Itaque,
em. Ratio, huc redi: & si me audis, in Museo hoc portu
naum

a Vtròque
claudicantes
sententia.

navim tuam, defige & liga semel sacro morfu. Ad circumfusa illa & vana bona si abis, quis finis? iactabere & natas semper inter cupidinum novos fluctus. Non enim ratio, sed opinio tibi illas ingeret: cui insitum, variare & pernitere. Ut chamæleon, quæ saltem aurâ (ut aiunt) non cibo veskitur, hianti semper est ore: sic illi cupidine, quos ventus inflatur vulgarium opinionem. Hoc volunt, hoc nolunt hoc hodie spernuat, cras appetunt, & ut resule quæ fluminibus innatant, temerè impinguntur in hanc illamque partem. Hinc perpes illud sædum in nobis, & velut nauis sea omnium rerum. damnamus parentum & nostra vora & tam cupidè quæ sita quædam deserimus, quam antè querebamus.

Certa amittimus, incerta appetimus, atque hoc ævum

In labore atque in dolore ut mors obrepas interim.

exclamat verè meus vates. Ecce ille ad aulam adspirat, intrauit? rursum fastidit, & beatos cenfet qui latent. Alius privatum victitat: ægrefcit, & invidet purpuratis, parique leuitate rogati ad sagum properant, & hi rursum a togam. Et quis non de Lachesi sua queritur? reges ipsi de suo regno. At tu inter eos quos Ratio, quos Sapientia firmavit: nec circumagere mihi vulgarium iudiciorum omnivento. Ut Ulysses ille donec Leucothea velum ei suppositum natat nigrum pontum: sic tu hoc vitæ salum, donec per ætus tibi præcinxerit candida illa diua. Constantiam dico quam, audi, admitte, serua.

(a) *Ὁ δὲ ἐμοὶ κατὰ θυμὸν ἀρίστη παύετο βουλή.*

Vale. Lugduni Batauor. x. Kal. Octobr. 1583.

EPIST. XIII.

Brugæ

IANO LERNUTIO MEO SALV.

rem mitto.

QUA M recepi iam ipse. Hinc enim iure ordior: & gaudere te iubeo, mi Lernuti, quia à molestissimo morbo reualui, imò reuixi. Ad fauces Orci destitutus mihi hos menses fuisse videor: ita me oppressiunculæ & obstructiunculæ illæ internæ pelluntis adfecerant modis.

*a Hoc mihi
ex animo vi-
sum optimū
consilium.*

audescere credere? non leue momentum ad valetudinem meam habuerunt & litteræ tuæ, & carmen: illæ amicissimæ, hoc sanctissimum. nec fuerit unquam vt tam piæ, tam disertæ preces non audierit illa Dea, cuius sedem aptè in Fortunatis insulis ponis. Quæ autem illa tam audax parca, quæ vincla inter nos abruptum non parcat, sanctissimi amoris? Quin audi me, & securus animi es:

Di me tuentur, dis pietas mea

Cura est:

& porro, vt spero, erit. Turbæ apud nos ingrauescunt, abiecta spe pacis. quæ vereor, vereor autem? imò spero, vt breui euaciant me ad vos. procul enim futuri videmini ab hoc belli nimbo: qui imminet prorsum capitibus nostris. Sed quid ais? Doufane nuper apud vos? nec ad me? ò factum ab amico non amicum! Quod dixerit, subita res fuit, necessarius. redditus: nihil audio. nuncia illi à me sodes, sexcentis versibus non lues hanc culpam. In Statium aliquid meditari te suadet mihi noster Modius. vix persuadet. cur enim celes? & quidem cum tuo damno. Nam & mihi notata quædam ad sublimem illum & celsum poetam (ita censeo & appello, non herelè tumidum!) & libri apud nos veteres, qui te iuuent. Innue, mittam. Epistolæ nostræ nondum emissæ, sed vix eas teneo: ita sturunt. De quibus quid iudicaturi sitis, timeo. Alia enim quædam à prioribus meis hæc scriptio, cui nitor ille abest, & luxuria, & Tullianæ cincinni: pressa ubique, nec scio an quæ sita nimis breuietas. Quæ me tamen nunc capit. Timanchem pictorem celebrant, quod in eius operibus plus semper aliquid intelligeretur, quàm pingeretur: velim in mea scriptio. Magni Scaligeri ad amorum illos (a) Trium viros vidi, legi, probaui. In Propertio tamen traiectiones illas versuum crebras, mirari malim quàm imitari. Tu quicquid non ita sentis? scio. sed quis Polydamas ausit illū Hectorem? qui dis hominibusque fauentibus tenet profectum, & tenet hoc regnum. Itali cum qui deliciantur silent, nec iam a multo tempore quiddam ab ea gente litterarū accipio. Quæ sita Aldi per epistolam, & Fuluij Dr. Numis. Aureus noster Orationes pangit & edit, & das se in floridissimum eloquentiæ campum, ad famam consultè, imò &

*a Notas eius
ad Catullum,
Tibullum,
Propertium.*

ad quietem. Nam Criticæ istæ trice quam non latè
spargunt? quam laboriosè colliguntur, & scribuntur?
quibus nos tamen etiam, nescio quo fato an morbo, insat
nimus. Pergebam in hoc garitu. sed alius mihi in aurib
garritus, nuntij ad excubias trahentis. Arma capio, pon
stilum. Quid ais? fatin' tñti Belgæ, hoc milite? Ite, dormi
te in veramque aurem. Louanij. Idibus Iuniis. 1577.

EPIST. XIII. *Louanium.*

MART. ANTONIO DELRIO

Consiliario Regio. S.D.

MIRA tua fides in me, mira pietas, amoris enim cer
tè verbum leue est, in re quam rari pro fratre fratre
audeant, pro liberis parentes. Me meaue absent
defendisti: & obiecasti te non molestiis solùm sed periculis
in hac flammâ rerum. Venisti vltro ad meos, erexisti, secu
ros esse iussisti: hoc tantùm questus, quod non indicassent
Itaque quod res opesque meæ saluæ, quod scripta & libell
(id est, vita ipsa:) beneficium est vnius tui. Quid scri
bam? gratias agere me? ne concipio quidem: & affecisti
me in summo beneficio vnâ hac iniuria, (quod olim inge
niosè ille ad Cæsarem) vt viuam & moriar ingratus. Gau
dere me tantùm nuncio; mea causa, tua, sæculi mea, cu
is amicus obtrigit; tua, cui ea virtus; sæculi, cui hoc exem
plum. Mea salus saluæ. Antuerpiæ a. d. 4. Non. Mart. 1578.

EPIST. XV. *Ultraiectum.*

IANO DOVSAE meo. S.D.

SILENTIVM tuum mihi, Doussa, molestum: absen
tia multo magis. Vbi autem fides? intra dies octo ex
spectari volebas te: menses ecce labuntur. Scattier
hoc iam ante? an quid interuenit? an placent tibi nouit
isti & fallaces mores? An potius vxoris partio te detinet

que genuit tibi (ita audio) decumam iam prolem. Maſte
 hac fortitudinem dicam, an fortunam? vtraque certe opus,
 nec minus hic, quam in agricultu, Labori & Eventui li-
 bendum. Sed tibi quidem propitius vterque deus: & gloria
 Maſaniſſæ te manet, ſi ſic pergis. Vide tamen ne dum aſſi-
 mus nimis in illis vallibus: deſertum eas noſtros montes.
 ſuſpicio: & iure. Vt quid enim procaces illæ antea Muſæ
 uæ tam diu ſilent? cur tribus his menſibus gutta nulla nos
 rigauit poëtici tui humoris? Emenda: & hic & ibi vir e-
 to. Libelli etiam tui addiſti plantino, ubi ſunt? Solue
 odes, aut Prætoſem exſpecta & ſuſpenſum capiti tuo li-
 cellum. Non enim differo, non prorollo. Indicem Franco-
 urto en habes. Sed ſterilem bonarum rerum: & nihil
 undine iſtæ ad Phœbum. Melleri tamen Spicilegia edi-
 ca, acutiſſimi ingenij iuuenis: vtinam rectiſſimi, verè ad-
 tre am? Sed profecto aut fallor in hac omni litteratura: aut
 nte ſe valdè in cenſendo, & ſcribendo. Quales pleræque ex
 uliſ coniecturæ: quàm non callide ſolum, ſed calide: imò quàm
 ecudaces? Mihi crede, corrupendis iſta, ſiue perdendis po-
 tentius libris litteris que ſunt: ſi dimanat hæc labes. Et dima-
 bellabit, ita iuuentutem hanc video: & tantum ingenij ſpe-
 ſerie blanditur hic calor. iam ſtilus ille quis? doctus, anti-
 ciſ ſuus, arcanus inquit. Scio, ſed quo tam doctus, antiquus,
 nge arcanus? Ego ille ipſe qui aliquid hic capere me puto &
 Gaupere, ſæpe quæro aut non video eius mentem. Quæſo,
 i, cuſittamus tenuem nimis ſubtilemque hunc colorem & A-
 tem ellæas, vt ſic dicam, lineas: & Venus noſtra inſpiciatur
 578 tiam à vulgo. Vt nihil minus expedit, quàm agrum opti-
 è colere, (aiebant veteres:) ſic cenſuerim de ſtilo. Ni-
 his ornas? fucus & adfectatio apparet. Nimis attenuas?
 nebræ & ſqualor. Modus autem in omni re optimus: eti-
 am in epiſtola. quam ſinio, & te ſaluere iubeo noue Her-
 cules Muſarum, noue matrum. Lugduni noſtræ, a. d. 1111.
 onar. Aprilium. 1580.

ſenſeripſeram, ecce filius tuus à te ſcidam, cum pauculis
 ex quaſitis ſuper Plauto. Reſpondebo breuiter, & (a) Cen-
 ſerariſoni tuo addam hæc ſiue impedimenta ſiue ornamenta.
 ouit innummo, Scæna, Sta illicò:

ine. Hic agiam agi ex argumento & verſus meliores facit.

a Ita inſcri-
 pſit ſua ad
 Plautum.

Etiā

Etiā ob stultitiam tuam te tueris, multa abomina,
 mihi tecum tenebræ. quas tamen coner hac emendatione
 discutere, *ob stultitiam tuam rete veris multisabo minis.* Non in-
 solēs hoc Plauto, vt auerrat à fabula ad actores aut poëtas.
 Ita de Pellione alibi interfecit: ita Os columnatum Nzur-
 ridet: ita hīc exclamat velut victor (certabant enim, vi-
 seis, & Ædiles præmium dabant) imò & comminatur
 multam stultè aduersanti. Infrà, quod legis, *haud longius*
 probo. Scæna, Stasime fac te: — *huic quisquis est,*

Gurgulio est exercitor, is hunc cursuram docet.

Capere ego sententiam videor: & puto ab athleticis sump-
 tum, quibus gymnastæ sui & magistri exercitores. Quia
 gitor in breuitate illa proscenij currebat serupulus & recu-
 rebat, sed lento & mimico cursu: senex ludit, & hunc ho-
 minem, inquit, tardus aliquis Gurgulio ad cursum exercu-
 it, ita currit nec procurrit. Non alia allusione aut sententia
 suprà dictū (Scæna, Multas res:) *Magister mihi exercitor an-*
mus hic est. vbi, hinc est, inscitè scribunt & distinguunt. Ibī-
 dem:

Sed si non dicto audiens es, quid ago? S T. damnum malum.

C H. Benè mones, ita facere certum est.

Iurē hæres & ambigis de sermone. Quis enim dixerit, A-
 gere dampnum? Nos vocula augemus, quæ retrahenda
 sillaba primore alterius verbi: s t. da damnum malum.

Scæna, Minis quindecim:

Quā sponsione pronuper tu exactus es.

Alterutrum scripserim: siue quam sponsionem: vt verus poë-
 ta, *Ego nihilominus illud exigor portorium.* siue diuissim, quæ
 sponsione pro, nuper. vt reiecta præpositio in tergum vocis sit
 quod sæpè. Valebit igitur, pro qua sponsione nuper. Scæna
 Quod illic homo:

Deserere illum & deiuuare in rebus aduersis pudet.

Exemplum postulas verbi Deiuuandi. Non do: & tolle
 malo ac scribere, *desinuare.* Hanc Plauto priscam & sua
 vocem adseruero attestante Paulo siue Festo: *Desinuare,* in-
 quit, *desinere.* vbi ambigam an non scribendum, *deserere;*
 addita voce, *desinere iuuare.* Glossæ veteres, quas debemus
 Henr. Stephano: *Desinator, & βονδύλος.* lego, *Desin-*

et, & *pondyrog*; interpretatur scilicet, (& recte) desertos, destitutos. Nec repugnem etiam, si quis ubique *Desinare* per N. potius scribat. Ibidem, sed antea :

Pro ingenio ego me liberum esse ratus sum pro imperio tuo.

Acumen sententię reddimus scribendo, tuum. Pro ingenio, ait optima illa proles, liber sum: pro imperio, tuus. In Stichus, Scena, Quisnam obsecro:

Commodum radius sol esse superabat è mari.

Leuiter extergeo labem: sol sese superabat. Superabat sese, ut emergebat sese, & talia. Persa, Scenâ, Ioui opulento:

Quia meo amico amiciter hanc commodisatis copiam

Danunt.

Inde, Danis, singulario numero: quia hæ gratiæ vni Ioui. In Pœnulo, Scenâ, Negotij tibi:

Quin abire sinis? quid vis tibi? qui bene volunt, bene visissent.

Quæris quid illud, Bene visitare? meo animo, nugæ & liores. Purgo, qui bene volunt, benefici senti. Idem talem amator ille beniuolentiam amicæ oggerabat, & sese eam liberam facturum: sed illa, verba fastidians, Omitte promissâ, inquit: & si bene vis, bene fac. In Mercatore, Scenâ, iam redeo:

Qui bono sunt genere nati, si sunt ingenio malo

Suapte culpâ genere capiunt, genus ingenium improbant.

Scio qui vir doctus explicet. sed inuolucra hæc sententiarum numquam ceperint prisci illi Quirites. Facile cum iis ego, si legas: *Suapte culpam genere capiunt.* Capiunt culpam, inquit, nobiles à suo ipsi genere, si degenerant. Hoc probum. Scenâ, Diuûm atque hominum:

Nubis aser imberque instat, aspice nunc ad sinistram.

Labat sanè à fine versus, nec fulciunt ut censes mei libri. Ego, ribicine literæ inserto, sic: *ad sinistram.* Ita dicebant, sicut Superâ, inferâ, & (quod nouiter obseruo) Propterea, ita enim versus Ennij lego & constituo diu inter Criticos ætatum. *Subulo sinistimas propter a stubas aquas.* non, *propter stubas*: quod pugnat nimis in leges receptissimas versus. In Menæchmis, Scena, Sine fores;

Sed scire quid te, amabo, ut facias impero?

Confusa, quæ digero: quid te amabo vs facias? M.E. imper
quidvis modò: Amabo vt facias, sicut infrà: Amabo vt defe
ras: Amare ait te multum Erotium, Vt hoc nunc vnâ operâ
aurificem deferas. In Epidico, Scænâ.

hæcine vbi scibit senex, puppis

Pereundâ est probè.

Nec Latina quidem hæc, vt rectè vides. Legam: hæcine
vbi scibit senex? Pupis pereundum est probè. Pupos appe
lat per delicias, seruulos, quibus ob fraudes fraudas no
stribic mala crux à sene. Proverbij speciem dictio præfer
Curgulione, Scænâ, Edepol nugatorem:

Vel qui ipsi vorant, vel qui alii subuersentur præbeant.

Scribo, vel qui aliis vt versentur. Capteiuicis, Scænâ Inio
te huic:

Vel te interiisse vel periisse predicent,

Dum pereas nihil interdico.

Lego, nihil interduo Habésne largiter ad quæsitâ? Mirum
ni te obrui hac grandine verborum: nec, si sapias, vltra sca
biem hanc Criticam exscalpes. Vt cantores enim sumus
cum semel cœpimus, ἀχάλιον nobis εῶμα.

EPIST. XVI. Vltraiectum.

EVERARDO POLLIONI

meo S. dico.

VERE, inquam, meo. A meâ enim velut manu es
domo, & à disciplina. Vt statuarium opus suum de
stat, si laudabile: sic in te iure mihi placeam, si tu bon
Quod futurum omnino est, mi Pollio: si non audies soli
præcepta quæ crebrò dedimus, sed obaudies: eaque a
missa in hoc pectus, re exprimes & factis. Ad virtute
ante omnia te hortamur cui litteras istas seruire volum
magnum vel in paranda ea adiumentum, vel parata
namentum. Non enim solum pulchrior comptiorque
doctrinam virtus, sed fortior: nec colorem modò ab
ducit, sed sanguinem & robur. Egregiè noster Sene
Esi magis refert nostrâ fortiores fieri, quàm doctiores: tamen a

nam sine altero non fit: Non enim aliunde animo venis robur,
 quam a bonis artibus; quam à contemplatione naturæ. Quod
 ita verum scito, si doctrinam non hanc mollem & amœ-
 nam solum intelleges, quam φιλολογίαν haud malè ap-
 pellamus: sed verilem illam magis & robustam, quæ in
 natura aut animo occupatur, quamque φιλοσοφίαν pro-
 priè indigetamus. Illa enim sola, tantum abest vt tutum
 securumque te præstet inter hos vitæ fluctus: vt moueat
 & ex excitetque ambizioso animo cupidinum nouas tem-
 pestates. Itaq; vt nautis solitarium Helenæ sidus non pla-
 cet: non item mihi ista. Gemini illi sunt, qui cum appa-
 ruere, tranquillitatem nautis nunciant; tibi hæc duo, si
 iunges. Quod voueo ex animo: & in firma hac spe saluere
 te iubeo carum mihi caput. Lugduni Bat. 3. Nonas Octob.
 1581.

EPIST. XVII. *Lugdunum Bat.*

AVGERIVS BVSBEQVIVS

IVSTO LIPSIO S.P.D.

MVLTVM te amo iuste Lapsi, quod me in tua scripta
 peruenire & in iis non semel honoris causa nominari
 voluisti. Quo nomine me tibi tantum debere confiteor,
 quantum soluere nunquam possim, non, ne si auctorem
 quidem faciam eorum bonorum omnium que nobiscum
 portantur. Sed tu vt me laborantem releues, beneficio
 beneficium accumulare debebis, atque ita existimare rela-
 tiuè tibi gratiā, cum habebis, quemadmodum quidem habeo
 semper. Non minus erit hoc humanitatis tuæ, quàm
 fuit liberalitatis in me non promerentē tam fuisse munifi-
 cum. Nam si summo iure mecum egeris, hoc consequere
 vt conturbem, vel vt me iudicatum nexumque ducas, ex-
 igno sanè compendio senem siticulosum & bibulum. Quod
 cognoui ex epistola quam lectori inscripisti, te ex valetu-
 dinis perturbatione ita laborare, prope vt de salute despe-
 res de quæ discessu cogites, Dii omen auertant, seruent il-
 licet potius ad annos multos in cōlymen nobis Reiq; pub.

litterarum. Multa restant quæ experiare, antequam ad hoc tam durum. Magnum solet ad confirmationem valetudinis momentum afferre peregrinatio, calique & loci mutatio, quam ad rem ver appetens inuitat. Huc censeo transeas, ubi etiam præstantissimorum medicorum copia, fortassis opis aliquid ferre poterit. Quod si persuadeo, sequitur illud ut ad me recta, meisque ædibus ita utaris actuis, in quibus tibi polliceor, pro ea facultate quæ suppetit nullum amicissimi beneuolentissimi que hospitii officium te desideraturum. Da igitur operam ut planè conualescas, aut certè ut venias. Lutetiae. 12. Feb. 1580.

EPIST. XVIII.

Lutetiam.

AVGERIO GISENO BVSBEQVIO

Caesareo Legato S.D.

NOME Nipsum tuum in litteris ante legendum me adfecit, & lectio multo magis. Iudicium talis viri meritò magnum apud me est: & hæc tam proluxa beniuolentia, quam solo animo meruisse me scio. Nam rem quidem tu auges: & facis tam liberali beneficij interpretatione, ut vltro obliget & nouam gratiam debeam tibi. Quam ut prorsus soluam, ne expecta. non est istarum virium; non item animi, qui magis magisque illigari tibi cupit, & nunquam dependere ut pendeat a te semper. Liuij variantes lectiones ex codice Puteani quas submittis, gratæ mihi: etiam utiles spero, post perfectum Commentarium Cornelianum, in quo vnus nunc sum. Absoluto enim eo opere libens sane manum & limam adiecerim vberimo historicorum. Permittit iam valetudo: quæ non paullò melior post iter Antuerpiensè & haustum auræ siccoris. Nam marina ista & palustris, nescio quomodo corpori huic non amica. Sed quis in Belgicâ alius angulus ad quietem? itaque ferimus, & hic hæremus: donec deo visum pacem huic Belgio reddere, & nobis veterem sedem. Quod, ut resunt, vouemus potius quam speramus. Amplissime & Nobilissime, Vir, salue, & inter cultores virtutis nomi-

nisque tui Lipsium non falso cense. Lugduni Batavor. Non
Mart. 1580.

EPIST. XIX.

Hagam.

THEOD. LEEWIO

Consiliario S.D.

IN silentio tuo, mi Leewi, mirabar, & (hanc enim liber-
tatem amicitia mihi dat) indignabar. Sed indignatione
tibi non ingrata, cuius fons ab amore. Iniuriam mihi fer-
re videbar, quia priuabas me hoc alloquio: quod etiam in
negotiis occupationibusq; meis usurpo cum libentia & vo-
luptate. Veluti hoc ipso tempore, quo Plantinus cum
genero apud me est: & eripit mihi non inuito optimam
dici partem. Ego tamen scribo, de re priuata, valere me
non optime, vs hoc anni labentis tempus fluxionibus meis
ferè est infestum. De repub. nec multa nec bona. Hostis
Ninouiam obsidere dicitur, & imminere mez Bruxellæ.
certe copias colligit circum illam. Galli lentè & frigidè
agunt. nec pro ingenio gentis. Ita vides, mi Leewi, in lon-
gum trahi rem, & produci calamitates patriæ iam exha-
ustæ. Nec abiiciendus tamen animus. quem si ratio non
adfectus subegit; ille est eritque in firma arce, quam nulli
insultus nulla vis perfringent. Sed opinio nobis hæc facit
magna & metuenda, quæ ratione si examinas leuia sunt.
Bellum metuiamus. ita enim accepimus à parentibus, ita à
nutrice, ita à publica vulgi voce. Sed imponunt. Cur enim
bellum malum? nempe quia vastitatem inducit, quia pau-
periem, quia mortem. Atqui hæc ipsa mala non sunt, nisi
malis. Quot viri boni beatique paupertatem apperire
vltrò? Litteræ ipsæ diuinæ eam nobis conciliant, vt rectam
ad cælos viam. Mors autem quid? metuenda viro? optan-
da potius: quia finis huius miseræ, & incipium melioris vi-
tæ. Atenim hæc Philosophorū sunt, inquires, dictu pulchra,
re & vsu asperissima. Imò, mi Leewi, communis hæc vox
totius generis humani: quotiens absterfa adfectuum illa
nube radius diuinæ mentis illucebit. Sic tu, sic ego loque-
mur inuiti, si rem pendemus ad veri iudicij lancem. Sig-
num

num vis? Ecce pone mihi ex illo ipso corrupto & corruptore vulgo aliquem in morbo. spernet diuitias, spernet opes: sanitatem duntaxat vouebit corporis & mentis. Scilicet serio cogitare iam de se cœpit admotus ad extrema: & inanimatum obliuiscitur, cum periclitatur de salute. Exsulant adfectus, cum ratio rediit: & erigit atq; tollitque se animus, corpore iacente. Tamen sani redimus ad eadem omnia: quia litigium illud cum adfectibus fuit, non diuortium: nec proposito aliquantisper boni, sed metu sumus. Quare maneamus in hac viâ, quam institimus, segregandi nos à vulgo: nec id sermone tantum & velut in pompam fiat, sed re ipsa, & quod dicitur, Bona fide. Vacillamus, imò cadimus interdum? Surgamus, & cito celeritate corrigamus, quod temporis ereptū lapsu. Viden' vt miles quoque, si ceciderit, surgat alacrior, & animos irasque sumat à casu. Idē nobis sit, & constanter pergamus ad illum Tranquillitatis internę portum, qui verè efficit beatos. Vale. Lugd. Bat. 23. Idus Nouemb. 1582.

EPIST. XX.

Burgas

IANO LERNVTIO

meo S.

nuntio,

DIMISI nuper à me Oudermannum vestrum sine litteris, valdè præter meum votum. Sed mihi crede, ita distinebar vt eius rei facultas mihi nulla. Nec nunc magna: (Plantinus enim apud me cum amicis est, quibus dies dandi panē toti) tamen erigit & conari mei iubet epistola tua, si qua alia, plena suauitatum. Vel illud de SYAVIIS quis quàm mihi spirat? crede, quod omnes Arabum diuitie, imò quod illic ipse halitus à suauiorum dea. Tu tantum perge, & damna me huius voti, vt citò teneam amplectarque libellum, & re in illo. Sed de titulo cur mutasti? Mihi simplicius suauiusque inscribi SYAVIA videbantur, quàm funerea & atra voce, SECUNDI MANES. An frons leueras metuis, & consultum tibi is modestia inscriptionis? Frustra, quatenus ego gustum sumpsi, pura illa basia tua: quæ

quæ & Catones capere possint, & dare ipsæ Vestales. Denique quousque scribimus istis? paucis nobis potius, & da quod in sinu tenere Scaligeri possint & Turnebii. De Plantino, verum est. ædes hic conduxit sanè amplas, & partem vacantem Typographiæ transferet istuc. Aliquid ea res fortasse me excitabit ad lucubrandum: cum interesse editioni libellorum nostrorum licebit, imò præesse. Nā aliās, & valetudo sæpe illud igneum, quod in nobis, re- tundit: & iudicia hæc multorum aut maleuola, aut male- sana. De Germania quidem audistin? Proscribere misel- lam Satyram nostram nuper voluere, & eiicere edicto ex- tra imperij fines. O pisces, pisces! non hæc aqua, in qua vos natetis: & magis vobis faciat ille ab Citharone liquor quàm hic ab Helicone. Sed feramus: & quoniam coepimus, æremus etiam hoc litus. De Venatione in manus iam sum- pseram, & eram in secundo libro: reieci, & iterum daturus me videor in torporem. Catharri mei id faciunt, statim mi- hi sub hoc tempus & solemnes. A Scaligero nuper litte- ra, edit De Emendatione temporum, & promittit breui exemplar. Vale mi anime, cum animâ tuâ, & cum iis qui ex felici vestro cœtu. Lugduni Bat. 3. Idus Nouemb. 1581.

EPIST. XL

Antuerpiam.

HIERON. BERCHEMIO

I. C. S. *archo.*

NIMIVM vrges, mi Berchemi, de Imitatione, nu- per omnibus sermonibus, nunc epistolis hoc agis.

Quid censes? aliquos thesauros mihi esse doctri- nae recondita? erras. siquid in hoc genere possit tibi vide- mur, magis à casu siue naturâ est, quàm ab arte. Et ta- men quicquid illud est quod sequor, quod teneo; non ul- trà celabitur, & proxima epistola præcepta aperiam, ad quæ stilum meum fingo & conformo. Tu Minerual, sis, para doctori nouo. Scaligeri ad Ausonium en tibi. O virum, ô filium à patre magno magnum!

Merito cui doctior orbis

Submissis desert fascibus imperium.

*a Ad nobiles,
qui Gandavi
in vincla
coniecti.*

*a Non iusti-
tie rectum
iurum, sed
oblique frau-
dis scandens.*

Enimuero ille vnus est, quem miramur, quem emulamur, inid ne mentiar, cui inuidemus. Felicem Galliam hoc solē cuius claritas non ad eos solū qui nunc sunt, sed ad posterōs diffundetur, quamdiu quidem erit in terris nomen litterarum. De rep. quid scribam? manus mihi labat, & ingemisco. Carcer ille nouus tot (a) Lentulorum quod erumpet? de quibus ambigua hic fama. alij emissos dicere, alij artius teneri: hi culpam affingere, illi demere. Omnia incerta mihi, præter illud: quod omnino futurum video, vt plebecula illa aliquid plus faciat. Habet hoc semper noua libertas, vt ad licentiam facilē deflectat: quid censes de vrbe, cui insitum & farale, turbare? Vt fistulæ diu interclusæ aut interceptæ turbidiores aquas emittunt: sic isti actiones, aliquamdiu pressi. Sed nos quoque hic in metu. Quidam inter optimates partium non optimatum: qui, vt cū Pindaro dicā, (a) ὁ δὲ καὶ τῆχος ὑπὸν, ἀλλὰ σχολιάς ἀναβαίνοντι ἀπατάς. Plebs ista mollicula. quid augurer? hostis tantū adueniat: ego tibi spondeo, non forē hic Numantiam aut Saguntum. Comeram & nos per hos. dies vidimus: immanem, dirum, & facie haud sæpe visitatā. Quid portendat, quæris? Chaldeus non sum, nec cœli signa cognoui: tamen hoc vetus noui,

Οὐδὲς κομήτης ὅστις ὁ γὰρ φέρει.

cui versui magis quā Aristoteli credo, qui hæc talia ad causas fortuitas refert & infernas. Quid tamen aut quibus minetur, distinctē nouit ille Prudens: futuri temporis arbiter: ego communiter, non referre eum aureum sæclum. Vale. & illustri Comiti tuo à me salutē. Louan. 3. Id Octob. 1576.

EPIST. XXII.

Duacum.

PHILIPPO LANOYO, Nobilissime

iuueni S. D.

IN Italiam cogitare te audio, nobilissime iuuenum: & audio volens. Places ea mens, quam agnatam scio

non

non nisi optimæ cuiq; menti. Humiles istæ & plebeïæ ani-
mæ, domi resident & adfixæ sunt suæ terræ: illa diuinior est,
quæ cælum imitatur, & gaudet moru. Itaque siue prisco si-
ue nostro æuo, peregrinati ferè sunt viri magni. Sed ista hîc
cautio: vt id fiat non cum voluptate solum, sed cum fructu.
Vagari, lustrare, discurrere quiuvis potest: pauci indagare,
discere; id est, verè peregrinari. Vt tu id possis, finem verum
fructumq; ante omnia mihi propone, quem is petiturum. Vt
enim ij qui iaculum mittunt, non in vanum dirigunt, sed
scopum præspeculantur ad quem collineent: sic tu præfini,
quid peregrinatione istac quæras. Duo, nisi fallor: vtilitatē,
& voluptatem. Non enim hanc solum. nec vt corona-
rij bellissimas saltem herbas floresq; struppis aut coronis
innectunt, salubrium nullâ curâ: ita hîc tu. Quin contrâ
potius, plura ad mentem ac salutem referes quàm ad sensus
aut ad spectum. Ac de voluptatē aliquid dicere vacuum sit.
cum ea sponte obuia: nec quisquam tam lapis aut frutex,
quem non titillet ac flectat amœna illa variaq; spectio
gentium, vrbium, locorum. Natura scilicet illuc aurigatur,
nec duce opus vlla ratione. At in vtilitate laborandum est.
quam nec secuti omnes; nec qui secuti, adsecuti. Eam tibi
ingero, & triplici hoc limite designo, Prudentiæ, Scientiæ,
Morum. Hæc enim omnia peregrinatio adferre debet; si cõ-
silio, si ritè instituta. Ac Prudentiam ab ea peti, Homerus
nobis satis auctor; ille non poëtarum solum eximius, sed
et iudice, sapientum, qui cautæ illi Vlyssiæ prudentiæ quâ
illam caussam vbique tribuit, quàm quod πολυτροπος:
modq; vt ipse ait,

Πόλλων ἀνθρώπων ἰδὲν ἄσφα καὶ νόον ἔγνω?

et verè. Instituta enim illa varia gentium, ritus moresq;
omnium, formæ ciuitatum, incredibile est ad iudicium &
udentiam quàm potenter possint, si tamen non visa aut
pata ea leuiter; sed admissa, retenta, & collata inter se ex-
minis quâdam lance. Quod ante omnia tibi - censeo faci-
endum. Vide inquam, audi, iudica, nec conquire solum hæc
lia, sed in ea inquire. Et inquisitio quidem à te & tuâ mē-
erit: conquisitio, ab hominibus esse debebit, aut à libris.
am & libri ferè siue historiæ peculiare suis quibusq; lo-
cis

cis & linguis sunt, quas indagabis: & homines tuo & v
 prouecti non deerunt, à quibus percontando, discas. Et si
 nim modestiam & silentium iure tibi suadeam: tamen nih
 abnuo, quin per iter fræna sæpè laxes effræni illi membra
 Ius tibi sermonis, non in via solùm (siqui eiusmodi comites
 sed in hospitio sit: nec ante mensam modò, sed in ea, & po
 eam. Sed sermonis ius intrà hos fines, quærendi de mon
 bus, legibus, facie cuiusq; vrbis, addo & de principibus, be
 lis, casibus, aut siquid euentuum magis insigne. Hæc nota
 bis, hæc sepones. certus ex ijs civilem illam prudentiam in
 feri, tacita quadam vi & via. Vt enim herbas, vt arbor
 crescere non cernimus, sed creuisse: sic factam hanc pruden
 tiam potius, quàm fieri. Atqui incrementum & irrigatio
 illi, ab his inquisitorij, vt sic dicam, humoris guttis: quas a
 tè perbibit melior animus, & paullatim madescit sapient
 iudicij succo. Atque hæc de prudentia dixerim: verbis pa
 cè, rebus ampliter, si rebus experiris. Ad Scientiam
 nunc eadem manu duco. Quam mirère fortasse, quod pe
 regrè quæram, cum domi illi sedes potius: & hæc litterar
 rum studia quiete secretoque magis gaudeant, quàm mo
 tu aut discursu. Sed desines huius admirationis, si animu
 flectes ad duplicem, qui ad Scientiam, modum. Aut
 nim ab Auribus ea, aut ab Oculis est: à Doctore dico, aut
 à Libris. Et de libris quidem, nemo it negatum quin d
 mi habeantur tractenturque melius: in doctoribus, alio
 esse ratio suadet mecum. Quæ enim illa, obsecro, tam fa
 lix regio, quæ felicissima omnia ingenia includat? Qu
 sparsa illa: & Deo dispensante, sua cuique terræ velut
 mula quæ illustret. Hanc adi, hanc audi: & è sacris il
 pectoribus, hianti ore bibe abdita doctrinæ fontes. Qu
 non à Turnebo aliquo doctior redeat? prudentior à Sig
 nio? disertior à Mureto? quorum ego non auditum solū
 magno emerim, sed visum. Quod si notitia etiam aliqua
 cum ijs accedet (& id prout apud tam humanos:) De
 bone, quæ occasio hinc tibi discendi & disciscendi: quot ga
 legere & recondere cotidie poteris latentium litterarū
 Mecum vides. tu arripe tantum: & me auctore, in usum
 iusmodi virorum omni arte irrepe, vi irrumpe. Nusquam
 meliore damno frons ponitur. Hæc Platonis, hæc Pyth
 go

poræ, Democriti, & aliorum sapientum mens fuit: quire-
 lista penû artium Græcia, non ad cultos solum, sed ad bar-
 baros peregrinati, acri quodam cupidine discendi. Iam & a-
 lia ab Oculis utilitas: qui hîc tibi soli & nudi ad Scientiam
 sæpe duces. Italiam ecce nunc adis. illam frugibus, viris, o-
 pidis cultam, illam fama inclutam scriptisque. In ea non
 vestigium vsquam pones, non oculum flectes; quin monu-
 mentum aliquod premas, aut memoriam vsurpes, ritus si-
 ue historię priscæ. Illic Thrasimenum miserantibus oculis
 subijcies, aut æternum imperij vulnus Cannas: hîc magis
 lætis, Albanum, aut Tybur, aut nobiles Baias. Plinij alibi
 mansio, & Virgilij aut Propertij patria tibi ostendetur; ali-
 bi rudera Varronianæ aut Tullianæ villæ. Quanti & quam
 arcani gaudij ista visio? cum non animo solum, sed pæ-
 nê oculis sese inferunt manes illi magni, & sola premimus
 pressa toties ipsis. Iam coloniz illæ veteres, iam templa,
 theatra, arcus, sepulcra, lapides, quem non & doceant mi-
 rificè & delectent? Doceant dico. quia reuera notata aut
 exscripta hæc talia, mirum quanta luce mentem perfun-
 dant, trepidantem per veterum scripta. idque experti di-
 ximus ipsi. Vt omitam etiam illud commodum. quod nes-
 cio quomodo attollatur & grandior sese fiat animus, adspe-
 ctu tot sublimium & grandium rerum. Cupidinem veræ vir-
 tutis & gloriæ ingenerat, vila toties aliena gloria & vir-
 tus. Ad mores iam venio, qui postremus mihi locus: tibi, si-
 quid sapias ô adolescens, primus. Ab hoc enim scopo si aber-
 rasti, aberrasti ab alijs: & inutilis, imò noxia, scientia om-
 nis prudentiaque est, secreta à probitate morum. Certe
 speciosa puta, hanc necessariam: illa ad ornatum ad-
 mibe, hanc ad salutem. In moribus autem duplex mihi
 præceptio: & vt bonos rectosque vbique adnotes, & fu-
 gias malos & detortos. Sed in bonis, ne mentiar, haud mag-
 na fortasse peregrè copia est. Latent enim plerumque ve-
 re probi: & in pectore intimo domicilium Virtus habet,
 non in vultu aut fronte, atque inde vt extrahatur, vsu opus
 & notitia quadam propiore: ad quam peregrinantibus ra-
 do accessus. Tamen elegantia quædam morum & com-
 itas, & externa quædam, vt sic dixerim, virtus, quin apud
 interos nro quærat, non negabis. Quid in cultu, vestitu,
 actionibus

actionibus deceat; quæ Veneres & lepôres in sermone a
gestu; docere te ritè politiores illæ gentes possint, Itali, Hi
pani, Galli. atque ita rus illud nostrum aptè sæpè dilu
quæsitâ ista vrbantate & peregrinâ. Sed quæsitâ, non ad
stata; vsurpata modicè, non ostentata: alioqui nihil com
tu eo incomptius, elegantia ineptius. Risimus non semel
iusmodi histriones, qui ab Italiâ aut Gallia noui, gestus
cio quos mimicos molestè vsurpabant, & delicias paru
non dicam ciuiles, sed viriles. Tu hæc fuge, & in primis vo
& interna animorum vitia, quorum vbiq; larga & ob
seges. è qua ne quas spicas improvidè colligas, magna mi
pro te cura, imò metus. Admittimus enim nescio quomo
& combibimus faciliè peregrinas illas culpas; siue quia
uitate aliqua blandiuntur, siue quia specie virtutum. Atq;
vt venena vinis admixta, medicorum scito, perniciose
perniciosè penetrant: sic peccata hæc adfita virtuti. Fo
enim ita fit: vt in qua gente vitia certa increuere & inc
buere, mores iam vocentur; nec in veniam modò venia
sed laudem. Adde, quod natura ipsa prouiores nos ad ma
imitanda. Vt pictor, leui manu & volante penicillo, rug
verruca, nequos in facie exprimit haud tam faciliè ipsam
probitatem laboriosè imitamur, nullo negotio maculas
las animorum. Aduigila hîc igitur. & iamante seridè pro
de, quæ vitia cognata vel amica cuiq; genti. Quis enim
get? vt hominibus singulis, sic populis suæ laudes, suæ lab
Galliam ecce cogitas? leuitatem & vanitatem etiam, quæ
in pleraque ea (omni, falsò dicam) gente. Italiam? pro
uiam in ea & libidinem. Hispanias? typhum quemdam, aut
Africanum fastum. Germaniam? comestationes & ebrie
tem. Quæ velant illi, scio; & comitatem, fiduciam, gra
tatem, hilaritatem interpretantur falsò. at tu vitabis, & in
in venas rapies peruersi iudicij aura blandientem pestem
De moribus tantum est. & pertexui hanc telam: nisi quæ
leue parergum illi addam de Italia ipsa. Laxat enim nescio
quomodo vela huic stilo, prouehitque longius amor & con
tui. In terram is igitur terra ista meliorem, fateor; gente
gente nobiliorem: haud scio an probâ magis, an fidam.
genium, & subtilitas, & magni erectique animi in illis lo
habitant: non semper puri, simplices, & ad Gallicam istam
niue

nem. Ideoque incautis & apertis nobis nonnullum ibi pe-
 culum, & quidem à duplici telo. Nam & inter viros multi
 Hi, callidi, periti simulare: & inter feminas, formæ conspi-
 cuae, sed lascivæ & procaces. Hic Scylla, ibi Charybdis: &
 quo hæc discrimina ut enauiges, opus non prudentia qua-
 ram solum, sed dicam fortuna. Prius tamen illud me angit
 minus. quod amoliri magnam partem posse videor cau-
 tus quibusdam præceptis. Nam contra insidiantes illos
 te simulantes, quidni firmum scutum à simulatione item
 aliqua sit? Cres mihi esto inter Cretas. Nec viam tibi tamè
 obfraudes præeo. absit, sed ut medici, venena quædã vene-
 ra pello, in salutem tuam non in noxam. Ad minutas & in-
 nocentes quasdam simulatiunculas te voco: nec ad alienas
 insidias, sed ad animi tui opportuna tegimenta. In Italia
 Atque tria hæc mihi serua. Frons tibi aperta, lingua parca,
 ceteris clausa. Comis & communis vultus aduersus omnes
 Fe- aninius externo nulli pateat: & velut in theca clausu-
 m habeas, dum redeas ad notos animos & verè amicos.
 nicharmæ & sapientiæ ille nervus hic valeat, Nulli fidere.
 nisi facis: non vnus Vlysses Aiace te circumueniet; & do-
 rem nobis debes, illis risum. Atque hæc tamen cautio mea
 propriè in vulgus Italorum dirigitur. Nam de nobilibus cur
 ularum sitar? reuera optimates illi plerumque optimi: celsi, alti,
 proceri, virtutis, gloriæ, litterarum amantes. In vulgo aliter
 im me obseruauimus; qui fex & limus, & verè vulgus. Itaque in
 e labris vetus Italicus aut Romanus sanguis ferè apparet: in
 n, quis, peream, nisi claræ reliquæ (fidenter dicam) Gotho-
 pro- rum, Vandalorum. Iam contra telum alterum qui muniam
 lam, aut moneam? Ita sim saluus, ut opto potius quam spero
 ebrietas planè saluum. Tantum mihi metus & ætas tua facit,
 græ in ipso æstu: & illæ non dicam fæminæ, sed Veneres,
 bis, metæ aut Romanæ. In natura tantum tua spes omnis præ-
 peste hic, & voluntate. Quarum si alterutra ad calidas & cal-
 i si quas istas Solis filias inclinât: quis hominum te seruet? cer-
 a ne- rues: nec villo præceptorum sufflamine te sistam. Tamen
 r & c- nihil dicam aut addam: ecce armaturam à me duplicè
 gen- culis Auribusque. Oculos inquam, primum mihi claude,
 dam, uerte longè ab illecebroso hoc adspectu. Aditus enim
 illis lo- morbi hinc est: nec amor aut cupido facillè irruerit,
 am isti nisi

nisi per geminas has fenestras. Sed & Aures etiam multum
 contra omnes non Venercos solum sed paullo magis ven-
 stos sermones. Ij sunt enim qui titillant, qui excitant: &
 cupere ab aspectu est, sic velle ab auditu. Igitur vt athletæ
 olim, munimenta quædam aurium adponi mos (ἀμφοτέρωθεν
 ὄσας vocabant) ad vitandos ictus; sic tu hoc firmum con-
 trā amatoria vulnera habe velamentum, Amatoriū
 nil audire. De hominibus dixi (quæso ne cum inuidia co-
 lusquam aut ira, quia liberè aliquid protulerim fortasse, ni-
 hil acerbè aut malignè:) adiungam & aliquid de locis. Quod
 varij in Italia omni & pulchri: vt non iniuria deliberes, quod
 præferas ad videndum, siue habitandum. Et meo quidem
 sensu (vidimus enim plerosq; omnes, & triuimus) prima
 ibi vel adfectus causa, imò cultus, ad cūda Roma est: ad
 unda tamen, non habitanda. Confusio enim ibi & σύγχυσις
 σις, aëris & morum haud pura puritas: & quod verissimè
 Varrone dictum, turba turbulenta. Loca igitur illa præca-
 vetera, monumenta ac rudera,

— & campos vbi Troia fuit,

cum lustratus satis & veneratus fueris: Neapolim mihi
 & paullisper inside illam nobilem, illam cultam, illam
 mœnā. Per quam viam deliciæ locorum multæ, quas om-
 to, sed si inhabitanda diutius Italia est; in Thuscos mihi
 di, & illos incole, lingue, aëris, (a) morum causa. Omnia
 ibi pura. Quod si de opido etiam quæris: Florentia mihi
 Senæ placeat: & magis istæ. Ariam in abitu & reuersio-
 Bononiam amicam studijs libens videbis, & eadem la-
 insigne Patavium. quibus cum dies aliquot dederis, non
 gebit in vrbe maris dominā (Venetias dico) lustranda
 nere septimanas. Heu ad inuidiam pulchra, opulens, se-
 vrbs! minus tamen ad nostrum Genium, quia Mercurio
 micior quàm Mineræ. At in exitu grande illud & diffusum
 Mediolanum te capiet, in quā sine Italix, finis mihi epi-
 læ. Deum supplex precabor vt te seruet, & tu ista. Vale
 bilissime iuuenis, vale, vale. nec deus mihi (b) auguria pe-
 ciat, quæ in tristi mente. Antuerpiæ 3. Nonas Aprileis. 16

a De exter-
 nis cape.

b Certe vera.
 obijci enim
 aipsa pere-
 grinatione,
 princeps no-
 stra iuuen-
 tis. j

EPILA

EPIST. XXIII. *Vlraictum.*

IANO DOVSÆ S. D.

HEVs tu, sacrificæ. Lipsius etiam viuit. Discrimen igitur tibi? inquires. Grande, capitale, mi Doufa: & quidem sine crimine discrimen, à scriptis iterum meis non factis. Satyram ego nuper scripsi, & illa me pænè proscriptis locari me putas? verò, seridè, à grauibus, imò à grandibus viris res agitata: à proceribus imperij: tanquam in læso aut turbato publico statu. Suspendo adhuc te. rem habe. In iocis illis Menippæ nostræ aliquid est de lauru poetarum, quam largitur Cæsar. Ab ea iste ignis. Aiunt ignominia à ne affici vniuersum id genus: aiunt Cæsarem ipsum aspergi iniuria, quasi non id eius aut potestas. Itaque à Legatis ipsis Cæsaris litteræ subito Francosurtum, quæ grauitèr ne accularent, minarentur: & Satyram ipsam priuatum ient publica luce. Hæc audis? hæc credis? Non ego ipse: nisi litteras eas vidissem his oculis, tenuissem hac manu. O sælum, ô viri! Ite vos docti, vigilate, scribite: & pro famâ, sustinete hanc flammam. Et tamen vtrumque calumniarum fens omni ex eum: quis materiam ijs censuisset in re tam leui. Nisi si mihi potè proprium mihi fatum, vt ex candore istarum niuium o- niatur semper aliquis ignis. In Epistolicis meis nonne simi- nihi? Benè certè sperare de iudicijs posterorum debeo: cuius am iniqui sunt viui. Tu vide, ride, & si vir es, pro Satyra no- m laura Satyram in saturos illos scribe. Nonne enim, nostra? tu non certè eius magna pars es. Vale mi oculissime. Lugduni Ba- nda auor. 3. Kal. Iulias 1581.

EPIST. XXIIII. *Lugdunum.*

GEORGIUS RATALLERVS I.

LIPSIO S. D.

A NVS iam est & amplius, Clariss. Lipsi, cum ad te scribere cupientem retinuit me expectatio ad- uentua

uentus in hanc urbem tui. cuius ego spe hactenus falsam
neque quod constitueram, isthuc profecturus videor, fac-
re non potui quin has ad te darem testes beneuolentiae
ga te meae. Quanquam autem nunquam mihi visus es, ea
men perterritat mentem tui cupiditas, ut non solum te di-
gam, verum etiam vnicum amem. Cuius rei causa est cu-
in signis tua atque omnium ore praedicata virtus, quae et
nunquam visos amare compellit, tum in omni eruditionis
genere excellens doctrina, quam ex ingenij tui monume-
tis nemo non percipit. In uideo prope dixerim ijs quibus
la contigit felicitas, ut non solum te videant, verum etiam
familiarium tua consuetudine & colloquijs quotidie doctis-
simis suauissime fruantur. Sed ne multa, nihil hac mihi scri-
ptione aliud quaeritur, doctissime Lipsi, quam ut scias me
mare te & admirari, nihilque esse prius aut antiquius quam
abs te vicissim ut amem. Quod sane ubi intellexero, non
postrema parte felicitatis meae positurus sum. Vale. &
quam commouisti sustineas atque tuare studiorum atque
lucubrationum tuarum expectationem, valetudini, quam
non omnino firmissimam esse audio, diligenter inserui.
Traiecto. Pridie Kalend. August. 1580.

EPIST. XXV. *Vltraiectum*

GEORGIO RATALLERO *Prasideo*
ibidem Consilij Regij. S. D.

VALDE alienus à Gratijs omnibus sit, Vir Am-
plius: cui non & litterae tuae gratiae, & haec ad am-
tiam inuitatio, tam amica, tam honesta. Quam quod
prior, quod ultro suscipis: iure magni facio, qui scio quod
tu magnus. Et amaui quidem te, immo colui iam pridem,
cito quodam sensu: qui diu inclusus, libens nunc se pro-
& expirat ad hanc luauem beneuolentiae tuae auram.
tamen non dicam paria, sed maiora facio: quod plures
ad amorem & aestimium tui causae. Doctrina, dignitas,
tus, & ante omnia haec humanitas: qua trahis & nectis
tibi adamantino quodam vinclo. Quod nulla vis, nulla fr-

erabit aut soluet; donec

Lumina adempto animam moribundo corpore fundam.

Idque tibi non per epistolam scriptum, sed velut per syn-
grapham volo sponsum. Tu mihi quæso responde: & hunc,
vt sic dicam amoris noui fruticem, quem tam amanter e-
duxisti, euocasti, alere & fouere perge beniuolentiæ tuæ
radijs; ô Belgij & meus splendide sol. Vale. Lugduni Bata-
uorum. Postridiè Kal. Augusti. 1580.

EPIST. XXVI

Hagam.

THEODORO LEEWIO *Consiliario*

S. D.

MAGNUM illud Antuerpiense facinus, magnum di-
cerem & malum, si de causa mihi liquido constaret
aut fine. Sed tamen hoc ipso malum, quod malum i-
mo exitium patriæ trahet secum. Heu, quæ videmus? quæ
audimus? quàm inopinata? quàm obliqua? quàm non pro
veteri fide & more regum? Nec tamen, mi Leewi, desice-
re, erige te potius: & vt palma, attollat se animus contra
nouum hoc pondus. Inspice ludibria rerum humanarum, &
aleam ambigæ Fortunæ: quæ gaudet iactum aliquem ex
occulto iacere, nec expectandum. Hinc ille vulgi stupor &
querela. Quis putasset? quæ non cadit in mediocriter sapi-
entem: qui iam ante ira meditatus, vt sciât hæc & deterio-
ra posse euenire. Vt in bello, etiamsi hostis absit, semper
excubis: ita vigilat ille contra improuisum omnem ictum.
Quis fuit ille dies, cum hic & alibi insulæ totæ aquis ab-
sorptæ, aut vrbes terræmotu? Quis eorum qui tam magna
uina perierunt, id putasset? Nec exempla nobis desunt i-
tarum, quas patimur, cladium: sed ipsi nobis, qui, in stro-
matura vitio, proni semper ad spes meliores. Quas coër-
ere tamen potius sit, & laxiores habenas permittere ti-
mori. Non deerit consilium aut solatium illi animo, qui ti-
uit quidquid potuit timeri. Iure à Romano sopho lauda-
tur is versus,

Cuius potest accidere, quod cuiquam potest.

D

Quem

Quem velim impressum tuæ menti, vnâ cum amore me
Vale, Lugduni. Pridiè Kal. Feb. 1583.

EPIST. XXVII.

Brugas.

LERNVTIO, ET GISELINO.

SALVETE meæ animæ. ita enim meritò vos appel-
lem, quia quamdiu istic fui, vixisse videor: nunc vita fru-
quasi per vmbra. Circumagunt me hæ turbæ in Nu-
mida morem: & adhuc discuti sine lare, sine certis sedibus
quas tamen positurus in Batauis videor, Ordinum vocatu
& stipendio sanequàm honesto. Sed temporaneas, non per-
petuas, saltem,

Dum hæ consiliscunt, nō hæc, atq; nō leniunt.

Aliter videtur quibusdam ē meis, qui in mutatione hac re-
rum ad dignitates & splendores vocant, videatur, mihi sta-
re illud decretum meum, reipub. tam confusæ non mi-
cer. Orpheus ille vester Lugduni est, & (inuideo vobis hu-
mili) partes has simulat, & ambit professionem. Examb-
etne? non, si Batauos nō in quibus certè plusculum, quā
pro veteri verbo, auris est & cordis. Eurydice etiam ci-
hic, & illa professionem. O Doufa, viuis & Satyram nō scri-
bis? Sed ridebimus coram. Ita enim de vobis recepit mi-
Winterus, vester, adolescens ad probus & perhumanus. Fa-
cite, & properate ad hæc Neptunia loca: in quibus eg-
cum Doufa tam arctè, tam audè, vos amplectemur, quā
Amymonem suam ille ipse Neptunus. Sed hospitium qu-
dem vobis (ita iubeo) apud me erit: familiare scilicet & so-
brium, nec propter vos maiorem fumum vicinia videbi-
Properate tantum, quod vt magis faciatis, nuncio accepi-
se me nunc nuper Lutetia à Pythæo Trochaicum veru-
cui titulus Peruigilium Veneris, elegans & scitum carne
& dignissimum illa ipsa dea. Plura non addo, venite, videt-
valete. Lugduni Bat. Kalendis Veneris. 1579.

Sed heus tu, Lernut! est quod à te seriò petant mei ho-
ti, non magnum aliquid, sed illud idem quod hortus tua
Seminari. Itaque si quid seminij tibi superest, non illu-
Plauti

Plautini (apage nuptiales tuas nugas) sed istius hortensis: queso, hoc nuntio mittere. Habeo enim & colo hic in ipsa vrbe hortum, amœnum potius quàm grandem, concessu nostri Hauteni. Pro eo ad Venerem natum mihi herè hoc carmen. quidni enim friuola mea mittam, vt eliciam gemmas tuas? Ita callidè captator sum: nec nego.

AD STELLAM VENEREM PRO HORTO.

ALMA Venus, quæ celorum colis ardua templa,
Quæ maria ac terras vitali semine complex:
Quâ sine nec flores hortos, nec gramina campos
Vestierint, neque frugiferas animalia terras,
Quæue solum pedibus silcant, quæue aëra pennis:
Tu dea tu fauix hortorum in cultibus esto,
Adspiresq; meo numen genitale labori.
Nam sine te nil Flora potest, nil flaua Segestis,
Nodisq; herbe pubenti optabile numen.
Nelle malum virus à floribus, imbricitorque
Te noceat Aquilo, neu grando, neu robigo,
Office, diua potes. Solis Lunæq; potestas
Te superat: sed consensu tua iuncta regna.
Ec (a) tibi Mercurius certauerit, aut tibi Manors:
Te suo fasces submittit Iupiter igni.
Miterea, dum nos fera manera militiaz
Exercent, litulque vocant ad cinica bella:
Patria da veniam) Hauteni securus in hortis
Te habitem, fallatque meos cultura dolores.
Non ego Bellona sum victima, non ego Marti
Filiis: nascentique alium mihi risu Apollo.
Ut patrie Belgisq; datum, si fama Camæne
Offræ eris, atque aliquis venienti Lipsius æno.

a Ad clarorū
stellæ Veneris
hæc referenda.

DE EPIST.

EPIST. XXVIII. *Herbipolim*

FRANCISCO MODIO S. D.

ERgône viuis Modi, & nos amas? De vtroque enim ambiguo reddebant & locorum interualla in quibus agis & silentium quo tamdiu non iustè vsus. At nunc emendasti, & longa epistola celsationis culpam eluisti in partem nam totam tum demum, si perseverabis. Et quanquam remotum te doleo seiunctumque à nobis: tamen quòd in istis locis, & apud eum virum es, lenit desiderium, gaudium imò adfert. Amo enim, amo, Germaniæ illum tractum in quo beatè viximus olim ipsi: & gratulor de hospitibus, qui, ut scribis, tam benignus in meliores Musas. Sæpe apud notos prædicaui, sed parum credulos, Homines etiam illa tellus alit ingenio doctrinaque pares nobis, fide & virtute meliores. Experiris ipse: & magis experiri cottidiè, si omiſſa inanum specie, de re iudicabis ex ipsâ. Interea vides portum aliquem & receptum in his studiis esse, per res adfectas: nec vanum illum quicumque scripsit,

*a. Artem
minutam
terra quævis
educat.*

(a) Τὸ τεχνίον γε πάντα γαῖα ἐκτρέφει.

Ego quidem auctor tibi sum non commouendi ex ijs locis donec Belgio huic fiducia status melioris. Nam nunquam fluctuemur, vides. Fœdera & domini noui: & omnino aut mutatio, aut interitio rerum. Sed malo aliquid de studiis. Tacitum ad me, siue Eclogas potius tuas in Tacitum, si mittes, gratum: & vtar, non sine memoria eius, per quem vtar. Paramus enim iterum vulgare Commentarium nostrum, sed auctiorem. Habemus & libros duos de Venatione iam adfectos, Saturnalium priorum (quæ tu laudas) titulo & exemplo. Sed & de Epistolis meis edendo aliquid cogitabam, si quas colligere aut seruare potui hoc naufragiostrarum rerum. Quæ mens iniecta mihi nuper, non nego, per Italos: quorum Epistolas ambitiosè editas vidi, & (liberè dicam) non inuidi. Cur enim? A verbocultas censēs? sæpè nec Latinæ sunt. A sententijs acuta

torp

corpor & tepor merus est. O Italia, ubi Politici tui, aut
 Barbari defecisti. & hoc sæculum ambitionis & fuci ali-
 quid fortasse plus habeat, re deseritur & seria illa doctrina.
 Etiam Agellius nobis nuper in manibus deposuimus, post-
 quam alijs audiuius eam esse curā. De * gaudeo mi Mo-
 di, gaudeo, quod tardè, sed aliquando eum nosti. Nam cur
 dissimulem? labi & tibi tibi amicitia illa: & floreris inter
 prima ingenia Belgij nostri, nisi hæc vredote adflasset.
 Quid de indole tua optima & ad omnem laudem nata sen-
 tiamus, imò loquamur cottidiè, notum multis; tu eripe tan-
 tum te, & sciungere ab obsceno hoc cæno. nitorem & lu-
 cem tibi spondeo æternæ famæ. Me ipsum quàm ille lutu-
 quit, & læsit? olim contage & consortio, nunc conuicijs.
 quæ spargit occultè, & iacit ea quæ digna tantum ipso.
 infelix, quid sibi vult? notus esse? erit. & nisi desinit, stig-
 mata illi ego atque amici inuremus, quæ Sequana illa non
 luert suis vndis. Sed mentior Modi, mentior, & loquor mo-
 re vulgi. Nam ego à vindicta tantum absum, ut etiam ab i-
 ra: omnesque eius noxias vnâ spongiâ libens delere pos-
 sum veniæ & obliuionis. Malus ego in malum nunquam.
 peccet ille & ruat; mihi benefacere constabit: & conuicia
 ius omnia refellam vnâ vita. Ita quò peius ille loquetur,
 melius ego audiam: & contrà Inuidiam pulcherrimum
 hoc genus vltionis amplectar, ut comedat ipsa sese. De
 satulis illis & Petreijs, iam aliquid inaudiueram. sed
 quid? etiam illæ nitedulæ extrahi volunt è suis sentice-
 is? à me frustra. Tu tantum purga me calumniarum es-
 smodi apud Posthium: & animum hunc illi aperi candi-
 orem vestra niue. De poëtis Germanis aliquid dixi
 ut scripsi: at non de germanis, inter quos mihi ipse. Fu-
 ras & dehonestamenta poëtarum saltem tetigi: quorum
 utilis sanè illa ora. Vidimus nos, & vides ipse. Quis non
 somniasse vult in bicipiti Parnasso? Itaque vates om-
 nes audiunt, & prodeunt: & compti sublimesque multi
 am Cæsarea sua lauru. Quos non equidem sperno aut ri-
 sco: hoc tantum ijs instillo, *Laurigeri multi, pauci Phæbi.*
 quin re plerumque didici, minimè re poëtas, qui titulo
 & nuncupatione. Extrema tua epistola pupugit me
 M. Antonio. Itane est? abijt? certè doleo. Nam æmu-

laniunculas illas eius (ita appellare malo, quàm calumnias) nihil moror. Habere hoc scio ista studia, vt nescio quomodo facile pariant riuilitatem. quam ego seridò contemno: sed & hoc mihi seridò dolet, contemni per hanc illa. In contentionibus enim istis quis risus sæpe vulgi? & iure, cum tam pueriliter desipientes eos videant, qui ad sapientiam alij magistri. Rattallerum Præsidentem quod saluere tu patronus, quæ iubetis: ille verò saluus. iam pridem enim à nobis abiit ad beata illa loca: id quæ præcipiti quodam fato. Nam bene valens ad curiam cum venisset, subito deliquio animi concidit, nec surrexit. Ita ereptus patriæ optimus ciuis, nobis amicus. Hoc ante septem menses accidisse scitote, & mecum dolete. Vale mi Modi, & magno illi patrono tuo à me salutem. Lugduni Batauor. Nonis Augusti. 1582.

EPIST. XXIX. *Lugdunum Bat.*

IOS. SCALIGER I. LIPSIO

suo salutem.

SATYRAM tuam Menippæam accepi, mi Lipsi, cuius nomine tibi gratiam habeo primum tanquam amico, qui mihi eam dedicasti, deinde tanquam magistro qui me multa bona docuisti, & doces quotidie in tuis aureolis scriptis. Quare & amicitia tuæ & eruditioni ita me debere fateor, vt alteri quidem quod opponam habeam, pietatem & singularem amorem in te, quo ne tibi quidem concedo, in altera ita me vinci à te gaudeo, vt non aliter, quam si id omnibus palam testatum relinquam, tibi satisfactum putem. Quod sanè non solum facio, sed & fieri debere fateor. Deus opt. max te nobis conseruet. Nam qui literarum dignitatem hodie sustineat, præter te habemus neminem. Iuuenes nostri hoc tempore *ῥεμβόλοι* nescio quid *παιδολογῶσιν*. hoc vnum student, vt mulieribus placeant eorum studia. Aliter oleum & operam se perdidisse putant. Oraculum hoc à me accipe: si ego & tu morimur senes per hos *λεσχηνώτας* non stabit, quo minus literarum in

teritur

teritum tandem videamus. At ego nunquam bonarum partium transfuga aliquid muginabor; ut inquit ille, cuius fructus ita mihi constabit, si illis displiceant labores mei. Habeo in manibus opus affectum de Emendatione temporum, in quo veterum excito omnium nostrorum Cronologorum, qui omnes *ὁμοθυμαδὸν* in vnum id iurasse videntur, vt verum nunquam dicant. Primū omnium nationum annos tam veterum quā recentiorum explicauī, Atticorum, Macedonum, veterum Hebræorum, Ægyptiorum, Chaldæorum, Persarum, Ethiopum, Armeniorum. Huius rei ignoratione non tantū peccant Cronologi nostri, sed & ij, qui eorum dicta *κυρία δοξας* putant. Præterea annum nostrum quomodo corrigant ij, qui hoc opus hodiè Romæ aggrediuntur, ostende, & multa alia eius generis adjicio, ex quibus omnium sæculorum ratio penitus ignorata constet. Tu velim sæpius ad me scribas, nisi graue est. Plantinus curabit literas deferendas. Vale Cantamilæ ad Crossam flumen in agro Agedunensi limitis Lemouicani. 10. Kal. Iun. 1581.

EPIST. XXX.

Roma.

NICOLAE FLORENTI *salue.*

QVÆSITVS mihi hodie es, nec repertus, non sine meo morfu. Auidè enim auebā onus apud te deponere, quod premebat. Sed nec mensa nostri regis te vidit, quid factum? Satin' saluæ? spero. æstus hic potius te impedierit, cui nos vix ferendo, etiam sub tectorum vmbra. Sed onus, quod dixeram, impositum mihi à Valerio, ecce istud. Legebam herè libr. quint. cap. 5. De Scipione Africano: Itaque clarissimorum cognominum alterum sumpsit, alterum dedit: triumphique prætextam huius excepit, illius tradidit. Item libr. septi. cap. prim. De Metello: Consulatus decus, imperatoriam potestatem, speciosissimi triumphi prætextam largiæ est. Rectène utrobique & verè de Prætextâ quā tribuit a Nerè, vt vides, triumphantibus, & facit eam honoris

eius propriam velut notam. At falsò, nisi fallunt me consensu ceteri scriptores. Quis enim libavit modicè scripta aut ritus veteres, qui nesciat Prætextam puerorum saltem & Magistratuum fuisse? Quin adeò triumphantium illa non propria, vt disertè remoueant & discriminent scriptores. Plutarchus in Mario:

καὶ παρ' ἡλίου μὲν, εἴτε λαβὼν αὐτὸν, εἴτε τῇ τύχῃ χρώ-
ματος ἀγροικότερον, ἐν τῇ θριαμβικῇ κατασκευῇ, ταχὺ
δὲ τὴν βελὴν ἀχθῆσαι διέσταν αἰσιν ὁ μὲν ἐξάνεστη, καὶ
μεταλαβὼν τὴν περιπορφύραν αὐτῷ ἤλθε. Nam περιπορ-
φύραν, ipse & ceteri Græci, vt scis, dixerunt Prætextam.
Tacitus libr. 12. *Ludicro Circensium, Britannicus in Prætex-
tâ, Nero triumphali veste transuecti sunt.* Certè alia omni-
no & augustior triumphorum illa vestis, nec prætexta so-
lùm purpura sed intexta, addito etiam auro. Liuius li-
bro 45. *In curru scandentes Capitolium auratos purpuratos-
que de triumphantibus dixit.* Appianus iisdem tribuit,
πορφύραν ἀσέρων χρυσῶν ἐνυφασμένων. Atque hæc est,
quam dixere Togam pictam, aut palmatam: (exempla tibi
notissima:) Prætextam nunquam. De Valerio igitur quo-
modo expedis? Librariorumne hic aliqua fraus? nec enim
ipsius error potest, in re sensibus oculisq; tam pròpterea. Quod
si fraus: sane audax. nec nisi audaci aliqua manu tollenda.
Iuua me, & an Pictam an Palmatâ falsæ illi Prætextæ sub-
stituam, mone. Sententiam tuam aur, cum ad nos veneris,
audiam: aut, si id longius fiet, legam. Cura quidem & cogi-
tatione tua dignissimus vterque locus videtur. in quo hoc
quoque me offendit, quod Pighius noster nihil offendit. An
vobis antiquarijs hic omnia plana? doce, doce.

EPIST. XXXI. *Hagam*

TH. LEEWIO *amicam.* S. D.

IT A certè oportuit, in viam, inquam, officij redire, &
qua exorbitauimus, vterque nimium diu. non negligen-
tia

illa aliquâ, vţscio, aut contentus: sed fortasse dulcedine
 cessationis, & fiduciâ amoris. Id enim de me fateor; de te
 opinor. Quin sæpe sic afficior, vt quemadmodum mulie-
 res quæ vterum ferunt ad omnia nauscant: sic mihi nec
 scribendi libido vlla sit nec legendi. Mare quoddam mor-
 tuum esse aiunt, sine vento sine motu: sic sæpe ego. Sed
 tu me excitasti: præsertim illâ parte epistolæ, qua consili-
 um a me petis de summa vitæ. Deliberas de coniugio, aut
 celibatu. Difficile mihi sententiam interponere, præiudi-
 cio iam pænè deuinctam, Vides enim quid ipse fecerim.
 Ita nisi a coniugio dixerò, damnem me ipse necesse est aut
 inconstantia aut erroris. Sed seponam tamen paulisper
 eam cogitationem, & de tota re videbo quasi liber & exso-
 lutus. Ac principio coniugium si quis damnet, impius sit
 in vtramque legem, & ciuium & naturæ. Stare genus
 humanum non posse omnes scimus, sine viri mulierisque
 cœtu. Non ergo vniuersè id quæris, credo, an coniugium
 probandum: sed strictius, an sapienti, an hoc tempore, an
 tibi. Sapientia studia & vitæ quietem si sequeris; nes-
 cio an ducenda vxor. Exempli veterum sapientum in v-
 trumvis sunt: ratio magis est vt neget. Si enim liber ani-
 mus, Deo & sibi vacans, ad sapientiam & tranquillitatē
 requiritur: non video quomodo adsumenda illa cura, quæ
 noctes diesque adhæreat, angat, coquat. Si satis molestia
 in te tuisque cupiditatibus regendis, frænantis: quid ali-
 unde accerfis, cui imperes & moderêre? Cymbam nostrâ
 difficulter gubernamus: ecce nauim adiunctam volumus
 cum tot armamentis? Et fero adhuc, si reges. sed quid si
 regere illa vult? si fulmenta lectum scandunt, vt vetus ver-
 bum est? quid? nõnne bellum tibi non ciuile, sed familiare
 sumendū est de principatu? At enim moderatam audien-
 tēque tibi speras. Ita censeo & opto. sed qua in re vnquam
 magis spes & vota se fellerunt? An ex composito illo vul-
 tu, oculis, verbis, toto corpore ad modestiam ficto, vxorē
 eleges? crede mihi, nulla fides. Proprium hoc & velut in-
 natum illi sexui, vt crudæ adhuc & vix pueritiā egressæ
 simulent, fingant, fallant. At enim fide & commendatio-
 ne aliorum, inquires. Nolim equum sic emere aut agrum.
 Et quâ in re libentius aut minus cum periculo fallunt ami-

ci?

circa Si in equo aut agro imposuerunt, expostulandi mihi
 saltem ius est, at id non in isto. Canetur tibi illud comi-
 cum, *Habeas ut nascus*: & querelæ tuæ in ventum ibunt, i-
 mō in irrisum. In genere hoc prædixerim de sapienter iam
 tempora ista videamus. Si res lætæ & proluxæ: magis fer-
 rem te ligari hoc nexu. Nempe publica solarentur: nempe
 in spem honorum & felicitis æui liberos susciperes, educa-
 res. At nunc quid nisi communes calamitates & bella? ne
 domi tu quæras. Quid nisi exsilium, exitium, imminet, &
 reputatio vniuersi status? ne ad aureum sæculum liberos
 procudi à te censeas. Denique te ipsum (quod tertio
 posui) intuere. Animus tibi ingenuus, & corpus: id est
 vires valetudoque parum firmæ. Ætatis quidem bona
 pars superest, sed & bona elapsa. Ingenium tibi come, mol-
 le, quod ferre iniuriam potius possit quàm inferre. Hæc
 omnia videsis an apta ad mores scæmineos nostri æui. Et
 Diogenes quidem ab omni ætate coniugium remouebat,
 satis scitè. Nam iuueni, inquebat, nondum ducenda est
 vxor: seni nunquam. Græcè hoc sonat melius, τῷ νέῳ
 μηδέποτε, τῷ γέροντι μηδέπώποτε. At ego certè non
 vanè id restrinxerim ad statum mediumque hoc æuum,
 quod velut vinum iam deferbuit; & quale, mi Leewi, est
 tuum. Hæc in parte vnà dici possunt, nec pauciora in alte-
 ra: quæ quoniam scio subiici & à te tibi & ab aliis cortidie,
 laborem non sumam in iis recensendis. Eò minus, quod
 frustra scio suaderi coniugia aut dissuaderi: quæ à cælesti
 nutu & à fato haud vanè esse dicuntur. Bene Euripides,

(a) Εὐνὴ γὰρ ἀνδρὶ καὶ γυναίκιν μορσίμη.

a Fatalis est
 viro atque
 famine tho-
 rus.

Idque didicimus nos ipsi. Bina Socratis monita tantum
 addam. Primum, iuuenes cælibes similes esse piscibus qui
 alludunt circum nassam & gestiunt inire; contrà qui iam
 inclusi, exire: simile in matrimonio esse, quod ambiunt li-
 beri, damnant capti. Alterum, Sciscitanti cuidam Vxorem
 an non duceret? Vtrumuis, inquit, feceris, poenitebit. In
 quo verè oraculo concludo, & ambiguum te sententiæ meæ
 relinquam, non amoris: qui tam verbosam à me Episto-
 lam expressit. Vale.

EPIST. XXXII.

Lutetiam.

IOSIÆ MERCERO S.D.

AD me verò sæpe eiusmodi muscæ aduolent (ita per iocum te appellas:) imò apes. quoniam tu & litteræ tuæ plenæ suauitatum & meri mellis. Ipsa quidem causa scribendi quid mihi gratius? Appetere te amicitiam meam: quæ si vltro offerenda sit tam benè natis ingeniis, nihil abeam à decoro. tu tamen anteuertisti. etsi non ignotus planè, vt ais: quia famæ aliquis radius te quoque illucet à magno illo patre: cuius eruditio & virtus clara apud omnes. Et tu succedes, imò præcedes: si pergis modò in hoc laudis stadio, quod currere cœpisti recto & felici pede. Nam notæ tuæ ad Cornelium nostrum quas mittis (verè blandè dicam) vix tuæ ætatis. Macte hoc acumine, quod vide te quæso ne ambitio deprauet aut calor. Nam illud nisi ad rectum maturumque iudicium dirigis; nocēs, non iuuas, & infligis scriptoribus vulnera, non sanas. Nos Tacitum vulgare iterum paramus, cum Commentariis nostris (siue Notæ erunt) ad omnes libros. Nam priores sane illi ad Annales refingendi etiam sunt: quia & lapsus alibi sum, & quædam mihi lapsa. Cur negem? semitam sæpe ingredior, cum maxime cenſeo viam. & gratiam ferriò habeam, si quis corrigat, dirigat, reducat. Ad P. Pythœum litteras iam nupet dedi, accepitne? inquire obsecro. Nam ipse quidem silet: at non in illum meus amor. quod indicabis & salutem à me nunciabis ipsi & fratri. Vale. Lugduni in batavis, Idibus Martiis. 1582.

EPIST. XXXIII. *Gandavum.*

ALEXANDRO RATLO

amicissimam salutem.

LECTIS litteris tuis, mi Ratlo, & dolui dolorem tuum, & gaudius in constantia sum, quòd videam te quæ cucnerunt

runt ita ferre, vt ferenda humana sunt, & vt dignum est iis sapientiæ studiis quæ tractas. Nam reuera hæc bella, hæc turbæ, hi discursus, quid aliud quàm ludi? cruenti fat cor, sed tamen ludi, quos instruit ambitio & sæuitia nostrorum regum. Itaq; non ferenda solùm ista, sed ridenda. Et vidēsne cū nuces sparguntur, vt currant pueri & rixentur? idem isti, qui oppida & arces rapiunt, eripiunt, diripiunt, alieno malo & suo nullo bono. Atqui ea ipsa quæ tanti faciunt, propter quæ sudorē sanguinēq; fundunt, si dimotā vulgi nebula consideres, nuces sunt. Quare mi Ratlo mittamus ista & habeamus eo loco quo sunt: i. pro nugis. Ad nos redeamus, & ad eum quem dicis *τετραγώνον λίδον*: in quo solo quies & tranquillitas firma *Cetera fluminis ritu feruntur*, vt canit Poëta ille inter verè sapientes. Senecam nostrum tibi placere ex animo gaudeo. Scio non alios è priscis magis cōsentire cum Christiana pietate, quàm eos qui è Stoicā domo. In quo numero etiam Arrianus est, qui digessit Græcè dissertationes Epicteti, mihi valdè probatas. Quære, moneo, & lege. Nos hic turbæ iterum exercent, quæ sub discessum tuum sopitæ. Sed sopitæ tantum. nam euigilant iterum & viuunt, metuo ne in recipub. malum, & scholæ nostræ exitium. Nisi fallor, ea imminet, vt non discessisse a nobis videre, sed nos præcessisse. De Gallia mihi quidē enigmata. Veniunt; non veniunt; volunt; nolūt; audent; timent; & omnia ancipiti metu suspensa & suspecta. Turcarum princeps aliquid in Africa mouet: & aget is saltem bona fide. Mitto ad te Saturnalium meorum primam partem De Gladiatoribus, vt videas cruentas etiam illas in pace pugnās. Salutem quibus dici voluisti, dixi: iidemq; te resalutant. de patris tui morbo doleo: quem à me saluta, & tu vale. x. Kalendas Feb. 1582.

EPIST. XXXIIII.

Lugd. Bat.

AVGERIVS GISLENVS BVSBE-
QVIVS I. LIPSIO. S.P.D.

ACCEPI librum Saturnalium, amplissimum à te mihi
Lipsi munus. Mos fuit Saturnalibus mittendi munera,

tumittis ipsa Saturnalia .quo munere, tot muneribus re-
 fertor, haud scio an maius quicquam mitti potuit. Adde
 quod cum huiusmodi præstantium ingeniorum monumen-
 tis non aurum, non gemmæ, non opes, nec quicquid mira-
 tur vulgus, si verè iudicare volumus, vlla ex parte confer-
 ri merentur. Meritò igitur te amo & facio maximi, qui me
 tanto dono conhoneftatum voluisti. De quo non dicam
 plura, ne dum me gratum studeo probare, meam ipse in-
 fanciam prodam, & culpa ingenij deteram quod omnibus
 laudibus v̄t cumularetur dignum erat. Tui penicilli opus
 sit, te tibi depingere, & tale ingenij tui fœtum idoneis
 coloribus ob oculos proponere. At etiam (si Diis placet)
 me in scribendo vis esse aliquid & in meis scriptis inuenis
 quod laudes, breuitatem videlicet, meram mehercle, ora-
 tionis inopiam & paupertatem. Quod tamen facile pati-
 or, nam vel iniusta laudatione ex ore tuo profecta negare
 non possum quin vehementer gaudeam. non quin me no-
 rim sed quod hunc errorem, tuæ erga me beneuolentiæ
 qua mihi nihil iucundius, imputo. Mihi nunquam venit in
 mentem inuidere Ioui suum nectar neque ambrosiam. At
 tuis illis conuictoribus, inuidi tantum apparatus doctissi-
 morum sermonum, tantum salis, tantum leporum. op-
 tabam me ei interesse conuiuiis, & modò poculum de tua
 manu accipere, modò alij tradere, modò paria facere, sed
 asymbolum tamen, neque enim suppetebat quod pro mea
 parte conferrem in medium. Sed quid refert? pro vmbra
 mihi fuisset locus: & potuit ferri vmbra vna, cum hodie v-
 biq; tantum sit vmbra. Redeo illuc vnde deverti, vt
 maximam mi Lipsi gratiam tibi habeam, non tamen quā-
 tam debeo, non quantam res meretur, nec quantam fan-
 do consequi sed quantam maximam animus meus capere
 potest. nam relaturum me quid sperem? Vale. Lutetiz. 28.
 Ian. 1582.

Bat.

EPIST. XXXV.

Antuerpiam.

ILLIPSIUS F. RAPHELENGIO.

DILATVM mihi responsum ad superiorem epistolam
 tuam, non dimissum. Dum enim cottidie discessum
 foro-

sororum tuarum expecto, atque aliud ex alio interue-
 nit; septimanz aliquot in hoc silentio exactz, vt vides.
 Ceterum grata mihi tua scriptio, vti & amor: cui a me cum
 fide respondebo. Filius tuus in studiis perseuerat, & effeci-
 mus ne quid Typographia auocaret illum aut impediret.
 Cursum certè hunc studiorum interpellari aut fisti, non e-
 rat è re eius. De filio altero tibi agnato gratulor, etiam
 filius tuus, vt videbis è carmine Genethliaco, quod credo
 illum iam misisse. In Constantia nostra pergitur: sæpe
 negotiis, sæpe valetudine retardati, luuat tamen opus, ar-
 gumento saltem vtile futurum hodie multis. Nubem enim
 hanc temporum vides: nec Solem aliquem qui pellat. Ille
 quidem Gallicus, qui DISCVSSVRVM se promiserat,
 videtur FOVISSE. Et Austri isti cum Circiis mixti & iun-
 cti, vereor vt dent mage maiores tempestates. Omnia ho-
 die Principum, infida, intuta: nec veri solatii vsquam spes
 quàm in se cuique. Firmemur iam ante contrà hæc omnia,
 quæ euenire homini non solum possunt, sed comuni
 quadam lege debent. Ciceronis falsi Consolationem vi-
 dimus, quæ me quidem adeo non erigit, vt deiciat potius.
 Scripta videlicet frigide, solute, & vt verbo dicam, inepte.
 Quis ille tam stultus, qui sperauit se posse imponere nobis
 falsa hac persona? sub qua later aliquis ne superioris qui-
 dem, vt suspicor, cui Bardi Typographi, qui tam ambitio-
 se hæc diuulgant! Sed credo in nostrum risum, & suum
 questum. Valdè me Ciceronis poeniteat, si ille vel in me-
 dio dolore tam elumbis. Nusquam nerui, nusquam sen-
 tentiarum sanguis, ne color quidem verborum, nisi cum
 cerussa & fuco. At tu vale, & me ama. Scripsi enim & abru-
 pi de subitò, in hospitio publico inter comessantium turbas
 Delphis. Huc enim sorores tuas abeuntes deduximus. 3. I-
 dus Sept. 1583.

EPIST. XXXVI. *Viennam.*

IOANNI SAMBVCO *S. misto.*

DIV mihi nullum alloquium apud te, ne per litteras
 quidem, causa & temporum horum, quæ nos turbant.

& locorum, quæ se iungunt. Nam nos, ut audisse te credo, in Batavis agimus apud Oceanum verè vndosum: & iactamur, civili tempestate, tibi non ignota. At nec loca tamen nec tempora gratam mihi memoriam sambuci exequunt: quam testari volui per hanc occasionem primò nunc datam. Qui enim illuc viam affectaret, præter hunc adolescentem, nactus su nemi: & nuntij illi ordinarij, ordines deseruere per hæc bella. In studiis, dum Mars hic feruet languide versamur, ita tamen, ut cogitemus editione nouam Taciti cum pleno Iustoque Commentario in eius omnes libros. Ea in re iuuari me à te posse sentio, vsu libri manuscripti quem memoria teneo Viennæ olim vidisse, non illum quidem antiquissimum: sed è quo tamen non dubiè aliquid eruamus, & Critica ista sagacitate indagemus. Quare si eum ad tempus gratificari mihi volueris: amorem in me ostenderis, & simul morem tuum tenueris rei litterariæ adiuuandæ. Videtur sub has nundinas etò transmitti ad Plantinianos posse: quibus mandata dedimus accipiendi, adseruandi. Velim voluntas tibi & occasio in mittendo non defuit: nobis fides constabit in remittendo. Salue ab eo qui meritis quod te amat, Iusto Lipsio, Lugduni Batavor. Kal Martiis. 1579.

EPIST. XXXVII. *Hagani.*

TH. LEEWIO. S. Dno.

SEMPER amo Litteras tuas, præsertim eas quibus (ut sic loquar) nota aliqua impressa est bonæ mentis, et hæc postremo quàm sine adfectione prudentes, quàm verè Philosophum referebant & sine vilo furore, itaque ut calebant adhuc à mea nuntijque manu, his elegeris. Melonis tui odor vel hucusque nares meas affluit, & mentior, nisi saluam mihi mouet & desiderium iustandi. Sed cohibe tamen. & vide ne gnatum illum, qui natus nobis, nimium properè auellas à matre. Auster saltem & imber hic abeat, & soles aliquot videat puriores. tum licebit.

Extremum hoc oculis lumen radiatum rape.

De

De Alenconio meherclè quid dicam nescio. ita enigma-
ti similis res est. Venit, non venit: accessit, recessit. Cro-
do non illum Callipidem, qui prouerbio locum fecit, tan-
dius ambulasse, quàm hunc subnixum tot equitum alia.
Nec aliud tamen adhuc audimus quàm, Veniet. Si seriò
hec aguntur, facilè presagio difficile & diuturnum bellum
cuius exitus Deo in manu est. Ad nos quidem quid ista
non magis quàm si Æthiopes inter se belligerent, aut noui
Indi. In animo nobis pax sit, cum affectibus concordia: &
ecce omnia tranquilla. At enim patria periclitatur. Fate-
or, sed quis nostrum iter præcludet publicis fati? Ha-
bent ista transitus suos, imò interitus: quorum tempora
cum venerint, nulla vis aut Consilium ea firmet. Et tam-
illipsum patriæ, cum res feret, non manu non mente deeri-
mus: atque hoc scilicet agemus, vt non solum boni viri si-
mus, sed & boni ciues. Vale mi amicissime. Lugduni Ba-
taurorum 15. Kalend. Septemb. 1581.

EPIST. XXXVIII. *Lugd. Bat.*

I. GVLIELMVS I. LIPSIO

V. C. S. P. D.

MITTO ad te, V. Cl. Plautinas meas, editas à me
superioribus mensibus. Volui citius, & verò debu-
sed qui tanto interuallo perferre posset aut velle
hactenus non repperi. Abs te vehementer contendo, pr-
singulati humanitate tua, vt ad culpas nostras, in quas in-
cides plusculas, in opere subitario conuiueas; etià ignosca
quod leuiculis his notis te intexui, p'ano purpurâ, vt dicunt
Impulit enim, hoc vt facerè, incredibilis in te amor me-
quo vereor ne etiam odiosus tibi sim, cum occupationib-
tuis toties obrepro inanibus litteris. Verumtamen si qu-
hic in Gallia tua me causa posse putabis imperabis cu-
voles, vt voles: studio, diligentia, fide nemini tuorum
concessero. & futurus hic videor diutiusculè. Noui nihil
rat. nisi scire vis paucis ante diebus Gennabo Lutetia
appulisse ꝑ tuum; & de Gellij editione satagere: que

H.S.

H. Stephanus alienis typis hic propediem editurus dicitur. Sed ille amicus tuus ante aduentum meum multa hic de me in sermonibus me indigna falsissime sparserat: & verò in libris etiam. ea re contudi nonnihil hominis insolentem fastum. quod factum meum iusto te dolori adscribere velim, non acerbitati naturæ. Tuum de Constantia librum miro desiderio hic expectant omnes docti, etiam parum docti. Fatum enim hoc est tuum, ut quicquid scribas, vno omnes ore & laudent & mirentur. Sed iam erubui, cum hæc in os tibi. V. Cl. Iano Duzæ multam a me salutem. Te Plurimum salutat N. Faber. vir eruditissimus, & rarissimi exempli præstantissimæque indolis adolescens Iosias Mercerus, amici mei. Pythæi, Scaliger, Puteanus. Ceteri plerique ab vrbe aberant. Vale, V. Cl. & me nunc amantissimum redama. Lutetia Parisiorum 3. Non. Ianuar. 1584. cuius anni cursum fortunare tibi deus opt. max. volo & opto.

EPIST. XXXIX.

Lutetiam

IANO GVILIELMIO S.

LIBENS vidi Quæstiones tuas Plaurinas, mi Guilielmi: in quibus non doctrinæ solû notæ vberes & acris causædam iudicij, sed etiam amoris in me tui. Partem enim mihi inscribis. cum magna mea gratia (liberè profiteor) vel quia scriptoris eius res est, quem amo ymice, vel quia beniuolentiæ hoc testimonium me delectat ab eo quem æstimò quemque amo. Ego profectò si vquam occasio erit, præstabo me ad gratiam referendam non modo sed horreo toto. At in libro eorum, magnæ mihi voluptati non semel interpositum iudicium, de studio Sapientiæ & Morali. Macte hæc sententia! Obsecro enim ut quid in humanitatis studia tam ambitiosè adfectamus, tantum propter ipsa? Abutuntur plerique ad malâ & vanam pompam & velis: verè cum Appione, cymbala quædam in iuuentutis. Tibi melior, ut video & gratulor, mens: atque ut porro sit, quæso & hortor. Nostrium illud De Con-

E

stantia

stantiâ cenſeo vidifti. nunc damus De Amphitheatro, & eis paucos dies habebis: etſi opus ludicrum, & natum mihi per remiſſiones, vt ſtilus ipſe indicabit. Dedi litteras ante ſeptimanas ſex ad Egmondum, quibus incluſa altera ad Buſbequium de te, imò pro te. quid iis factum, neſcio quia haſtenus nihil inaudiui. Quaſo inquire. Ille quæ tangis, quid & vbi agit? Vtinam in gratiam cum virtute redeat! nam mecum tunc vt volet. & quando volet. Buſbequium ſi conuenis, ſalutem illi à me dicito: & è iuuentute ſelectâ, Joſiæ Mercero, ſi noſti. Paſſeratio item doctori publico. & ſi quibus aliis ex eo numero procerum innotuiſti. Vale.

EPIST. XL.

Brugas.

I. LERNVTIO S.D.

CISTVÆ tuæ heſterno die ad me perlata binæ. hoc ante omnia ſcire te volui, ſed perlata benè madida per continuum imbrem. Itaq; valdè veremur, ſi quid in iis ſit, quod periclitetur ab vdore, ne putiſcat. præſertim ſi quid è lino aut lanâ. Cogitet tua vxor, & ſi viderur, aliquidem amicum & ſedulam omnem operam cuſtodiamq; pollicemur: quantum id pote. Collocabimus etiam eas bono & ærio loco. Scripſi bis ante ſeptimanas aliquot, & valdè fallor ſi meas non accepiftis. Carmina tua adhuc apud me ſunt. Douſam enim exſpecto in horas, cui velim oſtenſa. Ego, niſi quid interuenit, intra ſeptimanas duas aut circiter Antuerpiæ ero. velim ſanè te videre & amplecti: & ſi illuc venis, poſſes mecum redire in Batauos. Ita ipſum iter nobis non ſine gaudiij & amoris fructu. De Giſcliere, omnia haſtenus nequidquam. & nonnihil turbellarum inter Magiſtratum & Curatores, occaſione profeſſoris cuiſdam admiſſi Senatu inconfulto. Priuata profeſſor & publica turbant. quid referat ſi quies modò apud nos & in huiusmodi ſit: ex quo puro ſive impuro, liquidum omne ar-

turbidum manat humanarum actionum. Ut in corpore aegro & corrupto, quidquid infertur alimentum est morbi, atque ab in noxam : sic in homine, qui internum illud non depuravit, pectus dico, fontem & originem cupiditatum. Opes adfluunt? avaritia te torquet, & angor servandi, dispensandi. Desunt? inopiam non feres, & quæ res eas per vendas & per ignes. At modus ab animo petendus est: cui composito semel & securo, numquam superest aliquid aut deest. Sola, mi Lernuti, quies est & interna illæ opes (a) Οἷσιν τ' εὖ ζῶσι καὶ ἀφνειοὶ καλοῦνται, ut ait Homerus. Vides Philosophari me tecum: nec excuso, amplius dico, sæpe faciam. Valdè enim te tuamque egregiam naturam trahere ad hæc alta velim (quod scio propendes:) & collocare te supra hominem etiam dum es in humanis. Et enitèris, si nitèris. Vale, & salueat à me vixitum optimus noster Giselinus, à quo responsum expecto, sed non lentum ut solet. Lugd. Bar. 3. Non. Feb. 1584.

a Quæis re-
tè vivunt
homines, di-
tesque scrib-
unt.

EPIST. XLI.

Pontem Musarum.

GODSCHALCO STEEWECHIO.

S. D.

M IHI & scriptio tua grata, & magis Coloniam reditio: quam extrà noxam fuisse gaudemus, etsi non extrà metum. Scimus quàm intus vix his temporibus, quibus ad iniuriam omne ius, prædonibus non militibus, dant hæc latrocinia non bella. Tu quoque gaude, portum enim iterum attigisti, in quo acquiescere possis, Musarum suavitè aspirante aurâ, sine vento vlllo aut nimbo civilis huius tempestatis. De promissis Plantini, securus es hominem non nosti, si ambigis: & credi illi potest, tanquam Fidei ipsi. Nec tamen deo submonere, cum redierit: quod hæc eis paucos dies. De Modio, certè amicus ei sum. (ingenium & adolescens eius virtus ita merentur.) ac valde auctor tibi, sic rem in scriptis tuis temperes, ut nequa partem aut stringas aut lædas. Lædas autem? laudes uno volo. Ita de illo ipso Vegetio meruit: & seponè mihi sodes

omnes istas æmulatiunculas, quæ intercurrent hæc studia malo iure, malo more. Inuidet quispiam? hoc ipso inferiore se ostendit, quia apud humiles duntaxat animos habitat, & in altos dirigitur liuida illa dea. Sed tu non talis. moneo tamen vel ex superuacuo, quia peccatum hoc in litteratorum nostrâ gente peccatur hodie nimium crebro. De Vegetio ipso sic sentio. scriptorem non malum potius, quàm bonum esse: & hoc tamen quod in eo boni, deprauatum & pollutum à patribus variâ labe. Creber enim in illorum manibus: quæ nec innoxie vsquequaque, nec pure, sed nec oculatæ. Itaque non iniuria ad perpurgandum eum tu Modio nostro velut optio succedis; & opto ut cum publico fructu, cum tuâ famâ. Quod fiet, si stilum manumque modestiâ quâdam temperabis & diriges: malisque ambigua quædam vlcera relinquere, quàm districte auferre omnia & præcipiti quodam ferro. Medicos in Criticâ istâ ferre possum: sectores ad Matrem deum, ablegem, procul à virginali nostro choro. Vale mi Steewechei, & mutiter me ama. Lugduni Batauor. Postrid. Nonas Octob. 1582.

EPIST. XLII.

Vltraiectum.

THEOD. CANTERO S.D.

ITANE Dalius noster abiit? abiit, non visurus amplius, non videndus. Sanè dolui: eò magis quod subita ea plaga, & præter expectatum. Nam letalis quidem ille morbus (phthisis enim vera erat:) sed quis putasset tam præcipitis cum fati? Trahere, ut scis, plerumque solet, & lentum passu ducere ad Orcium illum thesaurum. Sed nimirum ut nauim interdum improuisus vortex absorbet: ita homines nigra dea. & præsertim eos quibus indoles melior, ingenium supra annos. Quod in Dalio planissimè fuit. Claudium Quadrigarium scribere memini: Nam hæc maxime vexatur deorum iniquitas, quod optimum quemque non sinit inter nos diuina. Aptè & verè, nisi quod iniquitati imple tribuit, quod est æquissimæ æquitatis. Cur enim eo

leste

lestes illæ animæ diu in hac fœce ? abeant imò, & euolent ad suum cœlum. De Arnobio, vrgæ cœptum. Quis post Tertullianum inter sacros scriptores doctior? ideoque doctorum limâ dignior? Etsi bona sanè in eo opera Gelenij: quamquam interdum (quis non Criticorum?) exeret per acumen nimium aut calorem. Satyram quam vulgari his diebus, en tibi. Nomen te terret? frustra. edentula est, & vt antiqui nostri loquebantur, planè innox. Lasciuia alibi agnoscas, nusquam morsum. Artemidorum tuum totum auidè legi, & velut ἀμυσί. Nescio quomodo non sperno totum hoc diuinare (id quoque fortasse à nostrâ porticu:) & eam rem visus mihi ille commodè & acutè tractasse, ex ipsis fontibus naturæ. Salue. & salutem à me, vt Comicus noster ait, plenis faucibus propina Lamberto Burchio Decano, viro qui litteras & litteratos vnice amat; ideoque digno qui ab iis vnice ametur: Quod me bonâ fide facere ei nuncia, imò spondè. Lugduni Barauorum, quo die Cæsar olim in Curiâ Pompeij. 1581.

In Arnobij tui isto loco, libro 1. *Et tamen, ô isti, qui pollutas res nostras vitiorum criminamini: sribiligines & vos istas in libris illis maximis atq; admirabilibus non habetis? Nonne aliud hæc vtria, aliud dicitis hos vres? cælus, & cæli? non isem filius & filium? crocus & crocum? fretus & fretum? sanguis & sanguen? Odor duplex vitium. Ac primum scripserim, res nostras vicio verborum criminamini.* Fugit enim omnino prior illa verbi sillaba, retrahenda ex Arnobii ipsa mente. Hoc scilicet politi illi & docti Romani obiiciebant nostris, *solæcismis obsitas res nostras, & vitiorum deformitate pollutas*, vt ipse præmisit. Respondet: variari sermonem pro arbitrio, & illos ipsos veteres à talibus solæcismis non abfuisse. *Nam, inquit, aliubi hæc vtria, aliubi dicitis hos vres.* Ita enim alterum vitium tollo; *aliubi, inquam, scribo, non Aliud.* Clamat res, & sequentia exempla. An enim aliud sanguis, quàm saguen? fretus quàm fretum? Minimè. Variatum taneum licenter genus ostendit, & modò Vtres positos *ἀνρί τ' ἀσκήν*, modò Vtria. Ecce in Nonio: *Vtres vsu generis masculini tantum. Neutri, Linus Andronicus: Flacci reges vtria.*

EPIST. XLIII.

Hagani.

T. H. LEEWIO. S. D.

TE verò laudo. non imitaris meam pigritiam, & quamquam, ad binas tuas iam filui, tamen tertiis etiam la-cessis. Etsi, mi Leewi, nulla hic pigritia. ignoscas aut miserearis potius, si scias quàm per omnes hos dies distrahari & distinear negotiis nec seriis nec bonis. Amici & alieni adpellant, interpellant: ad conuiuia vocant & hoc perant comitatem, auferre mihi vsum veræ vitæ. Pareo tamen, & quamdiu in hoc proscenio sum, sustineo personam. Mallem ad interiora illa gaudia diuertere, studia dico & sapientiae exercitationes: à quibus non per hæc solum acerbissima tempora, sed etiam lætiora, veros petam quietis & gaudij fructus. Sed differo sepe illa, non dimitto: quod tibi etiam vsu venire certò scio. Plantinus nunc adest. serid à me monitus de (a) Thalete illo Gallico, serid ad suos iterum scripsit. & illi responderunt iam Lutetiâ se petiisse. apud nos scilicet sapientia illa non habitat. De adolecente quem nuper mihi commendaras: scis quàm omnia velim tuâ causâ. Hoc tamen nolo. & si rationes omnes meas audias, scio, ipse non velles me velle. Multam recusavi. quos omnes offendo, si vnum admittam. denique rimam aut fenestram hanc si aperio, toto ostio admittendi alij sunt. Quies autem mea id non patitur, & ratio vitæ quam per silentium ago. Peto ergo vt id excuses: & maiora aliqua à me petas, cum opus erit non neganda. Institutum tuum de omisâ domo, hæcenus probo si in eo perseveras. Semel enim constitutum est quod vitæ genus eligas, solitarium an sociabile. illud, cum paucis & sapientibus quos melior Deus adspexit cõmune tibi futurum; hoc, cum multis. Et vtrumq; tam è rectum, qui incõmoda vtriusq; fert. nam vt omnia tollas, vane cum vulgo speres. Siue vxor ducitur siue omittitur: habebis quod doleas, quod querare. nec in hac omni vitâ rationabile aliquod bonum est, quod non mixtum poculo aliquo mororum. Hæc publica & æterna lex: cui, improbu-

*a Ita indige-
tani Micha-
eli Montani
librum Gal-
lic. Gustuū
ritulo: probū,
sapientē, &
valdè ad me-
um gustum.*

& refractarius est, quisquis repugnat. Ut athletic olim fors non electio aduersarium dabat, cum quo certarent: sic cuique nostrum vitæ suam conditionem fata, cum quâ luctemur. Hanc vincere oportet, id est ferre. Huius enim pugnae robur omne in patiendo est, & victoria in cedendo. Res publicæ non in bonâ spe. Præcipuæ aliquot Flandriæ & Brabantia: vrbes nauseare incipiunt, & fastidire præsentem hunc statum. siue diuturnitas belli id facit, siue gubernatio non vsquequaque inculcata. Consilia arcana agitare dicuntur de paciscendo cum hoste. Quidquid horum est aut erit, nos pessima timere nihil nocuerit: & ut pugiles, iam nunc parari ad strenuam cum omni sorte pugnam: Paupertas imminet? exilium? carcer? proponamus interdum animo has imagines, & persuadeamus illi quàm nihil in his aut certè non multum mali sit illis, qui mala ea non putant. Reuera enim ut opinio diuitias bonum fecit, sic eadem inopiam malum. Sed hæc facilia dictu videntur: fortassis etiam factu, si quis conetur. Nunc plerique eò stultitiæ venimus, ut nec aspirare audeamus ad bonam mentem. Sicut ij qui phrenesi laborant, irident aut verberant suos medicos: ita nos. Vale. & me amantissimum tui, ania. De hortulo tuo nihil narras noui. meus in eadem causa. qui iam pridem animam agit, aut potius egit. Credo enim per huius ipsius dici æstum ablatum illi omnem succum & vitam. Hoc quoque feramus. Leidæ. 8. Kal. Iun. 1583.

EPIST. XLIIII.

Antuerpiam

GASPARI SCHVERMANNO

I. C. S. D.

LITTERAS tuas, mi Schuermanne libens vidi: at nondum sororem. quam ne frustra mihi commenda-ueris efficiam, si qua in re operâ mea illi vsus. Constantiam nostram quod laudas amasque, gaudeo: complècti magis te vellem & amare virtutem ipsam. qua certè in omni æuo, & hoc nostro imprimis, opus. Hostis, ut audio, vicinus vobis

perfidia eorum in quibus nunquam fuit eritque fides. quod
 ut trutina in eam partem vergit, in qua plus ponderis; sic
 ipsi in eam, ubi plus aeris. Pestis iam olim & calamitas no-
 stri fundi. sed qui auertas? cum etiam nunc immixti nobis,
 nec longè à clauo, quibus idem morbus. Ambitio aut A-
 uaritia multa regna & oppida euerit: utinam ne utraque
 hunc Belgicæ statum / Hortaris me ut iuuen. votis possum,
 non consiliis. quis enim audiet? Publicè dico: at priua-
 tim si quosdam possum erigere, & in singulis ciuibus de to-
 ta patria bene mereri, non immunis hæc mea quies. Co-
 nati id sumus in postremo hoc scripto, & conabimur por-
 rò, si Deus mihi dat vitam. Nam otium ipse mihi parabo,
 etiam in æstu negotiorum. Gabrieli Rolandio adfui tuo
 velim ex me nuncios beneuolam salutem. Verè cum amo
 & æstimo inter paucos meos Belgas. Vale. Lugduni Bat.
 postridie Non. Nouemb. 1583.

EPIST. XLV.

Brugas.

VICTORI GISELINO

meo salutem dico.

FIDEM tamen libero: & scribam ea quæ ad causam
 tuam pertinent, etsi non libenter. † † diem vnum hic
 fuit. egi cum illo de Victore meo, ut debui, amicè & for-
 titer. Nihil peregi. Tricari ille. velle non posse, inopiam
 erarij causari: & plura regimenta, quæ huiusmodi mimis
 nunquam defunt. * * item egit, effectu pari. nec aliud ad
 extremum quam illam de Haga cantilenam rettulit, & me-
 dico aulæ. Nugas. Ego offensionem non dissimulaui, &
 scio etiam offensum ipsum. Quid refert? ea hic mouen-
 tur, quæ vercor ut initia sint maioris motus. Ad sacra-
 menta imus, & ad horcos, & ad orcos. Deus & mens mea
 mihi testes, quàm omnia pro patria velim, & mori pos-
 sim pro bono statu: sed non firmabimus res labentes isto
 vinclo. Ceterum magnus ille rector viderit: ego conquies-
 co in Constantia mea, de qua iudicia vestra exspecto. Per-
 gone in hoc genere? an desino scriptiorem, quæ cum inui-
 dia multorum & cum paucorum fructu? Habebam in mani-
 bus

bus De Magistratibus P.R. nec scio an absoluam. Illud scio
& apud vos depono, mihi non difficile esse per partes illu-
strare & exsequi omnem rem Romanam, Tu in Plinio quid?
nolim cesses. Digna te provincia est, & a qua lauream æter-
nam referas verè Victor. Lernutij nostri carmina quando
gradum addunt ad nos? expectari ea sciat, ac spondere me
& respondere de typis. Dufæ Epodon puto me nunc missu-
rum. A Lernutio litteras expecto, à te item, quid statue-
ris de rebus tuis, & quid videatur. Meam sententiam, con-
tra animi mei sententiam non celo: quæ est, Nil mouerè.
Suspensa enim hîc omnia & suspecta. Vale. Kalend. De-
semb. 1583.

EPIST. XLVI. *Engd. Bat.*

V. C. IVSTO LIPSIO GABRIEL
ROLANDIVS S. D.

CONSTANTIAM tuam V.C. visum tibi Coss. Sena-
tui, Populoque Antuerpiensi dicare: & nutantem
hanc urbem, ruentem dicam nisi in ea: cœpissém spi-
rare, tuæ immortalitati adnectere. ea gratia, quia & ego in
hoc populo sum, ingratus viuam nisi gratias agam: neque
tam hac causâ, quam ob exinde factam in animo semen-
tem, cuius fructus expecto non desidero. Dicam liberè: nâ
& ætas & orbitas audacem faciunt, & vellem absque illis in
illecata regione liberâs voces esse: nisi quis Deus ventos fe-
lat & exortam tempestatem, perijmus, quidquid erit, fe-
am vt existimo constanter, quâ naturæ ductu, quâ tuis mo-
ritis sed tuis maximè: atq; hoc sanè libentius, quod ab eo
proficiscantur, qui in eadē naui procellosū, proteruum sus-
cite Africum, & timet naufragium. Hec dudum volui: sed
erebar ne Iulia maiestatis accusarer, si tua studia rem pub-
licam perturbassém. modò nuperæ Gulielmi litteræ, quas
de misi, fecerunt animum, & vt me quandoq; amicissimo
ipiti, ita nostras hæc, illisce illius vimbram damus. Vale
Clarissime Lipsi. & ne quod præcipuum est reliquum fiat,
gratias tibi max. Roland. Antuerpia, 4 Kal. Maias 1584.

EPIST.

EPIST. XLVII. *Antuerpian*

GABRIELI ROLANDIO I. C.

mitto salutem.

GRATAE mihi tuæ gratiæ: quas tamen ita ad me mit-
tis, ut ipse eas non dimittas. Habitant enim apud
illæ diuæ: nec aliud pectus magis amat, scio, inter me
Belgas. Fama ita mihi antea dixerat: nec mentitam eam fi-
mant lepidæ istæ litteræ & litteratæ. Atque utinam po-
hos nimbos lux & sol aliquis tranquillitatis; in quo aprie-
ri nobis liberè liceat, & sermones sæpe miscere non solum
scripta. Voueo, quid sperem tamen nescio, cum oculos de-
flexi ad hunc rerum statum. Qui indies minus stabilis, & ni-
si à Deo aliquo fulciatur, (non enim fortasse à Gallo illo
bicine) ruet. Iani Gulielmi litteras accepi: paullo antè
tiam librum Quaestionum. quem ego ita probo, ut nege-
aliquid melius in hoc genere vidisse ab aliquot annis. Re-
ctam viam adolescens ille ingressus est: & ingenium in
ac iudicium pariter magna. At tu mi Rolandi salue, qui
ut mihi quoque magis magisque sit, litteris me tuis sæpè
appella. Doussa, nisi fallor, scripturus est: quem scire deb-
tui peramantem. Ad finem tuum Schuermannum salu-
Lugd. Batau. Non. Maijs. 1584.

EPIST. XLVIII. *Viennam*

CAROLO CLVSIO S. D.

ET salutem à te accepi, mi Clusi, & munera quæ Pla-
tinus noster reddidit; bis mihi grata, quia & à te mihi
quem tacito quodam sensu dudum amo; & quia mihi
in optatum mihi finem. Vis enim ea sancientiæ amicitie
esse, & offers velut arras, quas libes accipio, & restipulor
hi sanctè ea fide & officijs cultum à me iri hæc nouam am-
icitiam, quæ inter verè bonos. Talem enim te scio, nec in-
nus integritate & ingenuâ quadâ virtute clarum accepi.

que, quàm doctrina. Atque utinam tempora aut conditio
 nostra permittant, minus longè ut absimus: non litteris so-
 lum benevolentiam hanc foueremus, sed alloquijs & ad-
 spectu. Sed istud quoniam non datur, nec fortasse citò da-
 bitur (augescunt enim hæ turbæ, & in isto mari cottidie ma-
 iores fluctus:) quod relictum est alterum amplectar, & te a-
 micissime Clusi per chartaceum hoc æquor (ut cum poë-
 tis loquar) sæpe adibo, sæpe salutabo. Vale. Lugd. Bataur.
 Non. Maijs. 1584.

EPIST. XLIX. *Lugd. Bat.*

CAROLVS CLVSIVS I. LIPSIO
 S. D.

ET grata tibi fuisse nostra munuscula, nec nostram ami-
 citiam te aspernari, ex tuis suauissimis litteris libenter
 intellexi, mi Lipsi: ego vicissim polliceor eam summa fi-
 de à me cultum iri. Dolet sanè plurimum, ob iniquam istā
 temporum conditionem, nec tuo, nec multorum aliorum
 qui istic sunt doctorum virorum, adspectu & alloquijs frui
 mihi licere. Animus quidem sæpissime apud vos versatur:
 sed mollior sum, fateor, quàm ut cottidianos illos atque
 ingentes vestri maris fluctus ferre queam. Alioqui non
 minus istic, quàm hîc, meo succo viuere possem: imò eti-
 am libentius, quòd cælum illud patrium externo magis
 ardeat. Nuper plurimum me oblectauit tui de Constā-
 tia libri lectio, atque veterem amicum C. Langium disce-
 rentem audire videbar, ita illum nobis adumbras. Ea sanè
 lectio effecit, ut mei hortuli deliciarum qualemcunque
 æturam moderatius in posterum feram: licet is multas
 animi curas & leniat & interdum adimat. Soleo enim si-
 mul sinistri de dulcissima patria audio, in hortulum sece-
 dere: istic mœrorem depono, vel varietatis colorum in
 eodem stirpium genere contemplatione & obseruatione,
 vel seminis illarum iam maturi collectione, vel illius com-
 modo tempore satione, denique stirpium inde prouinciu-
 um incremento, atque, ubi adoleuerint, exemptione,
 &

Scinter amicos, qui hoc studio delectantur, repartitione
 Gratissima fuit salutis à Nobili Viro Eduardo Dier adscrip-
 tio, cuius (quod me amet) singulari humanitati tribuo; Lip-
 sius sane beneuolus in me animum dum in Anglia essen-
 non semel expertus sum. D. Sambuco, utinam tuo nòmi-
 salutem dicere licuisset: Verùm illum nobis Deus adem-
 Idib. Iunij sub noctem, ut triduo pòst nostro Plantino si-
 nificauit, cui & morbi genus, quo periit, perscripsi. Oro te,
 Lipsi, per vèstram communem amicitiam, ut Epitaphium
 illi conscribas, utque N. V. Ianum Doufam, Victorem (qui
 bus salutem adscribo) reliquumque Apollinis cœtum ad
 horteris, idem faciant. Bene vale. Viennæ Austriæ 6. Id. Iu-
 lij 1584.

EPIST. L. *Lugduni. Bat.*

IANE HAVTENE.

A Lipsio tuo salue. Suaues herè conuiuas habuimus (ar-
 ribus enim meis inerrat ille sermo) elephantos. Multum
 de ingenio eorum deq; mirâ indole garriuimus: omnia
 iucundè, nisi quod in plerisque indignabar haud plene
 mihi esse fidem. Quid censebatis? vanum aut madidum me
 non fui. Quin siccus nunc & sobrius ingeram tibi eadem:
 laudum hunc campum stilo paullò certius decurram, quàm
 linguâ. Nónne Hilarium isti dies sunt? lubet ludere hunc
 sum. Sed fides mihi prius stabilienda veterum, quibus præci-
 cipuè innisa mea fides. Nonnemo enim eam herè
 leuabat: & nimios harum rerum aiebat fuisse, aut vanos.
 tane? quibus igitur hæc res notior? Nobisne, qui omni ho-
 nostro æuo vix (a) vnum vidimus, eumq; pusillum, iuueni-
 bonarum artium rudem: an illis, quibus cottidiè bellua eam
 ore, in oculis? quibus tam crebra de ingenio & moribus e-
 pericula facta, in-bellis, in ludis? Habebant enim & doc-
 bant magnâ curâ, Afri, Asiani, Græci, ad prælia: Roma-
 magis ad spectacula & Venationes. Quanquam Europæ
 tardè sanè innotuit, & (b) ἑλέφαντας (Pausaniz ver-
 sunt) πρῶτος αὖτ' ἐν τῇ Εὐρώπῃς Ἀλέξανδρος ἐκτίσας

a Illum, qui
 anno 62.
 donum Cæ-
 sari missus
 ab Hispani-
 arum rege.
 b Elephanter
 primus inter
 Europeos
 Alexander
 habuit.

qui victa scilicet Indiâ, intulit siue immisit. Sed ab eius ta-
 men morte statim crebri: & transportauit in Italiam ipsam
 Pyrrhus, bello quod cum Romanis. Hinc quoque iam Ro-
 mæ nobiles: & magis per Punica bella: quibus tanta copia,
 in vno tempore centum quadraginta duos ceperit & in vr-
 bem miserit L. Merellus. Nam Critolaus apud (a) Plutar-
 chum apertè mendax; qui à Paulo Emilio, bello Pyrrhi, *a In Paral-*
 centum sexaginta Romam missos vult, & quidem turrim. *lelis.*
 Et postea sanè Romæ semper siue capti, siue magis pretio
 parati ad populi voluptates. Vides initia, vides frequentia.
 Quæ magis expressa apud Plinium: quem, si voles, lege. De
 id igitur veterum cur ambigimus? Nõne nouerunt hoc
 animal intimè atque optime. An fallere nos voluerunt. de
 compacto? nec potuerunt quidem, in re cotidie omnium
 oculis sensibusque exposita: & in qua miracula milleni ali-
 quot homines simul viderunt, id est theatra rota. Ista ipsa
 etas fidem fidei illorum struit, etsi in alio illo orbe. Lusita-
 ni nauigationibus suis terras eas aperuerunt, in quibus a-
 nimal hoc crebrum. Insula Madagascar eos habet, & quidẽ
 indicis maiores habet Zeilam, vbi uenales sunt miro mo-
 do ad mensuram enim admetiuntur, vt pannos, aulæ, te-
 mura, tanti palmos singulos, ita cum magnitudine pretium
 rescit. Habet provincia Mala bar, Goa, & tota illa ora, ite-
 que regnum Benamen inferioris Æthiopiæ, omnes (quod
 otes) albos. Qui adierunt, qui videntur: eadem aut simi-
 lia narrant de ingenio bruti huius non bruti. Quæ vt serio
 aliquando noscas ac credas: cape à me de naturâ eorum &
 moribus: quæ nihil aut paulum ab homine abire, miretur
 aliquis imò indignetur. Sed prius vniuersè commemorā-
 ologia de ijs veterum: inde facta ipsa distincte, & exem-
 (b) Aristoteles inter alia de elephante: *ἔστι δὲ χροὶ ἐ-*
καυροῦ, χροὶ τῇ σωσίῳ τῇ ἄλλῃ ὑπερβαλλόν. ἐστὶ αὖτε
πρὶν ἂν ᾖ καὶ ἀκροῦς αἰσθητικῶς, & cetero intellectu excellens.
 (c) Cicero: Elephantum belluarum nulla prudentior. (d) Idem: Ele-
 phanti acutissimis sensibus. Quin Homini ipsi adiungunt
 affim. (e) Cicero: Esse illi belluæ quandam cum genere huma-
 nâ societatem. (f) Strabo: *ἔγγυς εἶναι λογικῶ ζῷω, adsidere*
 animal ratione præditi. (g) Philostratus: *τὸ τοῦ γὰρ ζῷου*
δῶτε- Vita Apoll.

b Lib. 9. hist.

cap. 46.

c De natur.

deor. 3.

d De Diui-

nat. 2.

e Epist. ad

Marium.

f Lib. 15.

g Lib. 2. De

διότιρον ἀνθρώπου ταῖς, κατὰ ξυνοίῃτε καὶ βυλ
hoc enim animal proximi ab homine loco, prudentia & cons
Plinius: Animalium maximum elephas, proximumque huma
sensibus, quippe intellectus illis sermonis patrij, & imperiorum
bedientia, officiorumque quae didicere memoria, amoris & gla
voluntas. mo vero, quae etiam in homine rara, probitas, prude
tia, equitas, religio quoque, fides solisq; ac lunae venerasid.

Plinius sanè effuse: tamen verè ad cuius accuratam laud
tionem videor non ineptè diducere posse & adducere lect
mili testimonia aut exempla. Tribuit primò,

Intellectus sermonis patrij. Quod mireris. Nam cum di
velut limites sint, quibus Hominem à Bruto disparamus.
Sermo & Ratio prior iste vide quàm vacillet. Sermo
nem patrium aut ab ijs intelligi id interpretor, Indorum
Aethiopum, Afrorum, & ubicunque nati. Præter Plin

a Li. 4. cap.

24.

b Lib. 48.

um (a) Alianus: συνιδάσκει & ἀποφάντε, καὶ γλώττι
ἀνθρώπων & ἐπιχωρίῳ, capiunt & humanum sermonē
serphantes, sed indigenam. Etiam (b) Dio: ἀνὰ καὶ σκεῖνο
πον, & φωνῆς & πατριώτιδος αὐτοῦς. ἐπαίειν. Etiam

αὐτοῖς, eos patriā vocē audire atque intelligere. Nec alia res cer
tion: Institutionem eorum vides & linguā fix. Domituram
lingua. Ircitationem, & vocatōnem & linguā. Denique
elauis nauim: sic animal hoc impellit dirigūque quod libi
tum humanus sermo, De institutione, (c) Alianum audi

c Lib. 13.

cap. 22.

Οὐκ ἔστιν, inquit, atque institutum ad νῆα φωνή πνι ὅτι
χαρίῳ, ὥστε ἐν ἐπαίειν εἰλήχασι, φῶς τινι ἀπορρήτῳ
καὶ μάλιστ' αὖ ἰδίῳ τῷ ζῷ τουδε. sermone vernaculo, cui
miro quodā & ineffabili modo ac velut peculiari natura sunt cap
ces. De domitura, (d) Strabonem: Primum, ait, capros vinculis

Lib. 13.

Lib. 13.

fame domant, μετὰ δὲ ταῦτα πρῶταρχειν διδάσκουσιν, το
μὲν διαλόγου, τοὺς δὲ μελισμῶ πνι καὶ τυμπανίσμῳ
κχλοῦντες, deinde cicures eos reddunt marturibusq; , hos se
mone, alios cantu aliquo aut tympani sonitu delinquentes. De reg

mine toto: cotidiana olim exempla in bellis, in pace, atq;
rem hodiè. Quin furere etiam cum incipiunt & à se abire
ad mentem reducuntur oratione. Credere ita seriò Ch

stophorus Acofta me iubet: cuius assertioni præstare
breuitate

reuter fides, sæpius enim testimonio eius utar. Is gente
 panus, ad nouum illum orbis tractum abiit, quem Ori-
 entalem Indiam vocamus. Diu illic egit, lustrauit, scripsit, &
 inter alia, de elephantis non pauca, visa sibi aut à visoribus
 accepta. Crebrum enim valdè & cottidiani vsus animal
 in ijs locis. Is igitur (a) refert: Genere morbi tentari ele-
 phantos quotannis, quod haud distat à (b) furore. causam
 amorem esse, & venire cum venit ad eos Venus. Tum
 bacchari eos, furere, lædere, incurrere: nisi quidem vin-
 ci coërceantur. quod fit ab incolis studiosè. Sed et mor-
 bi haud sermè aliter tolli, quàm pharmaco verborum. Adfistere
 bellæ magistris increpare acriter, & ostendere feditatem. Tan-
 tumne bellæ & reginæ, aliarum ita demerire per adfectum
 Virilitatem eam esse degenerasationem à naturâ & à stirpe. Redi-
 unt ad sese, & concubantes amore qui torpescit ipsum. Et his talibus,
 que etiam homini vtiliter adhibentur fieri medicinâ. Quomo-
 do autem possunt ista, nisi si non audit solùm, sed imbibit,
 coquit, capit. Nec verò, ut aliquid mirus dicam, audiunt
 solùm sermonem, sed edunt. Oppianus disertè Elephantos
 colloqui inter se vult.

Φήμι δ' ὡς ἐλέφαντες ἔτι ἀλλήλοισι λαλῶσι,

φθόγγον ἐκ σωματων μεροπῆδα τὸνθορίζοντες,

Fama est inter sese sermonari elephantis,

Distinctasq; susurrare atque emittere voces.

Acosta ille idem nihil certius in regno Malabar esse ait,
 quam quod hæc beluæ communicent inter se sermone. De-
 que vis in hac re aliquid mirissimum (ignoscere tanta no-
 uitas egebat nouo verbo.) edunt & loquuntur etiam huma-
 nam vocem. Boues inter prodigia, Romæ locuti olim iun-
 ge & elephantem. Atque audi ipsum Acostam. E-
 ras, inquit, in vrbe Cochîn elephas, qui operas diuinas præ-
 bere solitus ad portum & res marinas. Eundem foris iam ses-
 sum vrgebas nihilominus vrbis eius Præfectus, vs Liburni-
 um, quam commouere cuperas, deduceres porro in mare. Ille ab-
 iurare, instare alieni nullis blandisque verbis, & ad extremum
 in gratiam Lusitanæ regis id vellet, orare. Hæc (immane dictum)
 elephas motus, clare hæc duo verba ingeminas, Hodî hodî: quod Ma-
 labarum Lingua est, Volo volo ac sine morâ nauim traxi in mare.

Trepidas

a In libello
 De Aro-
 matibus.

b Plinius &
 Aristoteles
 meminere
 eiusdè mor-
 bi. sed Pli-
 nius locus
 malus, cui
 corrigendo
 non hic lo-
 cus.

Trepidās ad hęc & nutas? Age, age, mouebo tibi in
exemplorum mari magis maiores fluctus: & ambiguo
relinquam, non dicam an hominem capiant, sed ad ho-
nem imò supra hominem sapiant elephantes. Dixi enim
priori limite, qui discriminat obscure: alterum vide, Ra-
nem, quā ego omnino carere me fateor, si prorsus ille. A-
igitur ē Plinio, quæ huc spectant. Ait:

Imperiorum obedientia. Clara, & quam nemo neget. S-
mel domiti omnia ab homine & pro homine perferunt
tanta illa moles vel (a) pusione regitur ac dirigitur
decenni, idque sine vi, bacillo tantum (καλαύροτι in P-
lostrato scriptum) aut (b) leui ferro. Et quid non imper-
tur? etiam iugum subire, & trahere currum. Oppianus
tradidit, & Romæ primus ostendit Pompeius, ac post
sepe principes secuti. Nummi docent. Tertia in Plin-
iaus,

Eorum quæ didicere memoria. Tenax sanè memoria
ad humanam, vt mox dicam. Sed ingenium Plini cur om-
tis? Præuaricaris in hac causa: quia si vlla propria & ma-
na ijs laus, hęc est acuminis & ingenij, de quò, te silente,
ego silens, ingenium igitur ijs doctile, facile, flexile, aptum
ad omnes artes, & artes Belli dico, siue Pacis. Quod vi-
mihi & discere ē paucis his effectis. Ac de bello, quis non
genium eorum admiretur: siue cum belluis pugnam, siue
homines iussu hominum habent? Dirigunt enim velut
consilio aciem, defessos aut infirmos in medium agmen
cipiunt, in (a) fuga ipsa suos non deserunt, sed greges
abeuntes circūdant & propugnant. Iam læsis medicis
faciunt: spicula aut infixā tela leniter manu sua extrahunt
& vt (e) Plutarchus ait, ἀνευ παραγμῶν παδίως χα-
λασθῶς, sine conuulsione & sine damno, prorsus vt (f) per-
sini chirurgi. Quin & proprium medicamentum, aloē
crimas, instillari vulneribus ab ijs, Philostratus adseuerat.
At pro homine quis homo nescit acres eorum pugnas
stituuntur velut milites ad prælia; bellatores non dorso
lūm ferunt, sed & ipsi bellant: propugnant suos, impugnant
hostes: denique eo veniunt, vt munia etiam omnia mil-
ria usurpent. (g) Alianus quidem mihi apertor, Elephanti

ollodil qin

-ora 80

audiam

a Philo-
stratus tra-
dit lib. 2.

b Falcē siue

δρεπανον

Aristoteles

Elephantis

re attribui-

it: Alianus

eadē mēte

δρεπανον

c Plin. 8.

cap. 7:

Alian. 6.

cap. 56.

d Alian. 7.

cap. 36.

e Libello

πότιρα τῶν

ζώων.

f Alianus

libro 7.

δρεπανον

χρῆσθαι

ἐπιστήμο-

ναι.

g Lib. 13.

cap. 22.

decerē etiam motus bellicos edere: ex ijs viginti quatuor Indorum regi adfistere, & excubias agere, ut fidelissimos quosdam corporis custodes, atque ita agere, ut alternis in stationem succedant, sine somno quidem aut conuiuentia oculorum. A peritissimo milite, dic sodes, quid aliud expectes? Iam quanta fides eorum in dominos, quā ad extremum spiritum pro ijs pugnent; satis tibi claruerit vel ex vno elephanto illo Poti, qui decantatus: & ab eo disce omnes. Hæc de belli artibus. At in pacis; quid hominem doceas, quod non istos? Quorum tanta in discendo (a) (Æliani verbis & sententiā utar) (b) *ευπείθεια καὶ εὐκολία*, ut eas disciplinas artesq; hauriant, quas ægrè homo ipse. Circā corpus, circā animum hoc considera. De corpore: conformant id ad omnem ex arte motum aut gestum. Ingeniculare, submittere, & adorare reges docentur. (c) Aristoteles: *πολλὰ γὰρ καὶ παιδεύεται καὶ ξυνίησιν. ἐπεὶ καὶ προσκυνοῦν διδασκονται τὸν βασιλέα*, multa erudimuntur & sciunt, quando & regem adorare discunt. Saltare etiam & choræas ducere.

Plutarchus: ὀρχήσας τε μανθάνει, καὶ χορείας, καὶ πορο-
 σιμήσεις. *salutationes discit, & choraeas, & adoraciones. Ad*
scopum iaculari, armis uti, natat. Strabo. οὕτως δὲ εὐσι-
 μοσιεύουσιν ἔιναι, ὥς τε καὶ λιθάζειν ἐπὶ σκοπὸν μανθάν-
 ει, καὶ ὅπλοις χρῆσθαι νεῖν τε κάλλιπα. *adeo ante mā-*
nifescere, ut & lapides ad scopum iacere, arma uti sapere, & natare
primum discant. Vbi tamen τὸ νεῖν, siue Natandi verbum mi-
 ni anceps: quia nec alteri id traditum, & alienum à natura
 elephantis qui aquas profundiores horret. Ventilare, gladi-
 atorios militaresq; motus edere docentur. Plinius: *Vulga-*
re erat arma per auras iacere, non auferentibus ventis, (ut scili-
et iterum iacta reciperent.) gladiatorios congressus edere, aut
disciente Pyrrhice colludere. Denique in theatris eos gestus
 fingere, quos vix Pylades aliquis aut Bathyllus. (e) Plu-
 tarchus: ἐν τοῖς θεάτροις ἐπὶ δείκνυται σχημάτων ἑῶν
 καὶ μεταβολὰς, ὧν οὐδὲ ἀνθρωπίναις μελέταις τὸ ποιή-
 σθαι καὶ περιττὸν ὁρμήνῃ καὶ καθέξει γενέσθαι παντὶ ῥα-
 τῶν ὅστιν, *in spectaculis ostendit elephantis eas gestuum figuras & va-*

Lib. 2.

cap. 11.

*b Obtempe-
ratio & faci-
litas.*

c 9. Histor.

cap.46.

α περὶ τῷ-
χης.

Lib. πρ-

τερα τῶν
ζώων.

a Libr. 8.

cap. 11.

b Eodem li.

cap. 3.

c Epist. 86.

vietates, quarum copiâ atq; concinnitatem difficile sit humana
 li industria exprimere aut memoriâ complecti. Itaque & funab
 li elephanti reperti sunt, irrisum vobis herè & explosû. (a)
 Plinius: Postea & per funes incessere. (b) Iterum: Mirum ma
 me, & aduersis quidem funibus subire, sed regredi magis, & tri
 pronis. Quorum verborum mens: quòd & ascendant per e
 tentos funes aduersi: & regrediantur etiam per eosde
 proni. (c) Seneca: Elephantem minimus Aethiops iubet subsi
 re in gennâ & ambulare per funè. Suetonius Nerone: No
 mus eques Romanus elephäto insidens per catadromû decucurrit
 est, per funem in theatro extentum; interprete Dione,
 hac ipsâ re: Καὶ ἐλέφας, inquit, ἀνέχθη ἐπὶ τὴν ἀνωτάτην
 τῆς θεάτρης ἀψίδα, καὶ ἐκείθεν ἐπὶ σχοινίων κατέδρα
 μεν ἀναβάτῳ φέρων. Elephas ad superius theatri fastigium
 conscendit, atque illinc per funes decucurrit sessorè ferens. Quo
 genus spectaculi primum exhibuisse Galbam, qui post
 Imp. Suetonius idem monet: Prætor, inquit, commissione
 dorum Floraliû nouum spectaculi genus, elephantos funambu
 lantis. Et quæ frons vltra obduret contrâ tot & tales teste
 Atque hæc tantâ curâ & intentione discunt (id quoque v
 let ad vim testandam & indolem acrem animi) vt sæpe d
 prehensi sint noctu velut dictata sua ruminantes & me
 tantes. Plutarchus cum Plinio mihi auctor. quemdam t
 dioris ingenij, & verbis verberibusque malè sæpe accu
 tum, inuentum ad Lunam gestus illos & motus præscri
 tos exercentem. Grandia hæc, grandia: tamen de illis an
 bus quid dices, quæ non nisi propriæ videntur humanæ m
 tis? Legere aut scribere, quis ab homine seiunget? ego
 si elephas inter eos. Nam is quoque scribit. Rides? tim
 potius. æmulus repertus muneris tui, & tuæ artis. Plin
 us è Muciano clarè adfirmat. quemdam Græcas litteras
 pingere didicisse, eâque lingua scripsisse IPSE EG
 HÆC SCRIPSI ET SPOLIA CELTIC
 DICAVI. Et Philostratus: Scribunt igitur, atque
 prudant, & ad fistulam saliant. Quod si hos duos testes
 uas (herè ita memini) (d) Æliano quid facies, qui oculis
 suis id spectasse pæne per oculos suos iurat? Vidi, inq
 ego ipse quemdam in tabulâ litteras Romanas promiscue

d Libro 2.

Var. cap. 11.

venem, (a) rectè & non contortè. Quinetiam cum scribe-
 res, oculi eius cum rigore deiectionis in tabulam erant: ut planè
 inuentos diceret & scriptitantes. Sed iam concludam hæc
 de artibus, insigni & nimis certo exemplo, cuique mille-
 ni aliquot oculi spectatores: munere, quod Romæ publi-
 cè dedit Germanicus Cæsar. (b) Plinius tangit, &
 magis vbertim narrat (c) Ælianus: ex quæ ijs ego. Ludis
 ijs illis, Tiberio Principe, duodecim elephantum theatrum indu-
 ti sunt siue Circum, induti floridas & histrionias vestes. At pri-
 mum ad vocem Magistri diuidebantur in diuersas Circi partes,
 inter eundem molli & saltatorio gressu inundantes: iterumque
 eandem vocem coibant, & efficiebant saltatorium quemdam
 orbem. Sed & flores spargebant & corollas, & ad cantum ter-
 ram pedibus leniter & numerosè pulsabant, & omnia præstabant
 quæ peritissimi ludiorum. Iam ijs (quod insanum mirum)
 lecti mensas accumbere, cibum potumque sumere, parè, mode-
 stè, ordine, humanum in modum. Lecti erant humiles, (ag-
 nosis Romanum ritum) instrati purpurâ & auleis. mensæ
 adeos, vario & dapili instrumento, disposita pocula aurea, ar-
 gentea, minuta, grandia: cibi in lancibus, panis, caro, fructus. Ecce
 ingressi duodecim elephantes, sex mares totidem femine: illi ro-
 gati, hæc stolata. Decorè & verecundè in lectis se reclinant.
 mensam accumbunt. cum signo dato (non enim antiè) in men-
 sam promiscides siue manus suas extendunt: summâ modestiâ ci-
 bos capiunt, delibant. non voracitas vlla in ijs, non auiditas vi-
 si, non maioris meliorisue partis appetitio, præceptio. denique
 cum bibendum, pateram pueri porrigebant: ijque promiscide
 eadem genialiter hauriebant. & (iucundæ potioni hoc ad-
 nexum) reliquijs vini circumstantes aspergebant, velut cor-
 pium facientes. Hæc meis verbis texui, sententiâ ger-
 manissimâ Æliani. Et effare. potuitne spectaculum ma-
 gis ad Gratias, ad Venerem, ad Naturam? cui vtinam his
 oculis arbiter paullisper ego! id mihi ante omnes thea-
 trorum opes, luxum, nugas. Atque hæc nisi promptis-
 simi cuiusdam & acutissimi ingenij signa sunt, tardus
 valdè & cæcus ego. Quid illa, quæ non à doctrina
 constituta sunt, sed emicant & subsiliunt naturæ ipsius spon-
 de? Cuiusmodi spectata in ijs sæpe ad prodigium vsque
 sagacia & acuta. Quale illud (e) Plutarchi: In Syria πρόσπα
 elephas ζῳών.

d Libello.

elephas quispiam alebatur. servus curator additus, cotidie de dimenso subtrahebas, & dimidio belluam malo furto fraudabas. Fuit, ut heros praesente cibum daret: & ad mensus igitur est totum. Elephas ut iniuriam diis sibi factam, qua posset, detegeret, accursat hordei partem separat: dimidium sibi servat, altero repulso, qui nisi clamans, callidissimo inuento, illud diarium sibi haecce nus fuisse? Alius (refert idem scriptor) cum rudera & terrarum magister ad explendam mensuram pabulo idem idem misceret: fraudem hanc ultum iens, in ollam eius carniarum plenam, è foculo correptum cinerem iniecit. Sed exemplum quod ab Acofta, fidem omnem superat, etfi ex fide. Palàm enim & spectant populo res gesta est. Elephantis cuidam in vrbe Cochín ad horam cibum non oblatum. Queritur, & barrit. Magister excusat, & vas aeneum eius cibarium ostendit perfluens & pertusum, causam hanc morae esse, quòd cibi non ultra tenax, iubet igitur, si esse velit, ad fabrum ararium ferat reconcinnandum. Ille parer, promiscue aufert, fabro offert. Faber siue per negligentiam, siue ludos belluam faciens, infideliter reparat atque obstipat. Elephas refert. Hervis vitium videt, & indignatur. inlclamat illam absentem, hunc praesentem. denique redire iubet cum illo ipso vase. Facit, & fabro querulus impingit. Ille homo suavis serum imponere conatur, & admoto malleo claudere rimam simulat, non claudis. Nec tamen imponit. Nam ille casus lebesens resumptum ad fluueni defert, immergit, & aqua implet periculi faciendi causa. Videt effluere. Plenus igitur irarum ad fabrum recurrit, insonat magna voce. Confluunt vicini, & inter eos Vercarius regis. Faber blandis verbis demulcet (nescio an ultra addam dicere) belluam: vas denique sumit, & resingit probatque ex fide. Sed ille ne tum quidem fidens, iterum ad fluumen, & ad haustum. dum contineri aquam videt, vertit se ad adstantes & ostendit, vltus testes eos aduocans in hoc factum. Ita demum abiit domum. Quid addam? nec verbum: qui reuera datus sum in stupore. Et cur iam (a) Aelianò non credam, qui iure optimo duplex cor tribuit tam cordatis? Satisfatis ad ingenium ista: redeo ad Plinium meum, qui fugerebat

Memoriam.

Ea autem pars tam magna in hoc animante, ut homini non dicam nihil cedat, sed excedat. Vnum exemplum vetus dabo, pauca noua. Michaël qui

dam Glycas inter Græcos, Annales scripsit haud impro-
 pè nec indecenter collectos . Is in parte prima prodi-
 dit: Elephantum quemdam cum in circum deduceretur, seden-
 tem in foro ad Milliarium aureum Magistrum ferarum, subita
 ira atque impetu interfecisse. Causam non aliam violentiæ fu-
 isse, quàm quod ante annos totos decem, eodem illo loco, idem
 Magister, eundem elephantum ferro percussisset. quam iniuri-
 am tot annos recondens, tunc demum ijs ultum. Aliud ex A-
 costa : Miles quispiam in vrbe Cochîn Elephantum, per lasci-
 viam, in fronte putamine nucis percusserat : (grandem illam
 indicam intelligo, quam incolæ Coccum appellant.) Elephan-
 tus putamen studiosè tollit : illud, atque iram, recondit. post dies
 obsculos, in viâ quapiam publicâ obambulantem militem con-
 spicit, accedit & elatum ex ore putamen, promuscide suâ acriter
 in illum conijcit. tum exultabundus abiit, quasi talione iniuriam
 probè ultus. Iterum ex eodem: Miles elephantum in eâ-
 dem vrbe cum rectore obuium habuit, noluit decedere. elephas su-
 um & rectoris contumeliam id interpretatur : ulcisci tamen à
 rectore prohibetur . Post dies aliquot, in ripâ Mangatæ flumi-
 nis (id urbem alluit) militem fabulantem otiosè repperit. Cum
 rector non adesset, corripit illicò hominem, in altum tollit, nec pre-
 cibus nec clamore adstantium motus, aliquotiens flumine merfit,
 illeuans subinde & demittens. Cumque lusum eum satis diu lu-
 sisset, contentus hâc vindictâ, hominem vitæ suæ iam diffiden-
 tem, rectum & illesum destituit eo ipso loco vnde sustule-
 rat. Sed hæc in deteriorem & vindicem partem Memori-
 æ exempla : ecce etiam in beneficam & benignam. Aco-
 sta idem mihi suggerit : Elephantum in vrbe Goâ fuisse, qui
 annuo illo & solemnî furore correptus catenas abruperit & vin-
 cula. Fugientibus omnibus seruum quempiam qui vnus in-
 stantem dominicum gestabat in aedes properè irrupisse, oblitum
 arcine quam deposuerat in illa trepidatione ante aedes. Elephas
 dest. mortem omnes & obtritum pueri expectant. Ille contrâ
 manus suâ leniter attollit, in humile lectum, quod è regione edi-
 tum, collocat; respectans curiosè satî puer illic sine damno. De-
 in furibundus cursum suum exsequitur. Id datum omnes inter-
 retabantur veteri beneficio; quia mulier earum ædium domina
 infans mater, elephantî transeunti sæpius panem aut fru-
 ctus obsulerat. Et alia quædam legere tibifas, si lubet,

apud eundem Hispanum. Ego in Plinio pergo, qui admonet

a Narrata
Plinio cap.
5. & Plutar-
cho, in li-
bello,
πότεια τ
ζώνων.

b Lib. 7. cap.
43.

c Athenæ-
us, libr. 13.
cap. 30.
Ælian. libr.
10. cap. 14.

Amoris. Quod ipsum iure mirum. Nam sicut sermo & Ratio homini peculiaria videntur, sic certi Adfectus. Inter quos avidus ille & varius amor, pro leni tormento soli huic, animantium datus. Sed abnuat elephas, & hac quoque parte sociat se nobis. Serio enim amat. Trita & nota (a) historia est, illius qui Aristophani Grammatico præbuit seriualem. *Vterque enim Alexandria in Aegypto corollariam quâpiâ amavit, nec minus studij aut ingenij elephantu fuit ad declarandam & missigandam suâ flammam, quam illi acuto & litte-rato. Forum, in quo ea desidebat, crebro adire: adfistere, suspirare; poma aut flores offerre: manum intrâ sinum blandè penetrare; & ea omnia, quæ Venerens aliquis nepos.* Alia similis in (b) Æliano, In Antiochiâ vrbe Syriae, elephas inter cicures more suo ad passionem iens, vidit forè mulierem haud inscitam, pariter corollariam. Vidit, periit. Assiduus ille apud eam; promuscide faciem, manus, lambere, tergere; & quacumque poterat, blandiri insinuare. Quin & illa redamavit, corollas & flores aliâsq; amoris illecebras sæpe offerens. Cum perseverasset mutus amor, mulier ecce ad plures abiit, elephas desiderium non tulit, nec mentis sue compos datus est in furorem. Sed & honesti fidiq; amoris non deficiunt me exempla. Habe vnum. (c) Antigono Regi elephas femina fuit. euenit vt in obsidione opidi Megarensis, puerum pareret vxor Indi elephantistæ. Is suâ linguâ commendat infan-tem inter bellicas turbas elephantu (ita nomen eius fuit) Niceæ. Capit illa serio in fidem; & omnia officia exhibet, quæ piissima aliqua nutrix siue mater. Infans ante pedes eius deponi debebat, nisi fieret; cibum non capere, iram omnibus signis ostendere & dolorem. Gaudere contrâ, eo adiacente, & cum cunas mouere ad oblectandum, aut somnum conciliandum; cum ventilare & pellere muscas, quod faciebat sanè scire, arundinis ramum promuscide suâ motitans. Atq; hæc officia interdum etiam vsurpabat elephas maritus. Pergit Plinius, & addit

Glorie cupiditatem. Qui sanè ipse affectus hominum proprius; & inter eos, animæ cuiusque maximè sapientis. Exempla eius in hac bellua plura. tu vnum vetus à Plinio capere, nouitium alterum ab Acoſta. Plinius: Erat, inquit, Antiocho Regi elephas, cui (ita enim hominum carumq; exēpla distin-

(*singuntur*) nomen *Aiax*. Is dux plerumque agminis, generosus, celsus, & velut rex in regio illo grege. Evēnit ut flumen transmissendum esset. venit infelix, & malā suā sorte. Pronunciatus enim illic à Magistris, Principatū eius fore qui prior transisset. Intellexit, & arripuit *Patroclus* (& hoc elephantis alteri nomē) fluviumq; transmisit. Premio igitur donatus est; phaleris argenteis, quibus mirè gaudent, ornatus, & velut in possessione positus principis loci. At *Aiax* noster propter ab hoc *Vhysse* circumventus, fātum etiam quā potest, illius veteris exsequitur: & mortem ignominie præferens, inediā se confecit, atque adeo interfecit. Acoſta autem inſit: In littore vicino urbi *Goe tormenſi* grande æneum commouendum erat. conatur elephas: non potest. Inſiſtente magistro & duos iuniores elephantes ostentante, qui id facerent ni ipse faceret: iterū iterumq; conatur tanto niſu, ut medius illic crepax: et. En! dum gloriam illam præreptum alteris iuit, miser sibi vitam. Sed proſequitur laudationem suam *Plinius*, & adiungit magis alta. Est enim, inquit, elephantis, quæ etiam in homine rara

Probitas. Ergone virtutes elephantis? virtutes, ut nequid scilicet ad perfectum omnibusque numeris hominem desit. Et de probitate planè verum est. Innoxium enim, prudens & pudicum hoc animal: probæ mentis, probi oris. Vis ei ut omnibus noceat; ut nemini, voluntas. Homini occurrit? (a) vitam non adimit, ostendit viam. Ferre alteri? transit. Quin nisi irrites & impugnes, nec in Arenā quidem excitabis ad lædendum. In magistros rectoresque suos mira illis pietas. (b) quos aliquando per calorem aut furorem interfectos, ita luxerunt, ut inediā interfecerint sese ipsi. Eadem in natos: quos, (c) vrgentibus venatoribus adeo non deserunt, ut millies capi, cædi, malint, quàm ipsos. Adde reuerentiam in grandiores & senes. quibus de (d) loco, de potu, de cibo iuvenes concedunt, bonæ suæ Naturæ legibus non *Lycurgi* vllis minis adducti. Adde pudorem & castitatem. quia non nisi occultè & filuis tecti coeunt, & sanè rarenter. Nam quod *Plinius* & ex eo *Solinus* prodiderunt, non amplius quàm semel parere, nec plures singulis: validè refutat ratio. quia si vnus saltem è duobus: iādū, minuēte numero, defecerit id genus. (e) *Ælianus* tamen vsum *Veneris* semel itē ijs tribuere videtur.

a *Plinius*,
cap. 4.

b *Strabo*
tradit, libro
15.

c *Ælian. lib.*
7. cap. 19.

d *Ælian. ibi.*

e *Libro 8.*
cap. 17.

a Lib. quin.
Hist. anim.
cap. 14.

Sed ea ex Aristotele hausta, malè aut lecto aut intellecto. Nam (a) ille hoc tradit: *Marem quam semel inieris, non vltius tangere. interposito tamen triennio coitum repetere, sed numerū in aliā. Feminā vterum biennio gerere, parere singulos.* Strabo etiam de initu eorum & partu, magis cautè & verè. Adtextitur in Plinio

Prudentia. Quam non dilato, satis mihi in Acumine & ingenio dictam & doctam. Ostendunt tamen & hanc propriè in Acie instruenda, in tardandis secutoribus fracto dēte, in flumine transmittendo. quæ apud Plinium, Philostratum & Ælium vide. Sequitur

b Libro 10.
cap. 15.

Aequitas. Quam in se, quam in alijs amant. Retegunt imò scelera, & alienas etiam iniurias vlciscuntur. Historiam Æliani duplicem te non celo. (b) Narrat Romæ euenisse, Imperatore Tiro: *ut vxor elephantistæ malo iure cum altero macharetur. Videret elephas, non fers domini hanc iniuriam: irruit, & in ipso complexu, vtrumque densibus transfigit. Denique prouide ita copulatos relinquit, stragulo regis. & cum dominus aduenisset, stragulo reiecto facinus ostendit & se vlsorem.* Hoc pro magistro; sed probo. Narrat (c) iterum in illum, sed improbum. Fuisse magistrum elephantis qui adulteraret. nec contentum furina libidine, & uxorem suam clam sustulisse, & ad præsepē elephantis sepelisse, alterā illā mox inducta. Elephantum hoc scelus tacitum non habuisse. & uxorem nouam illuc traxisse, & cornibus pedibusq; refodisse cadaver, tantum non rebus ipsis mulieri inclamantem cui, & quomodo inuississet. Extrema laus est

c Libro 8.
cap. 17.

Religio. Quam veteres omnes tribuunt consensu. Lustrari aqua, orientem solem ab ijs adorari (d) Plutarchus & (e) Ælianus mihi auctores: Lunā nouā, Plinius, & (f) Ælianus. Sed & hoc ad religionem, quod mortuos è tuo genere sepeliunt & prætereuntes iniiciunt humum. Ælianus ille idem hoc tradidit libr. 1. cap. 49. Homines ecce, mi Haute-ne, elephantem feci, Sermone, Ratione, Affectibus, Virtutibus præditos: quid superest, nisi ut etiam diuinos. Diuinant enim, & Oppianus de hoc animante dixit:

d Libello,
πόρεια.

e Libro 7.
cap. 44.

f Lib. 4. cap.
10.

ΜΑΥΤΙΧΘΥΝ ΟΨΙΝΔΕΟΡΥ ΕΧΕΙΝ ΧΕΑΡ.

Diuinum cor habere in pectore.

addit-

additque præscire eos fatalem suam horam (a) Dionam-
 plius, scientiâ eos ornat cœlestium rerum. ἡδὴ γὰρ τινες, a Lib.39.
 inquit, καὶ οὐκ εἶπον, ἐτι πρὸς τὴν τὴν φωνὴν τὴν πα-
 τρώϊδος αὐτοῦ ἐπαίειν καὶ τὸν τὸν ἄρ᾽ ἑαυτοῦ γενομέ-
 νων συνῆσιν. Quidam hoc etiam aiunt, eos, præter quod ser-
 monem patrum intellegunt, scire etiam quæ in cælo gerantur. Sed
 inter Quosdam illos, ne te fallam, non ego. Habes lufum,
 natum non importunè mihi ex hesternò lusu & ioco inter
 vina. cui ut seria multa & vera inesse nihil ambigo, ita quæ-
 dā maiora vero: nec vsquequaq; in his talibus veteres illos
 Fidei litasse, facilè tecum credam. Quis enim tam ma-
 gni oneris sit, ut quicquid illi imponunt, vehat? Nec ta-
 men mali quidpiam in istis, etiam falsis: quia innoxia mē-
 daciola sunt, & volente deo Rifu nata. Qui si te non as-
 pexit dum hæc legis; iam nunc me imponente licet vsur-
 pes cognomen prisca illius Crassi. Iterum salve.

EPIST. LI.

Brugas.

I A N O L E R N V T I O S. D.

I P S V M pectus mihi commouit series malorum, quæ es
 passus. Heu homines, quid sumus? quid speramus? Atq;
 ego sub idem illud calamitatis tuæ tempus, nescio quo in-
 stinctu, in Saturnalibus meis adfinxerā orationem tibi de
 incertis casibus vitæ. Sed benigno Deo gratia, qui con-
 cussit te non deiecit: ostendit vulnus, & non impressit. Vti-
 le enim, mi Lernuti, utile, admoneri nos interdum à sum-
 mo illo Principe & imperij illius, & fluxe nostræ conditio-
 nis. Nempe quid est homo? lutum, ut ille ait, scitè mix-
 tum. quid vita? hæmina vna sanguinis: quam quilibet levis
 casus rumpit, quælibet febricula corrumpit. Solus animus,
 & eius actiones æternæ. Vides pulcherrimum hoc mun-
 di corpus? ruet aliquando. Vides hanc Belgicam nostrā?
 iam ruit. ne indignemur interitum aliquot hominum, cum
 cadauera futura sint cæli terrarumque. Saturnalia nostra,
 credo, te accepisse. primam dico partem, quæ De Gladi-
 atori-

atoribus. Nam reliqui sunt aliquot libri, De Venatione & Circo : in quibus etiam tuus sermo. Iudicia vestra liberè, liberè, velim adscribi : vt mutemus, si quid tale erit ; iteratâ editione. Iubebo enim si orium aut valetudo mihi constet, simul excudi omnia quæ ad ludos Romanos. Nunc molesti mihi quidam nomine Ordinum vt Grammaticam conficiam, quæ legi possit in Belgica vniuersa. Ride, si sapis : & vide quàm bene de me & neruis meis sentiant isti. Apud vos miles, vt audio, & turbæ. Si ita est ; quid si expedias te ab ea vrbe, & secedas in hæc loca sub Neptuni regnum ? Nam terrestres dii, parum nobis æquum. Cautè id fiat tamen, & circumspectè. Nam & apud nos nescio quid turbellarum, ab iis qui pax deberent esse mundo, at illi fax sunt. Vale mi suauissime, & aut me a spectata sub ætatem, si quies illic ; aut ego te, si hic. Vxorem salutata a me ex animo, & tua pignora disiuauia. Victorem nostrum filere ita miramur, vt suspicio sit ne & ille penetraverit ad loca silentia. At tu cum saluta, & è veterno excita, Salutat te Dusa, Hautenus. 10. Kal. Feb. 1582.

EPIST. LII.

Romam.

FRAN. BENSIO S. D.

DEVM ego testor, vir optime, vt in solo nomine tuo lecto exsiliij : quanto magis in commemoratione amoris, quem integrum inuiolatumque seruari apud te cognoui ? ita enim ad me scribit P. Egmondus : quem certum mihi, amatum antea, vel nuntij huius causa magis amare. Non enim dissimulo. verus & vetus mihi in te adfectus est, hæresque mihi in arcano isto penetrati. Genus vitæ mutasse te audiui : quod salutare tibi futurum omnino confido. Et reuera mi Bensi, quid hæc humana sunt, nisi iactationes & fluctus ? in quibus nihil firmum sit, nisi ad anchoram ea alliges veræ Pietatis. A me quoque abiit illa iuuentus : & vna mihi hæc cura, vt quidquid hoc est xui, in virtute & seriis iam studiis traducam. Publicè id testari cœpi : & edidi nuper de Constantia libros duos, qui pietatem (nisi fallor) aliquam præferunt, et si priscæ Philosophiæ

phiaz velo. quos ad te mitto, non vt inspicias modò, sed iudices: & liberè me moneas, si quid exorbitans in iis aut minus rectum. Nec amantis adfectu iudicabis, sed vt apud Pindarum est.

(a) Βουλαῖς ἐν ὀρθαῖς Ραδαμάνθορ.

Hoc omnino peto. M. Antonium ** (ex animo dico) amo æstimoque, minus promptè id ostendo, quia multa in me ab illo non amica. Ita enim moneor litteris multorum. Quo meo merito? Nam ego te iudicem non defugio, qualiscumque ea est litis. Tacitum edidi. quid ergo? an illius? Quæ hic iniuria est, si campum eundem Famæ decurri, sine fraude? Sed mihi iam ista non magna. & reuera pudeat me verba consumere in leniculis rebus. Nati ad maiora & meliora quædã sumus, & ego & Muretus. Quæ tu quidè à me salutaris, & animum hunc illi firmabis volentè semper eius & amicum. Ita me posteritas amet siue æstimer, vt ego illum. Constantiam nostram vt cum eo communices, volo siue iubeo: cuius exemplar etiam à me expectet. iam enim receditur. De Amphitheatro ante paucos dies edidi: & mittam. Tu quæso me ama, & interdum solare & erige in his turbis omnium rerum. 9 Kal. April. 1584. Si quid ad me voles, mittes tutò ad Plantinum.

a Sententiis
rectis & re-
gidis Rada-
manthi.

EPIST. LIII.

Louanium

M. ANTONIVS MVRETIVS S. D.

IVSTO LIPSIO SVO.

NEQVE enim puto aut maleuolorum rumusculos, aut tenues quasdam & obscuras suspiciones tantum potuisse, vt meus esse desieris: cum ego planè sim tuus. Quod inter amantes solet, Zelotypia me quædam inceserat, quod alios quosdam, de quibus inter nos ridere interdum & iocari solebamus, & qui certè te, cum hic esses, non ex æquo mecum amabant: si verum audire vis, ne nunc quidem amant, qui ex eis superstites sunt: eos igitur subiniquo animo ferebam à te & sepius & honorificentius quam me, præ quo illos contemne. e solebas, nominari. Sed missa hæc faciamus. Electorum tuorum γέῦμα nūtrificè mihi placuit. Cetera expecto, & cum Saturnalia, tum multo etiam magis

magis De Vita ac scriptis Senecæ: quem vt accepero, in eodem te genere, vt potero, remunerabor. Illis quæ ais in vndecimo meo aliorum ab iniquis capi posse, medere, vt vis. Sin fortasse integrum non est, omitte sanè istam curam. ego ante tres aut summum quatuor menses efficiam, ne quis aut de voluntate mea erga te, aut de iudicio dubitare possit. Nî fecero, tum tu sanè de me, vt de homine parum bonæ fidei, conqueritor. Amemus inter nos, mi Lipsi, eò constantius, vt vrantur ac ringantur isti, qui amicos esse nos nollent. Quæso de tuarum omnium rerum statu, fac me, cum primum poteris, certiolem. Vale mi Lipsi: cuius ego nunc suauissimum os intueri mihi videor, v. i. Eidus Feb. Romæ. Litteras tuas Kalendis ipsis Februarij accepi: ne me tardiolem fuisse in rescribendo putes. neque antea fuit tabellariorum copia.

EPIST. LIIII. *Antuerpiam.*

ABRAH. ORTELIO. S. Precor.

PER fidem, Orteli, vt tu vtrîquæ largus es, & amando & donando. Miseram ad te nescio quid munusculi nuper, Amphitheatrales meas nugas: tu rependis illicò & reponis, sed verum amplumquæ donum THEATRVM tuum. Ad tutelarem Prætorem ibimus? Profundis enim tua, & quidem valdè (a) ἀμέτρῳ μέτρῳ, cum pro libello, libros; pro ludis, seria: pro orbiculis Arenarum, diffusum istum terrarum Orbem admetiris. & cum ipsum in triumphali veste, purpuratum auratumquæ. Quid censes? donis magnis capi me? non magis quàm numina (si comparare fas:) quæ vt voluntatem solam in oblationibus metiuntur, sic ego. At ea in te magna: & idè munus tuum iure mihi magnum. Vtinam hic quoque animus aliquà tibi liqueat / in quo acris flamma, sed per nullam occasionem erumpendi, adhuc clausa. Quod vereor, mi Orteli, vt breui quoque vestræ vrbi sit. Quæ enim istæ pontium moles, quas audimus? aut quid parat nouus ille Xerxes? Non ego (a) κέρχῳ σαίνων, cum Aristophane: (frustra in aliis

a Immersa mensura.

a Causa bladiens, sine adulans.

aliis castris) sed maior & prudentior opinione nostrâ ille Princeps ? Hoc ipsum opus quanti animi est ? prisca & Romani . Ac compedes profecto Poliorcetes ille iniiciet indomito vestro Scaldi, nisi quid subueniant filij isti Neptunini. Batauos & Zelandos dico. qui tamen lentè accurrūt, nec vt ad socialem flammam. Heu κρατὴρ κακῶν: & falsa vobis vita, si aufertur hoc salum . Quid suadeo igitur ? fugam. sed non ab vrbe, mi Orteli, aut solo patrio ; tantum à vulgo. Ad Constantiæ nostræ asylum te voco, & ad arcana illa Sapientiæ templa. Cuius tectum si semel subis & penetras, tectum ego sacrumque te habeo ab omni vi, ab omni hoste. Salus missa à Dudithio, Cratone, Monauio, mihi grata : quæ tres stellæ in vnâ iam vrbe, valdè illustrât Germaniæ illum tractum. tu quoque à me remitte. Viuiani nostri poëma vidi: valdè mihi tersum & probum. Sed Itinerarium vestrum quando ad nos ? Ne preme. & quod boni prouidique patres, si tibi obsideri visum, emitte saltem hanc prolem . De (a) Chirio Fortunatiano, indagatio tua noua . adeò autem mihi ille non visus, vt nec auditus. quin ipse vltro peto, si alicunde eruis, concede vsuram. Ad Schottum nostrum scripsi. en litteras, quas mittes, & amorem nostri non dimittes. Lugd. Bat. 4. Kal. Ianuar. 1584.

a Scripsit de Impp. olim. & exemplaria in Italia edita. sed perpauca.

EPIST. LV. *Vltraiectum.*

HENRICO WILTIO. S.D.

VERE existimas. officium mihi fuit tua scriptio, imò beneficium : quia & amoris tui in me index, & diligentiæ, quam intermitteri à te in hoc otio gaudeo non dimitti. Adde amicam inuitationem tuam : cui quod hoc tempore non pareo, ab occupationibus meis est, non à voluntate. Nam animum si consulo ; reuera ambit esse isthic, & regere humanitatem vestram quam anno superiore pleno ore hausi. Sed ita conditio mea est, vt mos mihi potius alienis cupiditatibus gerendus sit, quàm meis. Impedimenta, quæ desubito mihi nata, scripsi ad Pollionem: nec hic iterum. Itaque quod benigni creditores solent, voluntate meâ sustentaberis, & illam nunc accipies in solutum. Atte,
mi

*a Sumpuosis-
sima iactura,
tempus.*

mi Wilti, hortor (quod in extrema epistola tua prudente scriptum) cogites, quàm in præcipiti cursu ætas tua sit: ne facile facturum te mensem, si in hoc iuuenili vere neglexeris facere sementem. Sementem dico, & virtutis, & doctrinæ. Ad utramque enim te voco. quod hæc sine illa, damnosa: illa sine hac, parum decora aut ornata sit. Aures tuas sæpe insonet illa Democriti, ut opinor, laudata vox: (α) πολυτελέστατον ἀνάλωμα χρόνος. Ut in flumine vnda videntur trudit, nec vnquam reuocas elapsam: sic in temporis dies diem, nec reparas amissam. Cogita, & vale. Parent tuus à me saluebit, & noster Canterus. Lugd. Bataurorum Idus Sextiles. 1582.

*a Ennius:
Versib. quos
olim Fauni
vatesque
canebant.*

In Agellio quod multus es, laudo. purus, simplex, probus in eo, & veteris comædiæ stilius: quem æmulare. Loca de quibus ambigis, pleraque & mihi ambigua. Accipe paucis ad pauca: nam ad omnia non nunc libet, non licet. Libro v. i. cap. xv. Ne si *Ælij quidem & Cincij & Satyri dicendum ita censuissent.* Cur Satyrorum hic mentio, in re sermonis prisca & desiti, tecum haud assequor. Emendem *Saturni*. Is enim in Latio: & illo rege vetus atque ignobilis sermo. Simile est, quod hic idem scriptor adfectatæ linguæ homines, fabulari cum matre Euandri ait: & (α) poëta quidpiam versus obsitos, refert ad Faunos, in Latio item reges. Aut certè, *Satrij*, gens Romana reponendi: aut, *Salij*. quorum carmina obscuræ antiquitatis non ignoras. Illud libro 10. cap. 20.

Plebs verò dicitur in qua gentes ciniuum patriciæ non insunt. obscurum mihi, imò falsum. Omnesne in plebe, qui non patricij Vniuersi ergo equites, & plerique: è Senatu plebs sunt. Cogitabo. Peccat pariter in rem & historiam hoc libro eodem cap. 28. quod è Tuberone adfertur:

Seruium Tullium regem populi Rom. cum illas quinque classes a vel Liuium iuniorum census faciendi gratia institueret. vide, qui in An enim Iuniores tantum in classibus? (α) clarum mendacium, siue potius mendum: quod tollo. Iuniorum vocationem nominatim delenda, malè & imperitè intrusa; cetera distinctione inuanda: *Seruium Tullium regem populi Romani cum illas quinque classes census faciendi &c.* Ea mens & ordo in his verbis rélique. *Seruium cum institueret quinque illas classes populi.*

Sed pro *Quinque*, *Sex* etiam verius rescripseris, è Liuius, Dionysio, aliisque. Libro 16. cap. 7. in verbis à Laberio notatis :

Præterea in Anna Peranna Gubernium pro Gubernatore. ignosco si cæcutis in hoc verè grypho. Libri vet. *Præterea manna pro annua* Lego, *Manua pro Annuas*. Hoc dicit, *Manuare* verbum nouiter factum fictumq; à Laberio, pro *Annuere*. *Manu* videlicet vulgo & inuimus & annuimus, alioquoque schemate. Hinc natum poetæ verbum.

EPIST. LVI. *Antuerpiam.*CONSVLIBVS ET SENATVI
ANTVERPIENSI S. D.

NOBILISSIMI & Amplissimi Domini. Munus accepi, non meo munere, sed splendore vestro dignum. Pretium in eo respiciam siue artem; omnia eiusmodi, quæ animum vestrum abundè declarent, & quæ me deuinciant noue vincolo. Cuius si non soluendi, at laxandi saltem aliquo genere officiorum, vtinam facultas mihi vnquam sit! Intelligetis profectò æstimare me munera posse, & accipere: non tam propter ipsa, quàm eos qui adfectu tali deederunt. Ingenue dico. Aurum illud aut argentum nihil me mouet, aduersus talia satis firmum: mouet prolixa hæc vestra humanitas, quæ omnia non impetrare solum à Lipsio potest, sed imperare. Valete Amplis. Coss. & Senat. vrbemque vestram regite inter hos fluctus, præeunte & gubernante supremo illo Nauclero. Lugd. Batauor. 6. Idibus Ianu. 1584.

EPIST. LVII. *Lugd. Bat.*

PHILIPPVS MARNIXIVS D. LIPSIO
suo Salutem multis am precatur.

DIVINVM tuum mi Lipsi De Constantia librum & legi, & per quàm auide hausi. Moriar, si quicquam
VN.

vnquam legerim venustius, quicquam præclarius, quicquam quo fuerim affectus magis. Ita & Theologiæ arcanum aperit syncerè, & veræ Philolophiæ adyta recludit eruditè, & animi solatia proponit luculenter: vt in vno De Constantia libello, virtutum omnium chorum, venustissimum Musis permixtum, videre mihi videar. Beasti me hoc munere, mi Lipsi: & multis quidem nominibus. Ego tibi hunc tuum librum immortalem fore spondeo. Tu quo cœpisti pede feliciter perge. Quem polliceris librum Thraseæ siue De Contemptu mortis, vide ne diutius differas, vel si iam est editus, ad me mittas. Etsi enim sum occupatior, & quidem rebus grauioribus quam vel genius vel ingenium meum ferant: nullum tamen tantum negotium hoc mihi adimet otij quod tuis legendis impendam. Si per otium dederis ad me interdum litteras amoris tui erga me testes (etsi haud habet teste opus qui mihi est exploratissimus) feceris longè gratissimum. Et ego tibi mutuo literarum officio vicissim respondebo. Quod si in hanc urbem te contingat venire, vide ne id me fiat insalutato, imò ne alio quam meo vtare hospitio. alioqui scito te non laturū impunè Velle mi Lipsi, & me tui iam antè multo amantissimum, etiam (si potest) amantiozem factum, amare perge. Antuerpiæ 19. Decemb. 1583.

EPIST. LVIII. *Amstelrodamum.*

MART. LYDIO S. *misso.*

NEC epistola tua quidquam mihi potuit accidere gratius, nec admonitione siue censura. In vtrâque amor tuus elucet: in hac magis. quam nisi liberè in amicitia admittimus, tollimus pulcherrimum eius fructum. Ego de meo sensu noui & adreſtor, libentissimè me sicubi deflexi, non corrigi solum sed corripi: certè cum de animo mihi constat corrigentis, quem totum candidum purumque in te scio, mi Lydi, & famæ ac salutis mee amantem. Itaque nec excusatione nec tergiuersatione ista opus: quod (verè dicam) gratiam admonitionis corrupisti in parte. Ego enim me ab amicis non blandè amari velim, sed forti-

per, id est, ut viris ac sapientibus est dignum. Sed de no-
ad verba illa pagine 66. (a) Constantiæ meæ sententi-
meam breuiter sic habet. Cum ea scripsi, ad peccatum
ad malum respexi: quod Deo sanciente & præscribente
uenire, durum mihi videbatur dicere. Fateor eam vim
de Providentiæ diuinæ, ut nihil in minimis maximisque
ueniat quod à filo illo non pendeat: tamen cautione cauti-
simam in verbis & effatis adhibendam censeo, vulgi in præ-
scriptis causis. Itaque Damasceni verba hoc sine adiunxi. Nam
ἐν προνοίᾳ, πρόνοιαν προρισμῶν, ratione quadam distin-
guit ab hominibus, & causa hominum non ignoras. nec te-
nere dixerim, Peccata euenire Dei præfinitione. Nec ta-
men certamen hic mihi vllum tecum. sed rem altam, intri-
catam, & vereor ut homini semper obscuram, sic expli-
co. Definitum à Deo omne agnosco, quidquid euenit: tre-
vido tamen dicere, peccata ipsa, quorum fontem à sola ma-
la voluntate nostra esse censeam, suprema illa voluntate
permittente. Exempli causa. In Tarquinij adulterio, in
adibus ab Herode innocentum, duo specto: factum ipsū,
& crimen. Factum à Deo definitum fateor, & comprehen-
do sub fatali illa lege: crimen, quod soli voluntati inhæret,
non videor fateri posse, sine iniuria Dei. Causam omnium
rerum diuinam voluntatem statuo, omniumque euentu-
um etiam si mali sint: at non causam causæ mediæ, quo-
ies ea mala. Alias quomodo effugimus, ut non auctor ille
ut mali? ut non adprobator? Itaque ea quæ ex (a) Actis
pulsissime adducis, huc accommodo. Mortem Christi de-
terminatam ab æterno, prodicionem Iude ab æterno, media-
re omnia quæ ad salutare illud opus ferrent: sed non cri-
mina adnexa ipsis factis, quibus fundamentum in impla-
ntum voluntate. Quod si tamen satis habemus genera-
ter & vniuersè dicere, omnia non præscita solum à Deo,
sed præscripta, hoc respectu quod illa ipsa facta sine peccato
euenire non potuerunt: ego non pugnaciter pugnauero,
fatebor fortasse (cum omnia examinauimus) vim hanc
necessario iacere cathenæ illi & nexui Providentiæ immortæ
eternæ: sed diseri tamen ea in vulgus, periculi inuidiæ quæ
existimem. vulgo autem scriptus meus liber. Ha-
beris strictim mentem meam scripti. Tu si quid aliud obseruas

a Lib. I. cap.
xx. *Vdis, nō
coegis: scimis
nō saxis. &c.*

a Acta A.
post. ca. II.
vide.

aut si quid etiam est in quo ambigis, valdè à te peto ne me celes. Non delectabunt me solum eiusmodi iudicia & incerticia, sed docebunt. In istis ipsis quæ nunc scripsi, si quid aberro, dirige. Reipsa videbis, me non admoneri solum posse, sed emendari. Libens enim quidquid aut malè aut obscurè dictum erit, retractauro, illustrauro. De misso ad me Heroldo, habeo gratiam. remittam cum fide, videro. Quamquam de Germaniâ Taciti, nescio an hac editione emoliar accuratè. Occupationes, & valetudo, & Typographi festinatio, sæpè nobis impedimento. Quod pag. eiusdem Constantiæ meæ 131. in margine positum est (a) *Davidis adulterium*: facillè obseruasti peregrinationem esse meæ mentis. Itaque velim pro ea nota hanc in libro tuo substituas, *Quà populum ambiciosè recensuit*. quod alibi etiam monui. Vale. Lugd. Bat. 13 Kal. Decemb. 1583.

EPIST. LIX.

Antuerpiam

CORNELIO PRVNIO S.

ex animo precor.

LIBROS hos de Constantiâ cum ad Senatum vestrum Vir Clarissime, mitterem: valdè peccassem, si non te vnâ. Nec enim Senatus solum ipsius magna pars es: sed & mei. qui amo te, qui abs te amor: nec cum Antuerpiam veni. facillè pectus reperio magis promptum in me magis prouum. Addo & causam tertiam, quia prudens & doctus, cuiusmodi lectore, imò iudice, opus mihi in uito hoc scripto. Parum enim adhuc tritum istud ad Sapientiam iter: nec scio an ipse id peragrauerim usquequo que pede recto. aut si; an aliis videbor. Seculum enim mores non ignoras, quamque in re quæ Pietatem tangit varij hodie sensus & dissensus. Non sententia, sed verbum aliquod à calente calamo anceps fugiat: ecce calumnias subitus & magnus ignis. Quæ causa abstinuit me, fateri ab altiori initu in sacrarum illud rerum mare. quod materies alioqui & ingenij ventus vocabant: sed repressit hic timor, & ad nauigare iussit litus. Elephantes auiam, etiam

libus impensè dilectentur. haud temerè tamen eos ingre-
di, cum insciji sint natandi: idem in Theologiâ mihi.
quam amo, quam æstimo, & tingo salubribus eius aquis li-
bens animum, non tamen mergo. Quæstionum enim vor-
tices illos horreo: iisque ne inuoluam, adfideo & obambu-
lo saltem eius ripas. Et hinc tamen haurio & ex tuto su-
mo, quæ ad animæ meæ vsum. Nam acumina aut diserra-
tuncula quid iuuent? Quod ille de virtute censet, temerè
esse non verba: iustius ego de Theologiâ. cuius verum
seriumque finem scio, Vitam. Vt melior, non vt doctior
sum, sacra illa volumina tango: vt pectus instruam, non
vt acutam mentem. Procul a me isti, qui alti & subnixa ambu-
lant, (a) *μειζωτέρα ἢ χρὴ ἀνθρώπων σοφίαν σοφοί*: quic-
quod Socrati obiectum olim, *περιεργάζονται ζητῶντες*
τὰ τε ὑπὲρ γυνὴ καὶ τὰ ἐπὶ βραχέα. Et cum omnia tamen
subtilis ingenij alâ peruolarint; miselli, præteruolant ipsi
sestè. Reliqua sciunt: illud vnum quod scitu necessarium est
nesciunt, vt se sciant. Sed hos mitto. te Vir amiquissime
quæso, vt gratum hoc munus animumque nostrum habe-
as: & istum ames, illud examines, quo sine præcipuè scito
à me missum. Siquid alibi aliter dictum: hoc magis mihi a-
micus, quò liberius monueris, quia inter eos ego qui labi
& errare possunt, sed & inter eos qui resurgere & emenda-
ri. De Amplissimi Torrentij valetudine & statu, gratum
mihi si per te cognouerò. Iure nobis carus, carus ille vir.
Vale. Lugduni Bat. 18. Kal. Nouemb. 1583.

a *Maiores.*
quàm pro ho-
mine, sapien-
tiâ sapientes.
b *Satagunt*
inquirentes,
c *que terrâ*
infra & qua
celum supra.

EPIST.

LX.

Leodium.

DOMINICO LAMPSONIO.

Leodiens. Episcopo & Principi.

Secretis. S. D.

DIV. est cum scripturio ad te Vir clarissime. sustinui me,
dum scriptum illud promissum exspecto, materiem sci-
et vberiorum respondendi. Nam lata & læta illa e-
pistola, quid ferè aliud habet quam adhortationem &
laudem?

*a è precordi-
vri penetrati*

laudes? Quæ amplector vtraque, quia in iis amorem tuum agnosco, sine labe sine fūco. Non merui, quid refert? hoc ipsum delectat, talibus viris & iudicibus meruisse videri. Non enim fallacia tua verba, sed prompta è pectore, & ille ait (a) *καὶ φρενῶν मुखῶν*. Itaque calcar mihi addidit ad decurrendam reliquam hanc viam: quod detrahunt mihi sæpè iudicia quorundam, qui *δολόγων*, vt volunt *παίδες*. Misceri enim hæc nolunt: & satis esse puram illam à Christo doctrinam, sine mixtione vlla Sapientie humanæ. Nec acriter iis sanè pugnem: nisi quod nescio quomodo apud homines vim aliquam habeant & iuvent etiam ista externa. Quis veterum Theologorum Philosophiam spreuit? vsurparunt imò & Græci & Latini, sed sub quodam fine. Ego ex vsu non iuventutis solùm nostræ, sed generis humani putem, trahi & conduci omnia ad metam hanc pietatis: modus teneatur tantum, & vt hæc diuinitatibus seruiant, non vt contrà. De amphitheatro philosophum aliquid nuper edidimus: & exemplaria mitti iussimus ad Clariss. Torrentium vnà tecum. Nunc feriamur: nisi quod Taciti Commentarium recensemus, & in quibusdam refingimus, sed leui manu. Ximenio tuo, imò nostro, velim à me multam salutem dici, quem virum olim pænè pueri Coloniz vidi & audiui, sed nunquam pernoui. Doleo, & excitator non in amorem solùm eius; sed amplexum: in multa à multis audio de sincerâ illa & doctrinâ & pietate. Tu si mihi interpretes & conciliator amicitiz illius es, magno me beneficio deuinxeris. Otho Venius à nobis abijt, sed inuitis: insignis moribus & arte adolescens, & cuius maioris vsui mihi esse poterat ad multa Antiquitatis illustranda. Eum commédatum tibi, tamen commendo, etiam me quem scire certò debes tui ex animo amantem. Salutat I. Doufa. Lugd. Bat. Prid. Kal. Iun. 1584.

EPIST. LXI.

Hagam

TH. LEEWIO *Consiliario* S.D.

HAVTENVS noster ad te venit: cui vtinam ego comes / Sed valetudo validè vetat: quæ semper anceps, nunc

nunc acerba, tenec ligatque me domi. Alioqui in votis mihi prorsus, te videre, te solari, & officium exhibere quod cuiusmodi tempora exigunt ab amico. Litteris id feci antea: sed nescio quomodo momentum hic magnum habet frons ipsa & ipse vultus. Euripides non vanè mihi visus scribere. Non serenitatem nautis gratiorem in tempestate aduenire, quàm lugenti amico, amicum. Sed & hoc breui, ut spero, fiet. interea mi Leewi, firmare quæso paullum, & frigus illud tenebrasque dolorum calface & illustra ad Rationis solem. Ante omnia nouitatis opinionem hanc exue, quæ luctui tuo mala faulrix. Miserabili, inquis, genere mortis periit, & quod luctu municipium omne nostrum compleuit. Scio, & adfectu adspectuque primo ipse misereor. sed hic quoque paullum te attolle, & secerne à vulgo. Quid illud miserabile? cum omnia circumspekeris, Mori. Varia ad illam metam via fert, cluosa, plana, breuis, longa eadem tamen omnibus quies, cum peruenère. Tua per difficilem partum, & velut per nimbos fluctusque delata est in Beatum illum portum: delata tamen. & præteritus labor adeò non grauis illi nunc, etiam gratus. Tu tantum ne misereare, imo nec mirare. Scilicet id genus Fati non cadit in hunc sexum? non communis ille omnium prægnatium timor? Imò non crebriores alios sermones audias, si in confessum aut conuentum venias muliebrem. Attamen hic nostrum omnium error: cū triste aliquid accidit, etiamsi non nouum, habere id ut nouum. Per circumstantias quasdam augemus, polimus, & velut fucum ac lenocinium circumponimus dolori. Scilicet ut pulchrior in oculis appareat iustiorque. Peruersi mortales! contrà oportuit: & in omni casu oculos flectere ad communem dispersamque legem. Non Hagam solum aut Batauiæ hunc angulum intueri, aut quid pauculis tibi annis gestum sit: sed diffundere cogitationem per sola hæc terrarum. Conditionem tibi pono. Iure non lugebis solum, sed indignabere ut in nouo fato: nisi alibi terrarum hac ipsa hora idem ille aut acerbior casus. Et tamen cur peregrinè? reperies exempla eadem, si quæres in finitimis istis locis. Quamobrem exsurge, & contra leuia ac lusoria hæc Doloris arma, arripe vera.

Quid vita, quid mors, quid fatum sit seriò cogita: scio placari posse implacabilem etiam dolorem. Quid enim hæc vita, quam eripi lugemus? ludibriorum scæna, miseriarum mare. per quod ut maximè ex voto tibi feratur navis; tamen in multos scopulos impingas, multis vadis obhæreas necessum est. Quid ipsa mors, quam timemus? requies, gaudium, & vira trita. aut siquid in ea mali, mali tantum. Quid miseraris traductam ad hanc, optimam matronam, & per Fidem salutis velut certam? Iam Fatum quid? æterna, ab æterno, in æternum, dei lex: quam adeò non abrogare fas, ut nec obrogari ei liceat aut derogari. Si ab æterno & immobilis: stulte, quid cum Necessitate pugnas? hoc vnum vinctus, ut pluribus plagis contusus vincare, Si à deo: impie, quid quereris? Culpare non potes aliquid malum aut acerbum in eo & ab eo qui Bonitas & Benignitas totus. Naturam eius si exprimere voles, non melius aut magis propriè expresseris quàm per eas voces. Mortua igitur tua est? debuit. illo tempore, illo fati genere? debuit. Lex ita lata: quam frustra sollicitant & exagitant acumina hodie ingeniorum. Non enim mouebunt. Quin nos, qui sapimus parceremus potius; & quod necessariò patiendum est, etiam libenter patiamur. Leuamentum aliquod miseriarum esse non reniti. Cur autem renitamur? Non Deus solùm est qui ita de nobis statuit: sed & pater. Salutare igitur, bonum, prosperum: quidquid sensibus oculisque nostris alter videatur. An illicuræ aut amoris nos esse non putamus magis quàm nos nobis. Sed & pueris parentes multa præter votum imponunt, idque tutelæ aut salutis causam tem ille nobis. Hæc mi Leewi seriò discute & bonâ fide leuaberis, si ostium pectoris semel Rationi aperies, remoto repagulo isto vulgarium opinionum. Plura me Hæc teni discessus vetat addere: iubebat tamen amor, qui magis mihi in te semper & sanctus. Vale. Kalend. Martii. 1585.

EPIST. LXII.

*Londonium.*AMICO *cuidam* S.D.

FRASCI debebam mi * *, si possem. Tu ne ut iter vltimum susceperis non dicam sine comite me, sed sine consilio: Hoc verum fuit? Pectus tuum roga, non dicet id esse pro veteri illo & fido inter nos amore. Caput meum hoc tango & testor, nullum mihi caput carius fuisse tuo. Quid autem suspicer? arcanam aliquam causam huius consilii fuisse? non inquirō. & si ea aperienda mihi non fuit totâ fronte, saltem vestigiis & sub personâ ostendenda. Ego te in meis rebus tale aliquid nunquam celassem. An subitò hoc tibi natum, & per mortem vnius illius viri? Hoc potius credo, quia reuera causâ tibi temporanei alicuius secessus hîc non iniustâ. Noui collegas tuos, scio quibuscum res & consilia miscenda fuerint: homines & actiones, parum ad tuum stomachum aut ad nostrum. Interea tamen (quæso hoc volens audi à volentissimo tibi amico) nec nos omnino eam rem celandi eramus, nec certè vxor: quæ misera se afflictat. Quamquam nos solamur & erigimus: certi, non aliud latere sub hoc instituto tuo, quàm secessum aliquem ab his turbis. Tamen mulieres nosti (etsi tua sanè prudēs & mariti ex animo amans,) & linguas siue malas, siue vanas. Quibus, oro te, in tempore medère: & ad nos redi, qui manere tecum parati, abire, perire omnia, ut ferent res & tempus. Quæ enim tibi causa eximij alicuius consilij aut singularis? Confusio hic & discriminè? Scimus, sed & animū tuū nouimus nihil horū metuentē. Deniq; inter homines istos dū viuimus; obsecro vitam etiā instituamus humanâ hac & communi viâ. Pax aut bellum erit? communiter consilium aliquod capiemus, quod paci huic attemperemus siue bello. At ego tanquam serid scribe, & quasi monendus mihi sis, quem liquet vsurpasse hanc profectiōem animi causa, etsi cum angore aliquo tuorum. Quibus etiam, mi * *, consule. & ad suauitatem conuictus illius nostri redi, sine quo tenebræ nobis in mediâ luce. Verè dicam etsi vulga-

riter, Vita sine te nobis non vitalis. Res adhuc hic quiete
sed Brabantia tamen & Flandria raptantur, ut audire
credo etiam istic. E Gallis litteras iam bis accepi, & qua
dam in iis noua, uti De Re accipitraria carmen, subtilis
nouitiz inuentionis. Veni & vide & (quod Constantia
tuam meamque decet) ride. cur enim non spernamus he
circumfusa & externa, iure iis altiores? Nobiliss. W. Phi
lippum Sidnæum, & Dierum, si vides, saluta à me quæso
& iis indica, per te stetisse quod eos non viderim tecum
Certè enim inuitis meis omnibus iuissem. Tui valent. Va
le & tu, & fac ut breui te videamus expectatum. Saluta
te Hautenus noster, qui hilariter herè apud me in prandio
fuit ad funus Melonis. Inuideas illis exsequialibus epulis
si in tam albo pectore liuor. Lugd. Bat. x. Kal. Septemb.
1584.

EPIST. LXIII. *Lutetiam.*

AVGERIO BVSBEO VIO

Cæsaris Legato, S. D.

PERIISSE litteras meas nuperas ad te, minus doleo,
quod de officio meo saltem tibi constat. Nihil enim in
iis magnum aut serium. hoc tantum, adfectus mei & cul
tus significationem continebant: quem à iudicio suscep
tum, constanter seruo. At tuæ istæ litteræ, quàm mihi
gratæ, & in medijs his molestiis iucundæ? Præter enim
amorem (qui largiter apparet) etiam grauissimi testimo
nii tui pondus continent & iudicii de meis scriptis. Quod
amo magis, quàm probo: quia mihi virium mearum con
scijs & modicæ laudis. Fuimus his septimanis aliquot in
Taciti Commentarijs resingendis, & nouis quibusdam
attexendis, ut videbis. exemplar enim Antuerpiâ iussu
mitti: si tamen commodè id poterit per has turbas. Nam
caput illud Belgij à corpore nostro semi-auulsum. Re
pas obsident, & tormentis aditum nauibus arcant: et
si nauæ adhuc perumpunt. Nobis mutatio non impen
det iam, sed adest: faxit ille Deus ut in bonum. Quamquã
hæc sunt illa, aduersus quæ Constantia nostra nos armauit
quæ hoc

hoc saltem mihi profuit, quod ab eâ descriptione impressum
 animo meo aliquod robur. Plures hic imperant. nec vidi e-
 um rem benè vnquam cessisse in bellis. Discidium etiam a-
 nimorum prælagio, & motus fortassis in ipsa plebe. Nobis
 tamen decretum patriam non mutare, si mediocris aliquis
 eâ status, si nullus, & si confusio tantum & raptus: quæ-
 runque terra dederit nobis aliquam sedem. Nec enim libe-
 ri prægrauant, & sola mihi vxor. Ianum Gulielmum com-
 mendaueram tibi superioribus meis litteris, adolescentem,
 si quid video, probi iugenij, animi, iudicij. Ei si quid benig-
 nè facere potes aut dicere, quæso ne grauère. Ex ista iuue-
 nute non est alius, de quo melius sperem. Itineraria tua
 Plantinus si accipiet, edet. nos quaecumque augmentum
 quidè expectamus. De Thrascâ meo poliendo cogitabam,
 vereor vt tempora permittant. Quidquid tamen ea per-
 mittent, mihi certum conferre ad hanc meliorem curam:
 & quod in me est, fugitiuas virtutes retrahere in nostrum
 auum. Valdè me huc incitat etiam tua admonitio, & vo-
 tum, quo honorificè nimis epistolam tuam claudis. Vale.
 Ampliss. Domine. Lugd. Bat. 10. Kal. Septemb. 1584.

EPIST. LXIIII. *Leodium.*

LÆVINO TORRENTIO

V. amplissimo S. D.

ATA Salus aliquando seriò me respiciat (nam hætenus
 quidem adit, abit, & vacillat) vt mihi insigni gaudio imò
 robori sunt tuæ litteræ tam amanter ad Plantinum de me
 scriptæ. Te noui, me noui: & hoc scio, hunc tam prolixum
 adfectum non meruisse à tali viro. Quid dicam? me meaq;
 offerrem & addicerem, nisi iam pridem addicta tibi, nexu
 quidem & vinclo quod non nisi atra mors rumpet. Com-
 mentariunculus nostras semestris hic morbus valdè tarda-
 uit, morbus, qui per interualla duxit me ad Fati limen, &
 reduxit. Nec nunc optimè: etsi in optima spe, vt medici vo-
 unt, & iam in abscessu atque inclinatione sit morbus. Abs-
 que eo, iam & Suetonium meum haberes (meum? imò ve-
 rè

rè tuum, cum tuo integro Commentario, meis tantum ad
oram Notis: præterea vorum tibi & dicatum:) & Dialogos
nostros De Recta institutione iuventutis, quibus sermonis
partes do Philippo Lanoyo & Papio nostro. Amo enim &
amaui rectissimum ingenium adolescentis, dignissimi hæc
vitæ, nisi meliorem ei Deus destinasset. Plura iubet amor
meus, imò ardor: vetat languor, & serum hoc diei, quo lit-
teræ tuæ cōspectæ nobis. Excusa. & apud Dominic. Lamp-
sonium item nostrum, cui eis paucos dies vbertim scribam.
Officij enim aliqua cessatio apud me per hos menses; non
amoris: qui mihi æternus in tales viros. Vale, & salueat
me Læuincius tuus. Lugduni, vt volunt, Batauorū. Postrid.
Kal. Ian. 1585.

EPIST. LXV. *Lugd. Bat.*

BONAVENTURA VVLCANI, *Vir,*
& collega amice,

CALLIMACHVM, Bionem, Moschum, iam nunc à te
accepi: vno partu trigeminos, rarum & felicem in-
genij tui factum. Publica causa (verè dicam) tibi
debeo: priuata magis, quia duos ex ijs mihi inscribis, hoc
est, immortalem me facis, quo quid homini ab homine
maius dari potest? Viuēt enim amœnissimi poëtæ illi, quā-
diu Musæ: & cum ijs tuus labor: & cum labore tuo meū no-
men. quod Musæ o illi peplo intexuisti amica & docta nimis
acu. Gratias agam aut habeam? referre malim. & tamē ver-
bis quoque nunc dicam, sed paucis & fidis. Emptum me ti-
bi hoc munere; mancipio tuum. & addo improbi homini
priscas illas voces, sed probè & sinceriter: *Quid concupiscas
tu videris: quod concupiueris, certè habebis.* Libros nouitiorum,
quos è diuite bibliotheca tua prompseram, per hunc pue-
rum recipe. De ꝑ ꝑ Collectaneis iudicium quæris: illud Lu-
liani scitum profero. (α) ἔγνων, ἀνέγνων, κατέγνων. Ma-
gis ad gustum meum Conuiuialia Stuckij, ex eādem gente
non ab eādem mente. Firmiora hæc omnia & lectiora. De
Sigma, quod obiter quærebas & videras, ille nihil noui: for-
tasse

Vidi, legi,
damnaui.

tasse nunc ego. Nam quæ in Antiquis scripsi, vacillantia
 aut falsa. Non enim Sigma antiquis Biclinium propriè, vt
 sensi ego. non diæta aut cænatio tota, vt Cælius: non mē-
 sa ipsa, vt Brodæus: sed nisi fallor, certa in cænatione pars
 seorsum erecta & exstructa ad recipiendum lectum. idq; he-
 micycli aut lunata forma, qua littera illa Græca passim ho-
 die in lapidibus & priscis libris. Suggestum, inquam, quod-
 dam ligneum (siue qua meliore materia, non impedio) se-
 mirotundum: in quo perpetuus vnus lectus, ad sex septem
 conuiuas recipiendus. Quod velut dimidiatum triclinium
 repertum inferiore æuo, ad facilem & magis aptum vsum.
 Ab Apuleio hic mihi prima lux, & à me illi. De Psyche, libro
 5. Visoq; statim proximo semiroundo suggesto propter, instrumen-
 tum cænatorium rata refectui suo commodum, libens accumbit.
 Non nominat Sigma, fateor: sed auribus oculisque ingerit
 quasi nominasset, ita clarè Semirotundum suggestum ponit,
 & Instrumentum cænatorium appellat. quid capere aliud
 est, quàm hoc Sigma? Triclinij enim certè non illa forma.
 Radium mihi etiam aliquem, etsi à tenebroso æuo scriptor,
 allucet Ditmarus Episcopus lib 4. Chronicor. De Orthone
 Imperatore; Imperator, inquit, antiquam Romanorum cupiens
 consuetudinem reuocare, magna ex parte iam suis deletam tem-
 poribus, multa faciebat quæ diuersi diuersè accipiebant. Solus ad mē-
 sam quasi semicirculum factam, loco ceteris eminentiore sedebat.
 Quod libens item rettulerim ad Sigma: sicut illud ad prin-
 cipalem morem, quod solus, quod loco eminentiore. Sed
 mensam ipsam ad Sigma, lunatâ item formâ fuisse hinc dis-
 cis, parte dico ea, qua conuiuas rangebat: nam illa: qua ali-
 os, fuerit linea sanè recta, ad ministerium & adstitutionem
 puerorum scilicet aptiore. Et quanquam de mensa hic Dit-
 marus: non tamen eam solam venisse in id nomen (erudi-
 tissimo Brodæo scriptû:) peruincit Sidonius, qui in his ver-
 bis discriminat clarè:

Non tibi gemmarum ponentur prandia mensis,

Assyrius murex nec tibi sigma dabit.

Ita omnino lego, non *Signa*, vt vulgò. Idem alibi nominat, &
 ostendit duplex fuisse, Æstiuum & Hibernum.

Cominus aspicitur vel prima vel extrema turris:

Mos erat hic dominis hibernum sigma locare.

Vbi Locandi verbum refutat item Cælius, Dietam capientem ipsam. At ea non transfertur, non locatur in turre. Cetera quæ huc faciunt, aut ego aut Stuckius iam diximus. De Antecæna etiam ambigo, quòd ad vocem, Macrobius sanè ita; sed in Apuleio & Isidoro tuo Antecænum, siue multitudinis casu Antecænia reperio. quidni rectè, quo flexu à Scæna Proscænum? Ille libro 2. sic: *Proxus gladiatoris Veneris antecænia*. Alter lib. 20. *Merenda est cibus qui declinante die sumitur: quasi post meridiem edendus & proxima cæne*. unde & *Antecænia à quibusdam dicitur*. nisi si hic utrobique Antecæna reponenda: quod haud temerè putem. Salue iterum mi Vulcani: iterumque tibi à me gratiæ, quas promam semper & recondam, habebo æternum & debebo.

EPIST. LXVI. *Lutetiam.*

IANO GVILIELMIO S. D.

SERIO ægrotabam, mi Gulielmi, tamen expressit amor vt scriberem: non miraberis, si paucis. Hepatis enim acer nec sine discrimine morbus est, qui me septimanas iam aliquot affligit: quam partem ad vitam eiusque munia principem esse non ignoras. Litteræ tuæ nuperrimæ suaves, celasti in ijs me de Epistola in Sigonium, quam missam tamen è Britannia vidi. Gaudeo conspirare te mecum: cuius iudicium super ea Consolatione credo te iam vidisse. Sed tu, sodes, cur non acrius paullò egisti hanc causâ? Debebas. & sine adpectu illius, quem nimis attollis, falsæ huius prolis patrem. Agnosco stilum, disunctum, otiosum, lectum: & illam (audeo apud te dicere) Sigoneitatem. Quid sibi volunt Itali? Transalpinos omnes esse fungos? Scilicet nemo nostrum inter oletum illud dijudicet & Tullianam myrrham. De Re Accipitraria novitiæ & acutæ inventionis carmen accepi. legi mihi iussi per hunc ipsum morbum, placuit. Gratiæ quæ so à me auctori & datori nuntia, cuius mihi laudes gratæ, eò inprimis quòd iunxit me laudatissimis illis viris. De P. Fabro: gaudeo mihi impositum. Tamè scripseram etiam aliquid ad Cuiacium. tu purga. Tacitus noster

noſter prodiſt, & nouæ ad Hiſtorias reliquosq; libellos No-
 tæ, ſed Notæ tantum. plura valetudo vetuit, & hæc turbæ,
 quæ rerum & manſionis nos faciunt incertos. Saluta Briſ-
 ſonum, Memmium, Scaligerum, & tu ſalue quidquid me e-
 rit. Conſtantia noſtra iterum prodiſt cum Præſcriptione
 aduerſus quosdam qui in *ἱστορίαις ἀρεταῖς*. Critica omnia
 noſtra imprimuntur vno volumine iunctim, quibus noua
 quædam addemus ſi valeo & viuo. Lugd. Bat. 13. Kalend.
 Octob. 1584.

EPIST. LXVII. *Lutetiam.*IACOBO CUIACIO I. C. *dico.*

SÆP E mihi de te ſermo, Cuiaci clariffime virorum : a-
 ſpud te adhuc nullus. Hoc pudor vetuit: Illud iuſſit amor
 & admiratio tui, quæ non apud me ſolum, ſed apud om-
 nes in quos ſcintilla aliqua diſfuſa lucis melioris. Et eualue-
 runt tandem hæc duo, vt abrumperem ingenitum mihi mo-
 deſtiz vinclum: & iter ad amicitiam tuam ſtruerem ſine vl-
 lis cuniculis, apertè. Perit enim procari, ſi latet, aiebat ille:
 & ſæpe iam litteris nec vnus nec vnus, ſpes imò fiducia mi-
 hi facta mutui tui adfectus. Quæ non me faller: ſi noui hu-
 manitatis veræ genium, qui ſpirat in tuis ſcriptis. De re-
 bus meis ſi in hoc aditu amicitiz aliquid quæris: cetera
 commodè agimus, niſi quod inter eos quibus rerum bona-
 rum non magnus ſenſus. Bella etiã & tumultus quibus in-
 uoluimur, fieri non poteſt quin interdum & tangant nos
 & angant. Si de ſtudijs: Commentarium Cornelianum vul-
 gamus iterum, ſed pleniorẽ, addimus enim in Hiſtorias
 & adiunctos libellos. Vrinam autẽ fas polire mihi cum præ-
 ſentis tui lima! Quia non licet, velim tibi animus otiumq;
 ſit vel per litteras dirigendi me, corrigendi. Labimur enim,
 Cuiaci, in hoc genere ego aliq̃ue: & illa tua velut propria
 lus, exacta certaq; eſſe quæ ſemel ex adyto tui peſtoris
 profuſa. Paramus etiam De amphitheatro ſeu Venatione
 libros tres, vt ſiant legitimi Saturnales quinque. Neſcio
 quid præterea in Liuiõ nuper exorſus: quod pergam detex-
 ere,

ere, si auxilium mihi paullo firmitus librorum. Duo tresque apud me sunt: sed quasi de compacto consentientes. Tu, Vir maxime nostri æui, si dignum me habes quem redames, quæ rebus item tuis consilijsque (de litteris loquor) participes, in cælo me collocabis noua apothecâ. Ios. Scaligerum quæ scio me tantum amare quantum tu, & quantum te, (liberè enim addo.) ex animo salutes velim: cuius libros De Emendatione temporum auidè expectamus. Nisi ambitiosum sit, includam in eandem salutem magnum Brissonium, Puteanum, Fabrum, Pythæosque, viros clariss. & idèd mihi quoque fama notissimos. Amare autem liceat, si potiri non licet. Vale Vir Clariss. Lugduni, vt volunt, Batauorum. 3. Non. Octobris.

EPIST. LXVIII. *Hagam.*

TH. LEEWIO *Consiliario*, S. D.

DISTVLI ad te scribere, Vir clarissime, non libens. Morbus meus hoc fecit, qui non sine discrimine etiam nunc me vexat. Ego fero: & æquissimo animo expecto illum diem, quo Imperator hoc corpore, imò carcere me soluet. Obstructiones sunt quæ me tenent, internæ inflammationes, nescio quæ arcana alia symptomata: ad quæ medici ipsi trepidant & caligant. At non ego, scio hanc legem vniuerso humano generi datam: nec magis mirum aut nouum mori hominem, quàm nasci. Denique quid est quod in sæculo hoc me teneat aut delectet? Publica vide. pessimè habent. Priuata. etiam in ijs suæ cruces. Melonem nostrum tibi gratum fuisse, mihi gratum. Sanè bonos & eximios aliquot habui hoc anno. sed quid ego, velut Tantalus sitit inter suas vndas, esurio inter medios melones. Nec gustare quidem mihi fas ob hunc morbum. Constanthiam nostram recudit Plantinus. pauca mutata aut addita: præter Epistolam, quam videbis. Exemplar Latinum Seb. Gryphio nostro dabis, cui ex voto debeo. Belgicum vxor tuæ seruiet: si tamen hæc ad sapientiam illius sexus. Sed tu, si tanti est, interpretando iuuabis. Ego te illamque saluere

saluere ex animo iubeo. nam longior scriptio mihi non facit. Valete vterque. Leidæ. 9. Septemb. 1584. hodie paullo rectius valere visus sum.

EPIST. LXIX. *Iena.*

ANDREÆ DAMMIO V. N.

S. dica.

EN mi Dammi Carmen vti petebas, id est iubebas. Quid enim verè amicus verè amico neget? Si placet, nihil debes. sine cura enim natum aut labore. Si displicet, multum. quia agnata ei infamia mea. Traducor, ut vides, & risui exponor in nouo hoc theatro. Sed est tanti, ut nomen meum minuam, dum addam aliquid ad tuum. Adfirmo enim in laudatione hac nullam laudem quæsisse me, præter tuam. Hunc animum si tibi probo, satis est: de carmine Genius viderit meæ famæ. quem hæcenus non culpo. Salue. & ad cænulam me expecta.

CARMEN EPIDICTICVM

ANDREÆ DAMMIO

V. N. scriptum,

Cum Iurisconsultus, Iena renuntiatur. 1573.

ET si me vario iactatum turbine, Dammi,
Irritaq; experium instabilis ludibria Diue,
Auocat à cætu, tristis fortuna, Sororum;
Nec dolor ad lætos passimr conscendere colles:
Atamen hoc surget carmen tibi, Callida Musa
Calliope, diuinam atq; hominum sincera voluptas,
Sen iuga te Pindi, sen te Parnassia rupes
Castaliâq; tenet iucundum unumr ab vnda;
Diue faue, tibi crescit honos. En vester alumnus
Dammius, æternis nomen memora bile charis,

VIEL.

Victor ouans, spolijs & opima letus honorę,
 Ingreditur patrijsq; nouum decus attulit oris.
 Qualis purpureo sublimis Scipio in ostro,
 Post debellatos Romanis viribus Afros,
 Victor agit niueos celsa ad Capitolia currus:
 Patresq; plebesq; fremunt, is plausus ad astra.
 Illius ingenuum percussit gloria pectus.
 Tale decus, salesq; refert de pace triumphos,
 O felix animi iuuenis, felixq; laboris.

Nam quāquam prisca superant tibi nomina gentis,
 Clara per Albiacos populos quam fama perennat:
 Tu tamen antiquo generis contendis honori,
 Et lucem accipiens, illis reddis quoque lucem.
 Tu primum, vt tener, creuit tibi robur ab annis,
 Inclita Palladię aspiras ad premia palma,
 Et statuis magnis non magna exordia rebus.
 Actior hinc te laudis amor rapit, ardua cūta
 Linquis, & externis virtutem queris in oris.
 Sic regna animi, volucres cū crescere pennas
 Sensit, & incertuos durefcere fortius ungues:
 Liberius sectatur iter, trepidaq; parentis
 Officium dedignatur, nidusq; relictis
 Auolat, & liquida plaudens lasciuia in astra.
 Non Ithace duarum posthac mihi iactet Vlysses
 Ignotis multū quamuis erraueris oris,
 Quā venit exorrens, quā Phæbi deficit ignis:
 Suiq; iter illius, tua dum sit gloria maior.
 Viderit incultos Lestrygonas ille vel Aetnā,
 Cymmeriōn populos & cāpos luce carentium:
 Te Dubi, Rhodanusq; celer, te Sequana flauus,
 Te vidit gelidis in montibus Apenninus,
 Annibal infuso quā rupes fregit aceto:
 Te Tiberis pater, & viridi te Mincius vmbra
 Obstupuit, Albiq; suos inuidit alumnos.
 Hic tu perpetui penitus sublatius Honoris
 Per Phæbi Charitūq; hortos, per dædala prata
 Musarum, æterna decerpisti fronde coronam.
 Non aliter molles Venetus mercator ad Indos
 Aus septem geminis penetrans rapida ostia Nilis.

Quicquid

Quicquid Arabs, quicquid missis Panchaia dines,
 Ventulis ad patrios spolia inuidiosa penates,
 Mirantur gazam ciues, Eoq; regna,
 Mirantur vestes, & munera squallida ab auro.

Mox et clipeosa ceperunt mania Iene,
 Quae Romanarum infudit mysteria legum,
 Iustitiaeq; dedit sacrum scandere collem:
 Unde tibi errores hominum, & ludibria vulgi
 Despicere, & varios fas sis componere motus,
 Inflammare pios & refrenare furentes.

Felix iustitiae munus, date candida ciues
 Lilia, purpureasq; rosas, date thuris honores.
 Te, Dea, te cumulem donis, se munere mactem.
 Nam tu sola potes, concussi in fluctibus orbis,
 Cum Fas atq; Nefas eodem dignantur honore,
 haecq; pudorq; perit, tranquilla pace iuuare
 Mortales, per te quoniam sua praemia iusto,
 Et sceleri mala poena venit. Te terror & visor
 Carcer, & horribili sequitur mors dira flagillo.
 Te Virtus comes, & diffuso Gloria vultu.

Tu sola aeternam capiti das Diva coronam.
 Quae damnosae persenij, tua tempora, Dammi,
 Ambiat, insigneq; nitens scintilles honore:
 Donec ad aequoreis ignotam fluctibus Arcton
 Lucida fidere radiabunt signa Corona.

EPIST. LXX.

Brugas.

VICTORI GISELINO S. D.

ITANE litterae à Victore? tandem, tandem. Quod in
 gaudio improvise, vix credidi ipse meis oculis cum lege-
 rem, manibus cum tenerem. Itaque verè scribis, pro bono
 tibi cessit peruvicax cessatio: quia in morem abiisse videbas-
 tur, & desisti flagitari. Imò praescriptio tibi iam pene pro-
 dederat (si Iurisconsultus esse vis) nisi haec interrupisset scrip-
 tio. Sed vide ut non specimen solum emendandi nobis pre-
 beas, sed re emendes: nec gustum modò, sed rectam plenā-
 que cānam. Aliās, quò arenti mihi & sitienti pauculae istae

H

guttae, si

guttæ, si venam tu iterum interclusurus es huius suauitatis. Sed non facies: quia non ultra ego facilis in ignoscendo, vel te auctore. Quod si iram etiam meam contemnes, quid? quid? Veniam, videlicet ipse, & iterum te mihi adferam subtrahens non bona fraude. Trellæo illi dii omnes benefaciant: qui adiutor tibi, ut opinor, & interpret honestissimi muneris. Sed ad carmen eius suadescere rescribam? Nec enim hominem satis noui aut mores. De schidis recipieratis, noua & mira. Sed siue illum poenitentia (non enim pudor) furti subiit: siue eum apud quem deposita: tibi quidem ex animo gratulor de receptis. Vide ut te una cum illis. Nam certe, mi Victor, indignantur iam pridem nostræ deæ desertas à te, illo militiæ suæ principe olim & antesignano. Purgas: ostende emanationem hanc fuisse tantum, alendis ingenij viribus, & velut quiete irrigandis. De Plinio, ego quidem valde sum auctor. Nec excusa, velis modò, fides mea interueniet de successu. Plantinus ædes hic emit, Typographiam instituit, & videmur effecturi ut stipendium ab Ordinibus accipiat honestum. Fortassis ea res eriget excitabitque me ad studia, aliàs sæpe languentem. Laco noster, ut audio planissimè periit: nec deseruit illum præeuntem Nemesis, etsi pede claudō. A Cuiacio benigna multa ad me & honora. Gifanij Agellium excudi audimus, quem ego scriptorem ante quatuor menses ad Plantinum miseram, seuerè & anxie correctum: curque omiserit aut dimiserit, ne nunc quidem scio. Nec quæro sanè aut curo. Nam si mens aut otium mihi, satis multa in alijs scriptoribus quæ agamus: ne eripiam hanc patri prolem, iam certè nubilem & plus quàm quindecennem. Scis quid ille semi-Italus questus de filiola sua nuper: non sine risu meo, credo etiam vestro. Quem mihi commendasti, cupio omnia, sed nihil dum ego aut Dusa excitamus. Nam de Plantino quam ei spem ostederam, profertur in eius aduētum, id est ad initia veris. Ante nihil statuerè de domo sua vult aut potest. Dusa noster Commentariis ad Petronium scripserat, nunc totus in Historia componenda suæ gentis.

EPIST.

EPIST. LXXI. *Londinium.*

IANO DOVSÆ V. N. *Salutem &
linguam opto.*

ISTA enim deest, qui tamdiu files. Vindictam talionis merebare: sed noster amor si non maior, certè acrior: provocatur, & laceffit te vltro. Valemus ego, tui liberi, tua vxor. non meæ musæ, quæ frigent absente suo Sole. Exorere. & aut vultu tuo coram calface; aut illinc saltem radios & striduras aliquot per epistolam mitte.

EPIST. LXXII. *Antuerpiam.*

IOH. MOERENTORFIO, S *dico.*

VXOREM ad te redeuntem, mi Moërentorfi, qui dimittam sine litteris? Ægrè eas scribo, fateor: sum enim in alienâ vrbe & domo: scribo tamen. siue quia debeo, siue quia valdè volo. De filioli tui apud nos obitu socer, credo, iam scripsit. Ego te soler? animo facio: verbis nunc non licet, nec opus est, si firmitudinem animi tui probè novum. Sæpe eam in litteris ad socerum adspexi, sed in alienis rebus: te illa deseret in tuis? Non opinor, præsertim cum ita placita tibi ea virtus, ut per eam Constantia etiam nostra: quam non legis solùm avidè, sed vertis. Vidi enim specimen, & probò illud vellem, plus aliquid tibi permitteres, nec vestigia vsquequaque sermonis Latini premeres pede tam certo. Arta per hanc curam versio, astricta, tenuis, sæpe obscura. Est suus videlicet cuique linguæ Genius, quem non auellas, nec temerè migrare iusseris in corpus alienum. Quàm multa Latine breuiter scripserim; quæ si totidem verbis transferas, sententia nec plana satis, nec plena sit? Quàm multa rectè & cretè: quæ in alia lingua iaceant aut vacillent? Quod ijs præsertim euenit, quorum stilus paullo magis ab eruditione, & à cura. Iam allusiones illas, annominationes, flexus, & in vno sæpe verbo imagines, quæ tam dextra mens vertat,

ut eadem vis ijs aut Venus? Exorbita igitur : & hoc erit restam in vertendo viam tenere, viam non tenere. De pecuniola Facuensi, grata tua cura. expediemusne aliquid à nummario hoc tricone? quidquid erit, tibi debebo. De cista scriptoria, ô gratum & opportunum tuum munus! planè ea egebam. gratiam tibi meæ Musæ. Tu tam benignus in nos saluè; & vide ut validum te reperiat valentula iam tua vxor. Delfis, 3. Idus Sept. 1583.

EPIST. LXXIII. *Cantabrigiam.*

GEORGIO BENEDICTI.

ET carmen tuum valdè mihi gratum, mi Georgi, & beniuola memoria mei, sed illud longè gratissimum, quòd valens & incolumis appuleris ea loca, ad quæ missus es velut ad mercatum artium seriarum. Philosophiæ dico, & imprimis Theologiæ, ad quam postremam non actiones solum omnes tuas, sed cogitationes necessum est collineare. Quæ tamen ipsa, quoniã sine pietate & puritate nulla est, caue, te quæso, ne quid labis aut maculæ trahas ex coetu iuuentutis maculosæ. Fuge illos, fuge, qui liberioris vitæ obtentu ad licentiam trahunt: quæ vna ianua & aditus ad omne scelus. Magna non frustrà nobis de isto ingenio tuo pollicemur: tu vide sollicitè, ne id deprauent prauis. In flexu ipso ætatis es: in quo si non laberis, speramus te inoffenso deinde cursu pertingere posse ad metam. Vale. Lugd. Bat. 1584. Deus te seruet, in quo & à quo omnis salus.

EPIST. LXXIIII. *Lutetiam.*

IANO GVILIELMIO meo S. D.

EGO verò Quæstiones tuas iam ante videram, & legeram cum cura. An gemmæ hæ non luceant? aut nos celerentur? Itaque non itero apud te iudicium meum, quod apud alios nusquam celo. Sitamen de altera editione cogitas,

cogitas, sunt minuta quædam quæ te monebo. Quid ni moneam? amici hoc est: & utinam id mihi iuueni factum in meis scriptis! Quamquam reuera tua iuuenile nihil spirant, matura, adstricta, grauiora: nisi quod à iudicio tuo abeo in pauculis locis. Itaque abi, nec festinationem mihi excusa, qua nihil peccas. Noster, ille noster, etiamnum Lutetia? & quando tandem videbimus in luce illas Noctes? sanè longa & difficilis satio in hoc Agello. & metuo ut acerbi etiam fructus, incusante & incurstante Oberto. Doleo, sed videor tamen de his studiis nostris posse dicere.

Δίχῃ δίχῳ ἐτίχῃ καὶ βλάβῃ βλάβῃ.

Impudentiâ id fit & scæuitate quorundam, qui perfudere animum scientia, non imbuere. Gulielmi Furnerij, ad De verborum significatione, vidimus: probum, & sine ambitione doctum planè opus. Faueo, admiror, amo. P. Fabri Ad Regulas auidè exspecto: nec inducor ut lædi me credam posse ab eo viro, non certè si me nouit. Quid tamen eius sit (nam è Coluio nostro inaudiui aliquid) liberè, ut oportet, scribe. Ego æquiter punctiunculas aliquot stili eius feram, qui sæpe me iuuat. Errico Memmio viro summo, (ita dudum sentio) meo nomine indica: scriptum ad me ab Egmondo de oblaris Notis aliquot in Tacitum. sed litteras eas tardè, imò serò redditas: itaque non postulasse eas me, habere tamen ei gratiam proinde ac si impetrassem. Dicare me ipsi hunc animum, & sine fucò amorem. Clarissimo viro Claudio Puteano, iam diu etiam laboro, ut animus meus innorescat. scio illum esse inter lumina illa Gallia: & velim valdè eum a me saluere. Sed tu, mi Guiljelmi, quid agis? quid cedis? vtenim vegetum ingenium tuum est, non cessas. Perge quæso te gnauiter in hac viâ, quam ad æternitatem tibi strauisti. De Scaligero, doleo siue indignor esse nebulones, qui conuidentur & obstrepant viro, quem non lædant (a) ἀποροῖς δῖον παῖδες ait Pindarus:) sed nos per eum, & cursum illum impediunt bene monendi & scribendi. Et quis, obsecro, ille Insulanus, qui iactat etiam reges? Me pariter morantur interdum & turbant hæ pestes. De Iohanne Merceri Nonio, gratum. vrge ut promat. Ad Augerium

a Litè parialis, noxa item noxam feris.

a Immutabilis decorum liberi.

gerium Busbequiū credo me nunc aut certè breui scriptu-
rum, cum testimonio quod tibi debeo. Nicolao Fabro, Py-
thoeis, Passeratio, multam à me salutem dicito. Vale
salutē à Doufa nostro. Lug. Bat. 15. Kal. Iunias, 1584.

EPIST. LXXV. *Noribergam.*

IOACHIMO CAMERARIO Do-
ctori Medico S. M. precor.

EXHILARAVNT me litteræ tuæ solo nomine, & a-
spectu. Grati mihi semper Camerarij, ob vnum illum vi-
rum quem Germania vestra habuit sine pari. Et tu me-
rito inter eos, cuius beniuolentiæ in me olim signa non ob-
scura. Libellum à te missum falsi Ciceronis, cum ijs quæ ad-
iuncta, accepi & legi lubens. O duram frontem Sigonij, qui
hoc pertendit! Sed sentire eum ita seriò, vix fides. Quid au-
tem ais de altero illo Riccoboni responso, si vidisti? satini
acriter & veris armis in Sigonium itur? Ait non obscure, il-
lum ipsum auctorem esse laudatæ Consolationis. Vide &
ride hoc bellum Italum, cui me non misceo. Vt quid enim?
Mihitam clarum est quàm Solem illum lucere, scriptum
hoc nouitium esse & improbæ nimis spei. Nec dissentient,
scio, docti. Sigonio ignoscere possumus, si agit suam cau-
sam. etsi metuo ne labecula aliqua ab hac re offusa priscæ
illi gloriæ. Ita sit, si quis eam non habet cum modo. Non
Tacitum recudimus, & Constantiam. in qua Notas aliquot
adiunximus, ad reprimendas calumnias quorundam: qua-
rum hoc sanè sæculum ferax. & ea re tardari nos ad nouum
aliquid pangendum non negamus. Andrææ Dudithij per
te litteras accepi: viri magni, alti, & de quo illud possim (A)
—πεπλασμένοι ἐκ δ' ἰδὲ ἑρπός. Saluet à me, & tu vnà a-
micissime Camerari. Lugd. Batauor. 16. Kal. Iun. 1584.

Efficitur ex
Ione rami.

EPIST. LXXVI. *Lugd. Bat.*HUGO DONELLE V. C. I. C^{te}

& amice eximie.

Ex animo salue. Valetudo tua, quæ tam subito mutauit, cum solitudine nostra est, imò cū angore: pænè scriperam cum languore, nec mentirer. Itane autem pertinax ille erysipelas? Ego dieculæ rem censebam, & sic olim ipse expertus. Nam memini, Ienam Thuringiæ cum venissem, illo ipso die febris arripuit: & erupit in Herpêtem, qui ostendit se infrà armum dexterum in dorso. Sola dimissio sanguinis me curauit, valdè initio anxium & pendulum ad peregrinum morbum in peregrina terra. Andræas Ellingerus mihi medicus: tunc in corpore, sæpe postea in animo, quia nihil eo viro probius, sincerius, & verè Germanius in Germania tota noui. addam & doctius; non credulis omnibus. quia nec omnes altam illam & velut in imo mentis doctrinam eius videbant, eruebant. Ego, arto & longo vsu. De salarijs veterum Doctorum quod his diebus fabulati: est sanè ita, ampla illa & larga. Vespasianus Rhetoribus & Grammaticis *annua centena* contribuit, id est, nostrum ad nummum, *aureos bis mille quingentos*. Illud tamen ex Eumenio Pro Scholis de * *Sexcentis millibus*, fidem meam exsuperat, imò & verum. Non fidus vereor eâ parte exscriptor. Quisquâmc *quindena millia nostrarium aureorum*, annua accepta referat Professoriæ suæ linguæ? euge, euge! Non tantus, vt scimus, census equestris. Frigefaciendum hoc est calidè nimis scriptum: & emendem *sexagenis millibus*. essent, *mille aurei: & quingenti*. Id quoque (nostris certè moribus & opibus) honorarium perhonestum. Habes à Critico sententiam, sed vt solemus, nō sine ferro. tu iudicabis, & valebis Vir amicissime, si nos vis & Scholam.

* Loca tamen tria sunt, in eâdem Oratione, constanter pro grandi illa summa: Primus: *Salarium me liberalissimè Principes in sexcentis millibus nummum accipere iusserunt.* & addit ibidem clarius: *Vt tercena illa sesteria quæ sacræ mo-*

morie magister acceperam, in honore privati huius magisterii addis à pari sorte geminans. Alter, in ipsa epistola Principum Denique etiam salarium se in sexcentis millibus nummorum ex reipub. viribus consequi volumus. Tertius item: Quamobrem sexcenta illa, quantum ad honorem spectat, accipi oportere censeo. Ut ambigam, & correctionem pænè sustentem. Quid enim si summa illa semel attributa, per singulos annos partitè dividenda? quod tamen nouum sit, & nimis etiam ita attenuetur. Si igitur emendationi insistimus; Tercena illa facillè & aptè mutaueris in Tricena.

EPIST. LXXVII. *Lutetiam.*

I. LIPSIUS FR. RAPHELENGIO
Francisci. F. S. D.

IAM vir es, laudo. Binas à te litteras accepi, tu à me nullas, non culpa tamen nostra (scripsimus enim vbertim nuper) sed Legatorum qui diem ex die ducunt, & more suo morantur. In eorum enim comitatu I. Esychius noster est, cui fasciculum dedimus. Valetudo nostra infirma, incerta. non etiam animus, cui fixum parère & sequi magnum illum Deum. At rumor ille falsus, qui vos terruit de mea morte. qui tamen idem Brugis & Leodij spersus ne mirer apud longinquiores Gallos. Homines de meo capite possunt ludere, statuere tantum supremus ille Princeps. Ego mortem non timere dudum didici: quia ut hæc tempora & languores mei sunt, propior sum appetenti.

*melius est
semel mori,
Quam con-
siner in
diem affligi
male.*

— Κρείσσον εἰς ἀπαξ θάνατον

Ἡ τὰς ἀνδράσας ἡμέρας πᾶσχεῖν χαλεπός.

ait Æschylus. In studiis quod pergis & persequeris, gaudeo. quid sequendum tibi, reperies in litteris meis primis. Passeratio sedulam operam dà: qui vna columna labenti Scholæ. Nam vetus sanè Parisiensium doctorum gloria valde flacuit & imminuit. Sapientiæ studia & virtutis ne omitte. Pietas tibi in mente, modestia ante oculos, & de-

mis.

missio animi: ad quam nunquam satis te hortor. Illa fundus bonorum omnium & fundamentum: nec pestis alia plura ingenia abripuit, quàm Confidentia & æstimatio sui. Tu abstine. Reuera enim quid sumus? quid scimus? Quò longius progredi in scientiæ veræ viâ, tenebras & circumfusam caligenem magis cognosces ingenio humano. De me ne labora, si quidam inuideant aut carpant. An ego eximius sim inter homines qui sunt, qui fuere? Omnes qui excellere aliqua in re conantur (non enim dicam qui excellent) statim adfluit & adussit maleuolentiæ ista aura. Cita veteres omnes, reperies. Circumspice hodie nostros. idem. Quid miraris si Marculus aliquis hoc in me faciat aut Lacon? Mihi sententia de me, non nisi apud me fertur: nec quis sim, alium rogo. Interno isto iudice si probus audiam: quid addent aut dement mihi hi sermones? Nec famam tamen sperno, aut neglego: sed hoc te moneo, non esse eam nostræ potestatis. idè inter externa habendam, & in momentum nullum ad beatam tranquillamque vitam. Quis sim, in me situm est: qualis audiam, in vano isto vulgo. Sed ad te redeo. Iuxta sapientiæ studium, stilum cole & exerce: qui Diuæ illius fidus & necessarius administer. Quid enim recondita illa aliis proderit, nisi spargere & emittere ad plures eam poteris felici quadam pennâ? Stilum autem, meo indicio, Plautus & Cicero tibi perficient: aptâ quadam, & quam ex me sæpe audisti, mixtura. Æuum tuum vides? propera. non aliud magis idoneum disciplinæ. Auum tuum vides? item propera. infirmus enim ille tibicen qui te sustentat. Morbi & languores cottidiani illum vrgent, facturi aliquando quod minantur. Quis autem studiis tuis gubernator, amissio illo? Nam & ego sanè infirmus. quo tamen viuo haud spero quidquam tibi deerit. Vale. & veram virtutem nosque ama. Lugduni Batauor. 16. Kal. Januar. 1584.

EPIST. LXXVIII. *Aureliannum*

I. LIPSIUS, EVER. POLLIONI

SVO. S.D.

ERGONE in Galliâ tam diu es, & files? Siue adfectum meum in te respicis, siue consuetudinem qua domi meę vsus

usus: peccas. Nam me certè vel morbus excusat, qui quatuor iam menses perpetim me vexat. Et tamen cum in arbitrio tibi res est. scribe, & excusasti. Loca illa quid placeant? qui homines? Probi illic, scio, improbiq̃ue: sed homini Pollio, vita: & imprimis si qui nequiores aut leuiore quæ vetus gentis illius nota, & nunc per bella, per tumultus, auxit valdè. At illos (probos inquam doctosq̃ue) collige & excerpe: his adhære: linguam ab iis discere & more. Ut aromata odorem semper aliquem adfricant tangentisq̃ boni & modesti, auram aliquam suæ virtutis. Inter hoc Aureliani (illic enim agere te censeo) Furnerium Antecessorem habeo: quem virum probum esse audio, penitus doctum è scriptis scio. Si potes, illi innotescere: & si gratum esse putas, à me saluta. Pestem in iis locis sæuire accipimus nisi si iam desæuiit hoc frigore & hac hieme. Fuge contagem illam, quantum humaniter potes: sed ante omnia pestes illas animorum, sodales malos, qui fraude & arte inrepunt & inrumpunt. Plura, cum rescripseris. Nos enim adhuc in morbo: nec sine discrimine, nisi clemens ille Deus auertat. Qui virtutem modestiamq̃ue tibi seruet, & nostri amorem. Lugduni Bataur. 16. Kal. Ianuar. 1584.

EPIST. LXXIX. *Amstelrodamum.*

I. LIPSIUS MARTINO LYDIO

S. D.

SOLICITUDO tua de valetudine mea, non magis mihi noua, quàm amor tuus, quem iamdiu ostendis. Vtraque grata. consilium etiam, quod amicè adiungis contra vim melancholici morbi. Sed mihi, mi Lydi, non plane capitalis ille morbus, non inquam vera Melancholia, sed tantum suboles eius, flatuosa illa hypochondriaca adfectio, longa & sæua nihilominus, nisi quòd cerebro & mentis adhuc parcit. Quæ constant mihi, nisi erro. Nam in hoc ipso morbo illud mirum, quod cum maximè desipiunt, sapere maximè sibi videntur: & ira aberrat à se mens, vix non querat. Libellum quem dicis Aloysij Luifini vix numquam. argumento certè iam nunc placet, nescio autem tracta-

tractatione. De Thrasea meo aliisque scriptis, quæso minus urge. In morbo hoc nisi morbidum quid possim? & ego me ne sanum quidem ad scribendum scio accedere, nisi cum vegeta mihi mens & acris. Cum calore quodam nostra illa pangimus, non minus quam poetæ. At nunc frigeo & rigeo, anni tempore & morbo. Ego mortuus in Gallia & alibi dictus sum, ut ex litteris non vnus intellego: falso. Vtinam tam falso I. Guilielmus noster, quem emigrasse scies Iulio mense Auarici Biturigum correptum ardida febre. Item C. Sigonius in Italia abiit, reliquum in ea gente lumen. Herè mihi dictus Cuiacius idem fecisse, nec tamen certò. Quid ais? nōne funestus & fatalis ingenius hic annus? vedetur. De me, Deus ille & seruator meus videbit: qui nec præter mentem meam hac in re aliquid statuet, nec præter vorum. Obsecro enim quid nos teneat aut liget in hac sæce? Nihil me: qui magis magisque in dies video & rideo furorem Principum & vulgi. Etiam priuata si introspicis: miseræ & angor, & languor: & cum Homero.

— *ἔλεγεαι καὶ ἐκ κακῶ ἀεί.*

a Maror subit ex merore.

Quæ tamen Christiani meritò ferimus, quamdiu Deo illi visum, qui explorat & expurgat nos per hunc ignem. Ei te, mi amicissime Lydi, commendo: & me precibus apud eum tuis. Vale. Lugd. B. 16 Kal. Ianuar. 1584.

EPIST. LXXX.

Romam.

ROLANDO WINCELIO S. *misso.*

ME quoque certè accendit ad redamandum amor hic tuus, cuius scintillæ exsiliunt & emicant in omni epistolæ tuæ parte. Quem quod meritum meum siue aluit, siue accendit? Nam quod magni æstimas hoc nescio quid litterularum, quod in nobis est, vide mi Winceli, ne abducatur & seducatur te adfectus. Voluimus sanè quædam in publicum; sed adolescentes, nec annis aut iudicio sat adhuc firmi. Quibus, benignè mecum agitur, si venia à Lectore tribuitur; nedum ut cumulus iste laudum. At tu tamen ea extollis, & cum aliis quibusdam errorè erras quem

quem negare mihi non possum esse gratum. Posteritas sciet (vt ille inquit) ita de me meisque aut erret aut iudicet. Nam viuus certè iudicia multorum experior valde in me prona. Quorundam etiam aduersa, fateor. & cum offender? scio quod sæpe meritò. Lapsi enim non semel sumus, præsertim in iuuenilibus illis scriptis: quæ tamen nunc reprehendo & retracto, & à postrema hac incide fœmiora erunt, nisi fallor, contra malum dentem. Sed cur tamen in me iniqui? Dent mihi aliquem ex omnibus æui nostro Criticis, qui non peccant; & flageller ego solus. Sed hos omitto. illud tantum instillo: si temerè arroserint.

*etiam mus
morderis
virum im-
probum!*

— καὶ μὴ δάχοιάνδρα πονηρόν.

Sed libentius ad beniuolas & amicas animas deuenio, in quibus te auctore de hinc censeo Illustrem Gondosaluum Pontium, Neapolitani Proregis nepotem: cui quid nisi gratias agam pro adfectu? addo etiam redamare me iure, etsi ignotum. quomodo enim non, qui tam benignè prouocat? De Mureto summa mea opinio est, & erit. & felices vos sanè illo doctore. Patria nostra porro turbat: nec scio quando nobis adfulgebit tranquillitatis ille sol. Itaque nos etiam sæpe frangimur: nisi quod conatus solari me meosque Belgas sum nupero De Constantia scripro. quod scire equidem velim, quid faciat ad Italorum teneram saluam. Vale mi Winceli, iam enim interpellor, imò auocor. Non. April. 1584.

EPIST. LXXXI.

Rhotomagus.

VICTORI meo S. dico.

QVOD deficientibus adspersa frigida, hoc mihi vestra litteræ. Releuant recreantque labentem me, & virium adspirant nouam auram. Hem, amor quid potes? tu honeste, tu vere, & qui semel in puro amicitia solo egisti radices. Intemperies mea adhuc me tenet, ita enim verius appellitare videor posse, quàm morbum. Cetera valeo: calor tantum molestus in hepate, mesenterio, &

pa-

nē dixerim venenatis in eo venis. Ez sunt, ez venulæ,
 quæ pugnā mihi cum stomacho mouent: quæ calorem e-
 us succumque ad se trahunt mala vi aut fraude. Capūtne
 iterum de Melancholia Rondeletij tui legisti? Is purus
 meus morbus. Myrchialem Arabes, nisi fallor, ap-
 pellant. Pugno sanē cum eo strenuē; & abiēcisse sæpe vi-
 deor, sed vt Antæus quispiam virescit & resurgit. Frigidis
 iuuari imprimē videor: sed crebra & continens eorum vsus,
 scis quā non ventriculi ex vsu. Hic nodus. habes ei cunc-
 tum? an tu quoque cuni veteris Scholę medicis adhæres?
 Dico, veteris. nam isti noui à Paracelsō, auxilium polli-
 centur ab Vitrioli aceto. Frigerare id aiunt, penetrare,
 aperire; & simul robur addere visceribus & membris. Et
 sanē (iram & vocem comprime) iam vtor, successu non
 infelici. De exitu videbo: si iuuare ita porro pergit, ego
 iuuatorem hunc deum. Phlebotomia nuper etiam vsus
 eram, & iuuat valdē. sed quid dicam? Vt ille in Ætna ignis
 interualla sua habet, & cum desēuisse creditur, redit: ita
 meus iste. Quē nisi breui tollo, metollet. Quid refert? gene-
 rosa & Herculeæ hæc ad cælum via est, per æstum perque
 ignem. Ego, mi Victor, iamdiu paratus ad hoc iter: nec
 cum alio adfectu minor mihi pugna, quā cum metu
 mortis. Vitam habeo velut hospitem. si manet, non ei-
 cio: si abit, non teneo nec penulām scindo. De modio,
 grata mihi narratio. Fauco & faui iamdudum illi ingenio:
 nec (cū à paucis vobis abij) in Belgio habeo, cui fa-
 ctum velim magis. Placent mores & indoles, & (constet
 sibi tantū, nec transuersum eum abripiat aliquis Lacon)
 fructus, scio, dabit studiorum. Sed cur ad me non scripsit?
 cur ne salutem quidem adscripsit? Peccatum largum, siue
 illius qui dicere omisit, siue tuum qui scribere. De Laco-
 ne quid? trepidas in aduentum eius & palles? Sta tan-
 tum: spondeo tibi, fugit. Nihil eo homine *προξοδιστορε-
 ων*. Scelera hoc faciunt, & occultū illud in pectore flagellū:
 quod commouit, quisquis eum constantius aspexit. De Ap-
 puleio deque Pintiano, curæ habebō, imō iam habui: & in-
 dica siquis alius tibi à viuo mortuoque me vsus. Doufa in
 Angliam, abiit legatus. Mihi, si vires paullo magis firmæ,
 (nam atrophīa quædam coniuncta cum hoc languore)
 de-

decretum Vbros excurrere priuatæ meæ rei causâ: & illine Eburones, ad acidos fontes. Mira iis vis dicitur & propria in hunc morbum. Videbo. & pro valetudine omnia faciam pro vita haud multum. Mori enim mihi non graue, graue tabere istud & languere. Tu salue, cum tua. Fratri tuo, si iam adest, amicissimam salutem: quæ tua & magis morum eius causâ seriò amo. Rubicarium nostrum valere audio, sed calere totum in rebus. Dea Lua cum adiuet, & nexibus illis malarum litium exsoluat quibus implicatur. Valdè eum saluta, & iube (ita loquor) amantem me amet. In Ba-
tauis: 11 Kal. Sextil. 1585.

EPIST. LXX XII. *Lutetiam.*

I. LIPSIUS FR. RAPHELENGIO

Filio S. dico.

GRATAS expectatasq; nobis fuisse tuas litteras, nihil opus est scribam. scio te id scire. etiam adfectum tuum amauius, qui & in epistola se ostendit, & in carmine quod adiunxisti. Tu verò & in amore nostri perge, & in virtute ac modestia multò magis: sine quibus caue censeas, non dicam famam vllam tibi esse posse, sed vitam. Litterulæ enim & aliæ elegantia: siue cultus ingeniorum vacuæ ab istis, sordes sunt & deliramenta mera. Modestia est, quæ ad cognitionem nostri nos ducit: hæc ad virtutem & ad Deum, in quo omnis felicitas. De professoribus quod distinctè scripsisti, gratum. Ego audiendi tibi Genebrardi auctor sum in Hebræis, in Græcis Helicæ aut Gullonij, (nā magnus ille Auratus lectionem, vt audio, iam Desiit: vt res suadebit aut scriptor aliquis quem legent. Philosophiam ante omnia non deseres: cuius fructus demum gustabis in progressu. At nunc obdura. Sed de litterariâ tua sarcina, quid? peritne? insignem *metacapia* tuam: quæ vide seriò emendes. etiam mne in eadem sorte meæ litteræ. Nam memini dare me tibi ad Memmium, & Pincem, & Faucerium. cur non scribis, vt saltem iterum scribam? Nā silentium meum trahi alioqui possit in culpam Agellium
(quan-

(quandocunque difficilis ille parrus lucem videbit) fac habeamus: & si quid aliud prodibit, quo scias nos capi. Scribe de P. Fabri ad Regulas iuris, an prodierit; aut potius mitte. quod facile tibi per Sonnum. Contagionem pestiferam valere istuc audio: tu quantum in te est vita, & segrega à turba. Abstine à multiplici omni cursu, discursu: donec hiemis & gelu telum infregerint malæ diuæ. Valerius meum non dum ex voto, melior tamen: sed ita, vt nec corpus nec mens mihi satis firma. non certè ad labores. Itaque studia nostra cessant. non tua spero: quæ nisi auidè, imò calidè prosequaris in hoc flore æui, frustra postea quæres fructum. Hæc monita nostra tua sponte seruabis, confido: nequid tamen ea laxent alii, nonnullus mihi metus. Quos vita, per Deum immortalem: & mala illa, soluta, & petulca ingenia, fuge supra ipsam pestem. Non enim hæc magis corrumpendo corpori est, quàm illi animo: cui per subdolas blanditias instillant & adfigunt venena. Euripidæum illud cogita,

—— πόνος εὐκλείας πατῆρ,

a Labor gloriae genitor.

Auus tuus & auia valent. tibi volunt semperque volent, si voles ipse. Saluè & vale. Vxor mea te resalutat. Lugd. Bar. Prid. Kal. Decemb. 1584.

Ecce tibi ad Busbequium librum & Epistolam. si ita Porreto visum fuerit, tu illi meo nomine dabis. Sed vide vt tales viros conuenias honestè & modeste. Hoc ætatè tuâ, hoc institutione decet. Inter loquendū (moneo enim nunc quia fortasse non alius tibi monitur) caue tua verba præcipites, ne sint cum Homero (a) ἐπεα πτερόεντα. vitium tuum nosti: quod nunc aut nunquam corrige, & effer sermones tuos, clarè, articulatè, distinctè. Sed heus tu, de sumptibus itinerariis tuis quid audio? valdè vos quidem largi. Non conueniebat. An tempora hæc nescitis angusta arcta? Sed ignoscimus tirocinio primi itineris tui, qui dignus aliàs eras acerbiori monitione. Non aliud magis decorū in iuvene, quàm vt per viam gerat se demissè & submissè. Quod in posterum facturum te confido. Vale. 3. Kal. Decemb. 1584.

a verba alata.

EPIST.

EPIST. LXXXIII. *Lutetiam.*

I. LIPSIUS PAVLO MELISSO
S. D.

EPISTOLA Mtuam; mi Melisse, qui non amem dicem constantiæ tuæ in amore. & magis carmen, quod de morbo meo scriptum cum ingenio & adfectu. Gratiam habeo, & debeo. Sed te quis Deus quæ Dea è Germania tua media traduxit subito in Gallos? Amor nisi fallor, non ille à Cypride sed hic à Phœbo, discendi, videnti, & doctos cognoscendi. Quorum omnium fores & petora, non dubito quin pateſcent tibi. Nos etiam in morbo: contra quem animo magis, quàm corpore pugno.

*a Morbos necessum ferre
celius datos*

a. Νόστος δὲ ἀνάγκη τὰς δειλότητας φέρειν,
ait Sophocles, In I. Guilielmij morte valdè indolui. De vultu aut facie non eum noueram: optimè de animo. nec censeo melius aut rectius ingenium fuisse hoc æuo. Sed Deo ita visum, optimos quosque traducere ad optimam illam vitam. Ad quam in tot turbis & molestiis nos quoque adspiramus, & te saluere iubemus, optime poetarum. Lugduni Batauorum, Kalend. Decembrib. 1584.

EPIST. LXXXIIII. *Lugd. Bat.*

R. PINCÆVS I. LIPSIO
S. D.

QVOD viris excellenti quadam virtute præditis vſu venire solet, ut à multis, qui eos de facie non norunt, diligantur: id ipsum à me tibi accidere, si quid hoc ad cogitationes tuas pertineat, his litteris cognosces. Ego te, Lipsi doctissime, nunquam, quod sciam, vidi; diligo tamen, & quod eorum est maximè, qui maximè amant, redamari cupio. quorum alterum ut tibi per litteras significarem, quando id coram præ me ferre non datur, meæ pro-

prolixæ erga te voluntatis suasit ratio: alterum vt identidè de te mihi pollicear tua ad omnem virtutem propensio, & singularis humanitas facit. Noui morum tuorum summa cum eruditione coniunctam suauitatem; noui sincerum in litteris iudicium tuum, cum ex honorificis nostrorum & externorum hominum de te sermonibus, tum ex librorum quos priscæ eruditionis plenos iam edidisti iucundissima lectione; eoque sit vt maiori etiamnum eorum cupiditate tenear, quos apud te magna ex parte affectos esse audio. Qui quodcumque prodibunt, cupidissime semper ab omnibus φιλολόγοις, accipientur. Neque hic, si nescis desunt φιλολυσισάδαι, qui de ingeniis iudicare & velint, & possint. In his præstantissimus Præses Brissonus, quocum magnus mihi vsus est, & quem in prædicatoribus amatoribusque tuis esse non ignoras, nomen suum proficitur. teque saluere iubet. Vale, & nos ama Lutetia 8. Kal. Aug. 1584.

EPIST. LXXXV. *Lutetiam*R. PINCÆO *Senatori regio S. D.*

QVÆ hæc tam obuia humanitas tua est, vir Clarissime? quod vltro appetendum mihi fuit, ipse defers vltro, amicitiam & coniunctionem tuam: quibus, moriar, si quidquam mihi gratius accidere potest à talibus viris. Splendor, fama, opes haud altè me tangunt: iuuant & penetrant hæc iudicia, quæ proficisci scio à veris mystis Virtutis & Doctrinæ. Quarum candidatum me non nego: sed hoc tantum. & vereor vt purpuram seriò vnquam induam tanti honoris. At vos ita benigni, vt non rem tantum ametis, sed ymbra etiam & speciem, omnesque in quorum animis effulget aliqua *ἑὸς* imago. Itaq; mi Pincæe (amicæ familiariter iam nunc te compello) amoris meum vicissim seriò tibi offero: spondeoque futurum, prius vt me excidam, quàm vt ex animo meo illi qui tam proliues ad me amandum. Amplissimo quidem Brissonio, & Regij concilij & cætus nostri Præsidi, publicè deuinctum diu me scio; priuatim nunc, hanc amicæ salutatione, quam meo nomine illi reddes, cumulatam adfectus tui auræ. Vale vir Claris-

Clarissime, & litterarum hoc iter si crebrò teris, gratum mihi: qui nunquam vincar in officij aut fidi amoris cursu. Lugd. Bat. 9. Kal. Octob.

EPIST. LXXXVI. *Brugas.*

SALVTEM AMICISSIMAM D.
IANO LERNUTIO.

TV certè, mi Lernuti, in amore iuxta & in litteris prolixus. Nam Victor noster quam breviculus? In hac raritate nuntiorum, difficultate temporum, tribusne verbis ad Lipsium? Ita fecit. pro more suo, imò naturâ: quam quia nescio, ignosco. At effusionem tuâ amo & amplectorum quâ iure pariabo. Valetudo nostra ne nunc quidem ex voto. Mensis Maius iuuisse aliquid & vegetasse visus, sed ut in floribus quoque, vigore fluido & haud diuturno. Anceps enim hæc sanitas, mi Lernuti, anceps. Hodie stare me putem? cras relabor. vires recepisse? amitto: & quod medici mecum mirentur, cæcis nec liquentibus causis. Calores saltem viscerum sentio & nescio quos edacesustus. Quid me aliosque fallam? tabes ea est, nisi eris, & certa sed lenta via eò ad mortem. Nec ingemisce. Deo ita visum: cui nos tam libenter, tam fortiter paremus, ut manum non verterim hoc fiat an illud. Ennianum istud verè proclamo:

Vitam an moriar, nulla in me est metus.

Cur aliter adficiar? Aequissima hæc naturæ lex est, quæ pariter ligat omnes. Carnifex illud Fatum te meque expectat: & alium alio tempore duci iubet magnus ille Imperator. Ecce tibi plebeium aliquem tam constantem, ut lictorem suum sequatur & manū ultro exposcat percussoris: aliena ab eruditis vis ea sit? Non à me: nec præibo ad molliem hanc exemplo. Ut fera avis, apertâ caueâ, non eiciatur sed euolat: sic ego libens in apertum illum purumque campum. At enim iuuenis. Fateor. sed vitæ huius tam satur, quam Priamus aliquis aut Nestor. Quousque enim eadem? edere, bibere, legere, scribere. & adde miseria, quas largiter suppeditat hoc æuum. Sed mitto hæc sophæ: ad martyra venio tuarum litterarum. Electa nostra secun-

da probari tibi ais vnicè. Gaudeb. eoq̃ue magis, quòd se-
riò verebar ne parum ad Genium priorum scriptorum me-
orum is factus. In morbo quippe conceptus & editus, quid
mirum si referat aliquid triste & morbidum, & tabeat ip-
se à spiritu hoc tabente? Quod si aliter; præter spem me-
am est, non præter votum. Epigrammata tua in impu-
rum illum valde pura. Cur plura eius generis non mittis,
reficiendi saltem mei? Pascor enim libens hac ambrosia:
quam per altum istud otium vbertim necessum tibi est gigni.
Sed illa aspis etiàmne Audomari? Æternum velim, ne-
cubi propinquior halitu suo vos afflet. * * autem eius tam
ambitiosè promissus vbi est? Stephanicum enim vidimus,
& in eo scommata ac tela non obscurè in istum. O impro-
bum pariter & infelicem? Vbique vapulat, & corpus eius
tor cicatricibus infamiæ iam occalluit, vt plagæ nouæ non
sit locus. Et tu tamen hoc cadauer petis. me inuito: qui
mauorem hunc acutissimi ingenij seruari & dirigi velim in
digniores hostem. Hic quidem calcandus est, non feri-
endus. & demittat atque abiiciat se necessum est, quisquis
eum tangat. De Modio, gratissima. vos monete, firmate, &
comitate vestra retinete, quæso, in hac meliore vita & viâ.
Fax aliqua Belgis aliquando ab ingenio illo. Rubicassum no-
strum amo & in pectore gero. Litigatne etiam & tricatur?
an Gradios nostros potius abiit, sedem illam Musarum o-
lim & Gratiarum? Quæ breui assurgat nisi fallor, & viro-
rem ac colorem iterum ducet ab hoc Zephyro pacis. Ibi e-
nim certè iam lucefcit: si verum quidem est de Machliniâ,
quâ deditam nos audiebamus. Critica nostra eni tibi, quibus
versiculos de meliore venâ, deo duce audacter inseruimus,
numero C C C. vtinam comite Fortuna! Spero. Vxor etiâ
Cilicis jlliùs aliquid concedemus: nec de fide ambigimus
tantum de successu. Di viales adeste, di præstites, di tute-
lares. En epistolam, an quærelam? meri enim in ea morbi &
mortes, quæ non ingrata tamen tibi, siquid in Lipsio gra-
tum habuisti præter corticem hunc externum. Ille enim
abiicitur: at Lipsius vester nullus moritur: eumquæ præire
scitote, non perire. Longum mihi saluete, tu vxor, liberi.
Lugd. in Bar. Kal. Sextilib.

EPIST. LXXXVII.

Lutetiam.

ERRICO MEMMIO. S.D.

ANIMVM sæpè corpori imperare, vir Amplissime, non vanè dictum. Ego testis. Ecce enim cum Iani Guilielmij epistola ad me venisset amoris & iudicij tui de me index; etsi languebam ex acri & difficili morbo (nam hepar mihi laborat ex inflammatione & infarctu) tamen animum secuta hæc manus est, & per adfectum potui quod vix per vires. Scribo igitur; & gratias seriò tibi ago pro amico isto in me animo, in eoque vt perseueres, si necessum est, rogo. Etsi cur necessum? quem vltro amandum dilexisti, non spernes, vt opinor, cupientem iam, iunò ambientem. Vtar enim isto verbo. & ambio reuera amicitiam talium virorum & gratiam, quos velut sidera quædam huius æui habeo, & à quibus lucem conciliare me posse scio pallenti meæ famæ. Quam vulgarem, & à vulgo, nihil moror: bonam, & a bonis, nunquam contemniam. Vale Amplifs. Domine, & à valente me litteras pleniores expecta, & vt sic dicam, magis robustas. Lugd. Bat. 4. Kalend. Octob. 1584.

EPIST. LXXXVIII. *In Holsatiam.*

HENRICO RANZOVIO, *Viro illustri,*
Vicario Regis Daniae, Sal. mitto.

LEVEM significationem animi & iudicij tui, Vir illustris, pro beneficio habuerim: quid censes hoc testimonium & litteras, tam amicè ad me, tam honestè de me scriptas?

Omnes mortales sese laudari expetunt,
 ait poëta vetus: non valdè tamen ego, nisi à laudatis. Inter eos autem, quis antè Ranzouium mihi sit? Genus tuum intueor? nobilissimus es. Famam? clarissimus. Virtutem & doctrinam? vtræque maximus. nec facile quem his iunctum rebus prætulerim tibi, reperiam in Europa. Itaque beasti

beasti me hoc tuo iudicio, beasti, & iam demum Constantia nostra mihi placet, cum illa vobis. Incitor ad scribenda talia: quæ apud rectas istas mentes recta. Tribuni illi, quos indicas, me absterreant? nihil. iactent se apud suam plebem: mihi adfatim satisfacitur, si eques hic plaudent & Senatus. Ut eadem purpura homines delectat & ad gaudium prouocat, tauros offendit & irritat ad pugnam: sic eadem veritas aut virtus intellegentes capit, lædis improbos & imperitos. Itaque scribere hæc talia (quidquid incurrant) nihil tardor. & ut Luna, quod luminis à sole accepit, infero huic mundo refundit: sic libens ego dona, quæ à magno illo deo. Qui te, Vir illustris, reip. & bonis seruet: & mihi hunc animum, quem tam amanter defers. Vale. Lugduni Bat. Idib. Feb. 1585.

EPIST. LXXXIX. *Delfos.*PAVLO BVSIO. *V. Ampliff. S. D.*

CVRATOREM te (ita iam nunc intelligo) huic Scholæ datum, Vir amplissime, iure tibi, & magis nobis gratulamur. Tibi honorem aliquem: nobis grande beneficium, quod ab hac electione meritò speramus. speramus? imò iam tenemus. ea voluntas tua est in iuuandis optimis studiis, ea facultas. Illa clara; qui omnia pro nobis egeris, laboraueris, re priusquam titulo Curator. ista etiam non obscura; qui magnus apud magnos. Sedes in hac publica, ut sic dicam, naui, non inter remiges aut nauales socios, sed inter eos qui ad gubernacula & ad clauum. Vis igitur, & potes: & ideo adfirmatio mihi non iniusta de adfectu optimo & effectui. Sed sub initia tuæ Curæ, ingeram tibi maximè curas duas, de Collegio & Philosophia. Diu nimis dilata utraq; res, cum nostro, imò cum patriæ damno. Collegium inquam antè omnia instituendum est in quo alii iuuentus aliqua possit: certo numero, disciplina, lege. Domus iis vna sit, vna mensa, vnum caput. Lectiones variz, pro captu cuiusque, & pro iudicio Præfecti. cui hic & alibi districtè parebunt. Numerum esse quam maximum velim: certè non infra tricenos aut quadragenos. Sumptus in eam rem ali-

qui fateor, sed exigui pro fructu. Hoc seminarium lectissimorum hominum erit: hæc seges eorum, qui ad Ecclesiam, ad remp. ad mouendi. Nec alios legi quàm ex ipsa patria velim, qui in ea, pro ea, & ab ea alentur. Cur enim hac maternū hoc germanæ soboli præreptum, indulgeatur & immulgeatur externis? ne facite: & sumptus à vobis, ad vos iterum redundant. Cetera quæ ad legem & disciplinā, tunc distinctè superædificabo & addam, cum positum hoc fundamentum. Quod si Ordinibus de Collegio ægrè aut tardè persuademus, (Tempora video & impenfas:) age, inite saltem hanc viam alteram quæ impendij minus habeat, compendij non minus: me iudice, magis. Pro Collegio substituite Mensam communem. Ita suadeo ad Germanorum aliquot Principum exemplum, qui in Academicis (vt amur vocè trita) subsidium hoc subtiliter & vtiliter inueniēre paupertinæ iuuentuti. Domum aliquam à se præbent, instruunt: nec eam nimis laxam. In hac Oeconomum, cum familia collocant: cui cura nullā præter eorum quæ ad victum. Conueniunt cum eo certis legibus: & ferè istis. Domum hanc tibi & familiæ habeto. frumētū annui tantum numerum, ad panem tantum, ad Zythum siue ad potum. Iuvenes cottidiè ad mensam recipies quadragenos, quinquagenos. pro obsonio viritum quid pendent? Et ferè in septimanas conuenit de pretio aliquo minuto: idque vnum onus (excipio quod cubiculum sibi quisque parat) incumbit iuuentuti. Singuli inquam pro obsonio obligantur, cetera liberi & immunes. Sed id quoque leges suas accipit, quantum & quale ab Oeconomo datur. Iam Rectoris et Professorum illa cura est, qui ad hanc Mensam admittantur, qui admissi reiiciantur: & quater anno recensensus habetur & examen eorum, qui beneficio Principali digni siue indigni. Submouentur, retinentur, subrogantur, vt collegio illi visum. Conuiuolum iisdem tunc, pro labore. Mihi crede, non alia res sumptum minus grandem habet, fructum magis certum. Nam in ordinariis illis collegiis, scimus quàm multa ambitu peccentur, admittendo, reiiciendo: scimus quàm verba ferè sint, præclarè illæ de disciplina leges. Itaque minus compositi plerumque egrediuntur, è compositissimā tali domo. Nes-

scio enim quomodo, assidua conuictio illa & contubernium, non ex vsu iuuentutis: qui vtrumque arceas aut se-
pares, sermones communicant, consilia, vitia, sordes. Et
hinc lasciuunt, degenerant. Non id peccati in mea Do-
mo, in qua præter mensam nil commune. nec aliud ea
est, quam velut publicum Diuerforium: sed parcum,
sed honestum. Cogitabis: & cum voles, colloquæmur.
Iam de Philosophiâ, quàm turpe? Ceteras hic minores
& velut ancillas artes coli & colere: neglegi illam domi-
nam & reginam? locum ei non esse in proprio suo loco?
Quò n. aliter hæc omnis Academiarum institutio, quàm
ad Prudentiam Sapientiamque inprimis spectat. Atqui
ad eas Philosophia ducit: quam tu Vir sapientissime, in-
duce. Barbaries te terret, & spinosa illa viarum? Pelle
illam, has purga: quas patres nostri malistribulis, malis
scrupis, impleuere, per prauum acumen. Ipsam illam
legitimam Diuam reuocari à te volo: non hanc squalli-
dam & personatam, sed in vero suo vultu & cultu. Schola-
rum hunc ante annos trecentos aut quadringentos vsu-
m sue abusum cur teneas? Sperne. & reduc omnia ad vete-
rem veramque formam: cui, præter fructum, par dignitas
& venustas. Quis enim amœnior adolescens ad illa tam
inamœna veniat? fugiunt imò cum aduenire: & imbibere
non iniuriâ spernunt absynthium illud doctrinarum. Nos
Aristotelem reducimus: sed ipsum. & si me audis, non so-
lum. Ipsum dico. quia obscuri illi & aculeati Commenta-
rij cui rei? Detorquent rectissima ingenia, & in acuminum
flexuosos labyrinthos abducunt à verò Philosophiæ fine.
Ipsam legisse & intellexisse satis sit: & maxime in ijs libris,
quos hi minimè legunt. Logica illa ætatem eos occupant:
concepta ab Aristotele fortasse, numquam ita scripta, Poli-
tica quis tangit? quis De animalibus? aliaque diuina, ob
quæ mirati illum nos & prisce. Nam Ethica ipsa, leuiter li-
bant & velut in transcurso. Scilicet hoc iamdiu moribus his
obtinuit, vt nulla pars minus ad Philosophiam facere cen-
seatur quàm quæ ad mores. Atqui ea præcipua erat, vel ve-
rius sola. Iam nec solum, addidi: & bono iure. Cur enim vni
Aristoteli locus in hoc procinctu? Ille signifer? esto. com-
militent tamen alij, & in vnâ legione non vnus saltem

Centurio aut Tribunus. Plato aliquod agmen mihi ducar, aliquod Epictetus, Plutarchus, Seneca: & in opinionum nonnullâ varietate, omnes tamen pro Sapientiâ & sub ea pugnent. In Ciuili eius parte (Politicam & Ethicam iunctim sic appello) an ille à Lycæo indignetur Platonem sibi apponi? imò fortasse nec præponi. ita diuinitus libri illi De rep. & Legibus magnâ ex parte concepti sunt & conscripti. An Senecam sæpe & Plutarchum? gaudeat potius in acri & arduâ militiâ hos sibi iungi velut optiones. Idemque de Physicis censeam: ad quæ & Senecæ Quæstiones Naturales; & Lucretii etiam liber sextus, aliquod, me arbitro, adferant momentum. Nec enim vel poëtas expungerim ex hoc maniplo: & cum fructu hæc talia publicitus legi censeam in Scholis. Sed plura item & distinctè huius rei, coram. Illud mihi non monendus es sed rogandus, ne te aliorum trahant iudicia quorundam. Nouam viam noui homines incunt: & explosâ illâ sectâ veteri, sapientiæ frugem quærunt in Agellis Rami aut Philippi. Quid dicam? neutrum culpo. vterque doctus, sedulus, industrius: sed valdè erro, si errorem hunc errare nos voluerunt ipsi. Compendia perueniendi conscripserunt: an vetuerunt adire loca ipsa? Atqui isti ita eos complectuntur, vt non viam illos, sed metam censeant: nec per eos ad veteres transitum faciant, sed in his subsistant. De Philippo, vir fuit, aliam ei mentem fuisse planè scio: de Ramo, spero. Quod si alteruter hoc adfectauit: si ipse solum illud Sapientiæ insidère, priscis eiectis: nã ille apud sapientes omnes valdè inspiens. & quem isti ipsi tyrunculi Principatu mox delicient, qui per seditionem elegère, extulère. Puerorum enim ista (dicam liberè?) illudia, & Saturnalia dierum aliquot regna. Nec tamén eos sperno aut resusò prorsus (scio & fateor multa in his breuitate & ordine bona:) manere tamen intrâ fortunam suam iubeo, contentos parietibus & auditionibus priuatis. Puluerem scholasticum & aërem adfectant? non ferent: obruentur siculis & pugionibus istorum, qui à Veteribus illis castris. At iuuentus nostra à me hoc audiat: Numquam ille magnus erit, cui Ramus est magnus. Pergebam in hac scriptione: (vides quâ benigna materia:) reuocât me nò mææ occupationes, sed

sed tuæ. Eas aspicio: & in ambulatiunculam nostram vnam aut cœnulam potius hæc conferam, quam vt manum tibi & mentem impleam epistola tam longa. Quod initio dixi, repeto: gratulari me, & optare vt curæ has curas habere possis, non rogare. Cur enim rogem? Scio te iuxta ac me vale: nec penes te vnquam culpam futuram non impetrabit, non effecti. Deus illis in quorum manu res est, tuam mentem det, tibi seruet. Vale Amplissime & amicissime vir. Lugd. Batauor. 4. Idus Iulias 1583.

EPIST. XC. *Vltraiectum.*

FLORENTIO THINNIO *Syndice*
reipub. eius. S. mitto.

SIL VI aliquamdiu Vir amicissime: sed (dicam veram causam) fiducia sola amoris. Oblivio tui fuerit? absit. hæres mihi tu & humanitas tua in medullis. Negligentia mea? nec illa. quia alibi socors, nunquam in hac parte quæ ad amicos. Amor, inquam, fuit, firmus inter nos amor: & ab eo fiducia, quia tam certus eram non irasci te posse Lipsio, quam non amare. Et tamen siquid hîc quoque culpa, morbus excuset: sub cuius vmbone sæpe nûc in his talibus latito & me defendo. Nam etiam nunc apud me ille hospes, lentus, deses, certus non abire. Vitrioli acetum à te nuper accepi, siquid acris eum fortasse fugarent: & vtior. Nam nec Heurnius noster improbat, medicus mihi in omni hoc morbo fidus, peritus, & (quæ laus ei propria) cautus. Refrigerat sanè aperitque insigniter: sed nocet exsiccando. Itaque nondum plene inuat. A Pollione nostro ante biduum ad me litteræ. Omnia, quæ volumus. Aureliani sanus agit: Furnerio innotuit: pecuniam accepit. Consulit super abitu, aut mansionem. Illum ego suadeam, vt rem video & natas in regione ea de subito turbas. Et Basilæam (antea mihi scriptum) cur non emigreret? placet locus, incolæ, mores. Atque addo si nulla vis alia aut metus expellat, suadeam Germaniæ tamen adspectum. Vtile enim & è re peregrinantium, qui Galliæ insederint, in illam transilire: vt siquid ex gente ista adhæ-

ita adhæserit exulans, diluant suæ temperent Germani
 grauitate. Querit & de Titulo, Vbi? Ego, dum rem adferat
 Aureliani an Biturigis, non discernam. Et illam adferet; an
 valdè me fallēt semina quæ hîc iecerat firmioris doctrinæ
 De repub. non illa mea cura. Tamen excusso Palinuro no-
 stro valdè fluctuatur hæc naus, nec Æneam aliquem pri-
 tum video qui succedat ad clauum. Varij inter Ordines le-
 sus: benè, si non dissensus, Deus videbit: ad quem confugio,
 quia, vt scire Plinius, *tunc vortum præcipuus locus est, cum spes*
nullus est. Quæ ipsa vota mihi interposita pro tua mea que
 (si ita expedit) salute. Vale. Lugduni Bataurorum a. d. 11.
 Kal. Iulias. 1585.

EPIST. XCI.

Lugd. Bat.

ANDRÆAS DVDITHIVS I.

Lipso S. D.

S. Præstantissime, atq; eruditiss. amice. Tua mihi suada
 opus sit, si explicare coner, quanti te fecerim iam inde
 à primis illis annis, quibus clarissima ingenij, ac doctri-
 næ tuæ monumenta ad manus meas quoque peruenerunt.
 Et si autem magnis tum reip. negocijs distinebar; sæpe ta-
 men me tuæ illecebræ detinebant. Postea, abdicato magi-
 stratu semel, atq; iterum, cum ad litterarum studia, atq; o-
 tium priuatum me retulissem, nihil libentius, neq; auidius
 legi, quàm aureos tuos, & vix cuiquam imitabiles libellos.
 Vel ille postremus de constantia, Deum immortalē, quàm
 grauis, quàm doctus, quàm pius: in quo dubites quid præci-
 pue dilaudes; cum sint omnia prædicatione, ac singulari cõ-
 mendatione dignissima. In Thrasea, (si tamē hic libro alte-
 ri tuo, de cõtēptu mortis, titulus est. Constantiam abstulit
 amicus, in cuius ora hoc notaui) quantus & Philosophus &
 Christianus quidē Philosophus, sis futurus, non difficilis,
 ex hoc ipso de Constantia, coniectura est, quem ego librum
 discipulo videre; & valdè confido fore, vt cum quoq; prope-
 diem emittas. Perculit animū lepidissima illa Valetudinis
 tua deploratio, ad extremum librū addita. Vota facio pro
 salute, & diuturna vita tua, mi Lipsi. Quare te rogo, vt mihi
 ocyus

us perscribere ne graueris, quid morbi sis; an iam, quod
 nimis cupio, periculo defunctus sis; quā in istis turbis vi-
 uas; qua conditione; an etiam uxorem & liberos ha-
 has; an ita sedem, domiciliumq; isthic fixeris, vt nunquā
 commigrare animus sit; ne ad amicum quidem vllum,
 ad quem in summa tranquillitate, & ocio, rerumq; maxi-
 mum commoditate, tibi, studijsq;, ac meditationibus tu-
 vacare liceat. Talem ego tibi amicum, tui amantissimum
 opus sit, statim, vt responderis, ostendam. Suauissimē cum
 vitam aliquot annis vixit, Nicasius Ellebodium Casleta-
 nis; popularis olim tuus, si fortē eū nosti. Hæc vt tibi breui-
 ter significarem, eximius in te meus amor impulit fecissem
 id multo antē, nisi impedimenta quedam obstitissent, si vo-
 liscum adhuc est ꝑ ꝑ Mathematicus, is; de quo te superio-
 re anno tribus verbis ad Ortelium Gallicē scripsisse memi-
 ni; rogo te, auctor ei sis, vt ad me veniat: si tamen bene e-
 ruditus est, tuo quoque iudicio, in illis, alijsque disciplinis;
 & honesto salario contentus esse potest. Doctorum Viro-
 rum consuetudine perbeatum hoc ocium meum iucundius
 efficere conor, si possim. Domino Douze, magno non pa-
 ritz tantum suæ, sed sæculi nostri ornamento, officiosam
 Sal. adscribo, summo item, atq; eloquentissimo I. C. Donet-
 lo, eosq; feliciter omnes valere opto. Breslę 17. Martij. 1584

EPIST. XCII.

*Breslam.*ANDRÆ DVDITHIO. V. N. *Cas.**Consiliario S. D.*

N ruborē me das hac humanitate tua, Vir Illustris. Seri-
 bis vltro, compellas vltro: & promiss atque offers ea, quę
 improbæ pænē mentis sit à tali viro sperasse. Ego enim
 tenoui, Dudithi. Et quamquam internos multæ terræ,
 millei montes: tamen etiam huc penetrauit se du-
 dum fama nominis tui & virtutis. Boni omnes ita me pro-
 bent amentq;, vt iam pridem ego te, cū tacito duntaxat
 quodam sensu. Quæ enim mihi occasio aperiendi ad quam
 præiuisse nunc te & velut strauisse hoc iter. beniuolentiæ &
 amoris, sanē gaudeo. In quo sedulo & cū fide decurrendo,
 nunquam erit vt vincar. Libellos nostros & Constantiam
 laudas.

laudas, mentiar, nisi id mihi gratum: nō quia laudes me
 piant nimis aut titillent, sed quia testimonia talium viro-
 Ita q; addis ad reliqua calcar, quo egere nos interdū fate-
 ob iudicia siue calumnias quorundam. Nam valetudo me
 nunc (propitio deo dixerim) nihil impedit: & querela illi
 quā Constantiæ subtexui, scripta in morbo meo, ante al-
 quot annos. De Amphitheatro librū edidimus: quem mihi
 ad te non vt munus, sed nouæ amicitiae velut arram. Super
 sunt Saturnalium aliquot libri: qui digesti, imō perfecti, nō
 quod aliquam expectant iudicij limā. Quā haut facile ad-
 hibeo, partim negotijs districtus, partim his bellis: con-
 quæ etsi stamus erecti, tamen auocant sæpe hunc animū
 talibus cogitationibus, & in se intendunt. Remedium tu
 micē offers (scio enim quod domicilium & apud quem de-
 signes:) & exosculor adfectum. Sed multa mihi nunc impe-
 dimento. Familia, vxor (nulli tamē liberi) parui ē sorore ne-
 potes, quibus tutor ego, illa nuper mortua, imō velut pater.
 Sed nec corpus mihi nimis firmum ad longum iter: etsi in-
 tegra adhuc & viridis ætas. Itaq; non decretum mihi com-
 mouere ex hac patria, nisi fluctu aliquo maiore expellam
 quod non semel nobis timendum videtur in hac tam dis-
 turna tempestate. Alioqui beniuolē me habent Bataui, &
 stipendio sanē honesto. Nicasii Ellebodiū ab adpectu nū-
 quam noui, optime à nomine; iam tunc cum Romæ apud
 Cardin. Granuellanū agerem, paucis mēsis post eius dis-
 cessum. Nam ipse tunc Patauij: & scio me aliquando ad eū
 scripsisse Cardinalis nomine & iussu. Scire velim viuā tne,
 ecquid agat. Idem de Michaële Bruto: quem ex epistolis e-
 ditis video tibi amicum, itemq; ex Prefatione ea quæ in iu-
 dicio tuo de Cometis, quem libellum iam olim auidē legi &
 cum fructu. De ꝑꝑ Mathematico scripseram olim ad Orte-
 lium, sed nescio reuera sitne futurus ad saluam tuam & ad
 gustum. Mathematicus enim merus est, sine alia arte imō
 pænē lingua. deniq; ex eo genere, qui *μυχανοιοι* potius
 quàm *δωρυγτοι*. Adde quod ægrē nunc auellatur ab his
 locis, in quibus arti eius honos & vsus. Siquid de altero eru-
 am, nō grauabor indicare. Donellus Iurisc. amicē te resalu-
 tat. quē Norici abstrahere conati à nobis ad Altfordianam

ademiâ, frustrâ. Manet enim mansurusq; est, quâdiu hęc
cola. Valdè & tibi se insinuat noster Doula: itemq; Plati-
us, qui apud nos nunc agit, & casu cùm has scriberē inter-
mit. Vale Amplissime & nobilissime Dom. Lug. Bat. 1584.
saluto ex animo D. Monauium, si est istic.

EPIST. XCIII.

Middelburgum.

L. LIPSIUS IANO GRVTERO S. D

IMPEDITVM in Galliam iter tuum molestè fero. & hoc
tamen malo, quàm vt cum perueneris, periculū tibi aut
fuga. Quamquam rumores illi magis grandes fortasse,
m graues. Sanè qui modestiores illinc veniunt, omnia
magis placida nuntiant, nec de bello etiam nūc aperto. Su-
per tam tamen pacē esse fateor: sed quando non in illa gē-
teq; hoc statu: quo de religione illud discidiū malè sar-
tum malè coit. Consilium tamen à me si quæris: ego cense-
o per Galliam transire te posse ad Germaniæ fines. Basi-
dam vel Argentoratum dico: atq; illic velut è specula pro-
ficere quis in Gallia ventus. Si Zephyri pacati: redire, si
Austri aut Noti: hærere apud crassiorē, sed & quietiorem
sentem. Omnino consilium non est, dare te frustrâ & cupi-
te in turbas, quarum si tibi amor: mane apud infelices ci-
ues. De Electis meis, si is, fer ad Brissoniū vnâ: si manes aut
illud iter capis, remitte. Nam vt per nuntium, non sunt tã-
ne, atq; ego tantum munus illud velut conciliando tibi viro
magno dederam, & aditu muniendo. Vale, & salue à me
saludum saluo, Lugd. Bat. 14. Kal. Maias 1585.

EPIST. XCIII.

*Ansuerpiam.*ADOLPHO METKERCHO *Præsidi**Flandriæ S. D.*

QVOD rarius te appello, Vir amplissime, ab occupati-
onibus tuis est, non à meis. Illis hoc largior: quas
cum in reipub. cura & patriæ nostræ salute defigas,
non inscius solum sed impius sum, si temerè interpellem. Et
verò

verò quid magnoperè ad te scribam, præter colere me
mare? neutrum ambiguum, qui deberi hoc tibi à bonis omni-
scis & iam reddi. Effecit enim dudum (rarum in πολιτεύειν
integritas tua & mira probitas: ut inuidia odiumq; nõ
nus in alijs viceris, quam avaritiam in te & ambitionem
patriæ salutem consilia tua omnia diriguntur; ad tuam
uisi vorà. Sed hæc apud alios malo. Studia nostra per-
turbas non vigent, sed nec planè cessant. Aliquid De
nũciatione linguæ Latinæ meditabamur, ut tu de Gra-
sed ex èplo magis eodè, quam cura fortasse aut successu.
nũis enim hæc materia: & quam vix impleam, nisi à suspi-
onibus & coniecturis. Nam auctoritatum nos hic ferè
pes. Plantinus etiã ad Grammaticam concinnandã
pellebat, quæ communis Belgio vniuerso. sperabat id em
Ordines decreturos. Vix ego. nec si faciant tamen, valdè
genio aut Genio meo scriptio talis. Quamquam fateor
lissimi instituti rem fore: nec magis peccari in iuuentute
stituenda, quam hæc Grammaticarum varietate. Inter
gistellos factionum res est, & quisque hanc aut illam præ-
fert, quia posthabuit eam alter. Iam illi ipsi qui condunt, qui
hoc vno reges. Mihi puero triplex olim Grammatica præ-
lecta, in triplici migratione. Ad annum decimum tertium
nugæ illæ tenuerunt; & adfirmo tibi ab anno octauo eam
me tenuisse, etsi non eodem modo. Quinq; illi anni si in
lo & grauiorum rerũ scientia positi fuissent, quis mihi fra-
tus? Et hæc peccantur cottidie, non tam imperitia, quam
ambitu docentium & prauitate. Cui vos quoq; velut publico
malo, mederi par sit: si tamen à grauioribus illis respirare
paulum & ad mortem morbis. Quos deus aliquando à
serâ hac Belgica auertat, & te Vir Amplissime nobis illi
seruet. Vale. Lugd. Bat. 3. Idus Nouemb. 1582.

EPIST. XCV. *Lutetiam.*

M. VALERIO COLLINO S,

multam precor.

Non largitèr solum, mi Colline, sed, quæ maior laus
firmiter amas. Louanij cœpisti comitatus te in
lian

ad affectus etiam nunc non deserit, etsi in temporum & locorum grandi intervallo. Adde inter nos silentium. quod magis inducere potuerit vel incitatissimo amor. At tuus inter puit quidem: & scintillas acres sparsas video & coligo in epistolæ tuæ omni parte. Redamo, redamo: & iure, affectus tam fidum, tam amicum. Locum sic satis honestum mihi illic esse gratulor, nec, si me audis, muta. Ad patriam enim quæ aut cur aspires? Zephyri interdum aliqui melioris rei, fateor: sed turbant subito ex transverso Noti. Cur autem iuuenilem hanc, ut sic dicam, nauim in feruidum illud mare immittas; cum statio tibi aliqua saltem, si non portus? Obdura. credo aliquando, post tam diuturnas tenebras, miseris Belgis sol aliquis illucebit firmioris pacis. Nos quoque non mutamus: etsi exteri ianuâ aperiant & inuitent. De pugnis, quas in improbos quosdâ pro me pugnas, (ita scribis) gratum, nec gratum. Ab affectu, gratum: re displicet & affectu. Quid enim litigio isto vincis? Non illos meliores quis: non me honestiorem, quem nihil maculant linguarum sordes. Ita seridè sentio, laudari me, cum culpant tam ilaudauti. Non virus illud homuncionis ego noui? inter cunctas minimas culpas est liuor. Alia peccata sunt, quæ ipsum quoque perdiderunt & perdunt, qui adherescunt, imò qui tædunt. Tu fuge igitur, non pugna. Cessisse hic præstat, quam accessisse: quia nec vincis quidem ac repellis sine maculâ, tam maculosos. De Hospitalij Epistolis editis, valdè grati. Hauco inspicere: magis quàm illos ad Ciceronem Commensarios, famæ grandioris quàm rei. Quid refert? emptores nos imò & amatores reperient vana illa doctrinarum. Nos solida nihilominus amabimus, contra iudicium hoc vulgi: te vnâ, mi Colline, quamdiu tu me & virtutem. Vale.

Lugd. Batavor. Pridiè Kal. Septemb. 1585.

EPIST. XCVI. *Lugd. Bat.*

LEVINVS TORRENTIVS IVSTO

LIPSI O S.

LIBROS tuos de Constantia nuper à Plantino ad me missos, postquam aliquid nactus otij, in manus sumpsi, sine

sine intermissione atq; vno quasi spiritu avidissimè perlegis
 est enim in illis vt verborum copia atq; elegantia singula-
 ris, sic sententiarum grauitas admiranda. Nec credebam
 nè mi Lipsi, tantos te in philosophia fecisse processus. Iu-
 bat etiam Caroli Langij, quem loquentem in eis facis, re-
 nouata memoria. quæ cum mihi cara ac panè sancta sit
 eximiam viri illius eruditionem, ac veterem vitæ nostræ co-
 suetudinem, tanto equidem vehementius te amo, qui am-
 co meo summo tuas ipsius in disceptando laudes adscrip-
 seris. Perge igitur istiusmodi lucubrationibus nomen tuum
 magis magisq; indies illustrare, aliarumq; nationum ele-
 quentiæ luminibus obstruere. Ac si me amas, quoniam
 cui nec res desint, & verba etiam supersint, nihil difficile es-
 se video, ne quæso intra humanæ sapientiæ, nimium me he-
 cule vanæ atq; incertæ limites consistere, sed vltra progrede-
 re, & quæ diuinitus nobis de cælo tradita sunt qua par est
 diligentia ac sollicitudine perquire. Quid enim Stoicorum
 aut quorumcumq; aliorum placita, ad Christi doctrinā co-
 parata aliud sunt quàm ostentatio mera, ac fallax studi-
 auræ popularis? Platonem fortassis ac Socratem, quique
 tate præcesserunt, quorum vnanimi consensu asserta
 credita animarū immortalitas est, possim excipere: verum
 quid Seneca, quid Epictetus, quibus te inhærere video, no-
 bis ad salutem conferunt? quippe qui neq; post mortē ne-
 stri aliquid superesse credunt, & vbi collibuerit, ex hac vita
 egredi, ac sui ipsius homicidam fieri liberè permittunt. quo
 recepto errore, virtutum vitiorumq; discrimen imò & no-
 mina ipsa tolli necesse est, ac confundi omnem de moribus
 quæstionem, quæ cum ad animum quo sapimus atq; intel-
 ligimus, atq; adeò homines sumus, spectet, cur hic quæ
 vitæ nostræ veluti dux quidam atq; arbiter constitutus
 arduam illam atq; difficilem virtutis viam incedet, eamq;
 alteri præferet, quæ per tot illecebras ducit ad voluptatē
 quò panè rapitur ipsa natura, si nullum aliud sibi proposu-
 esse laboris præmium videat, quàm, quod inquit ille, vt pu-
 eris placeat & declamatio fiat? Nam ad opinionem ac fa-
 mam ac qualemcumq; nominis diuturnitatē quod attinet
 est illud quidem aliquid, sed cur vel tantillum eo moueatur
 qui vnà cum corpore in æternum sit periturus? Aut igi-

qui simplicior est, vt maior pars mortalium, genio obsequens
 suo totū se voluptati dabit, atq; in diem viuet, aut qui cauti-
 or atq; seuerior fuerit, aliud agat quā fingat. bis peccans, quia
 peccando etiam fallit, occultē iniustus, palam alius, vt vel fa-
 mæ cōsulat vel legum pœnas euitet. quæstus enim vberimus
 simulata iustitia est, vt aduersus Socratem laudator ille iniu-
 stitiæ Glauco in Platonis Dialogis probare conatus est. Neq;
 negauerit, credo, verbis quod re ipsa ostendit Seneca, quem
 constat quater millicies h. s. sub illo pallio suo possedisse, nescio
 tamen an Epicæto olim seruo ditior, si diuitiæ in solo vsu fru-
 ctu consistāt. liberalis certē esse nō potuit qui tātam auri vim
 discipulo à quo occisus fuit reliquerit; rectius Demetrio suo
 atq; alijs eius Symmystis donaturus. Taceo toties reprehen-
 sas ab eo discipuli Mæcenatis plumas atq; delicias, qui vir ta-
 mē, vt nihil aliud vmq̃ præstiterit, auctor ipsi Augusto Cæ-
 sari pietatis atq; clemētiæ, multo plus quā philosophus no-
 ster reip. profuit; ausus etiā carnificem eum appellare cum re-
 rum criminalium cognitioni, dānandisq; reis intentiorē esse
 cerneret. at Stoicus iste Neronis sui sœuitiam, quæ præcepto-
 rem latere vel in puero non potuit, nimiū adulando auxit, ne
 dicam etiam excitauit. Quare Epicurum in Hortulis suis id
 quod sentit apertē profitentem audire malim, quā rigidos
 istos atque seueros de virtute tam præclarē disceptantes, cum
 virtutis vsum nullum teneant, & postquam nescio quibus ver-
 borum coloribus ac pigmentis hominem docuerint suis tan-
 tum viribus niti, nec quicquam extra se quærere, quauis eum
 pecude miseriorem efficiunt. quippe qui tot perfunctus pro
 virtute laboribus, siue hoc prosperē siue aliter ei cesserit, tan-
 dem æquali cum ceteris animātib; sorte infelicitissimus mo-
 natur. Scio equidem re hunc detestabilem errorem vnā me-
 cum execrari, neque in libris, de quibus agimus, aliud propo-
 suisse quā vt de Constantia his temporibus plurimum desi-
 derata humano more sub alterius nihil vltra inquirentis per-
 sona, disputares, sed quanto præstantius vtiliusque mi Lipsi
 ea ipsa de re scribere potuisses, si ad Christi primum præcep-
 ta, deinde ad eorum qui Christum secuti sunt, exempla te cō-
 uertisses, atq; hæc omnia oratione qua polles illustrasses, ve-
 terum etiam quorundam, qui licet Christiani non fuerint, ra-
 tionem tamen secuti sunt, dictis factisq; eadem confirmasses.
 Nam meo sanē iudicio in antiquos illos philosophos vt neq;

Sapientiz neq; virtutis, sic nec veræ Constantiz nomen cadit: quamquam enim alij alijs longius, simul tamen aberrarunt omnes: at errori honestum nomen imponere non possumus, vt neq; virtutem dicere vnde nulla homini salus aut beatitudo existat. Causa autem erroris, quod verum vitæ finem non solum non tenuerint, sed penitus ignorarint. quem nos in Dei ipsius agnitione atq; in fruenda æternitate ponimus. hæc enim linea, hæc meta est quod tendimus: ad hoc nati sumus, ad hoc, nisi nos quoq; aberrauerimus, morituri, vt per mortem viuamus in æternum. de quo qui dubitet huc ne hominis quidem appellatione dignum esse censemus. & plurimis quidem alijs in rebus pertinaces atque obstinati esse possumus, in eo verò, quod iam diximus, tenendo certa ac perfecta constantia est. quippe si neque in prosperis neq; in aduersis de recto mētis statu nos deijci sinamus, in illis feroces nimis & elati, in his humiles atque demissi, ita vt nec temperantiam nec fortitudinem teneamus. Ad quod euitandum, quid obsero efficacius quàm si Deum hinc interruptæ huius perseuerantiæ vindicæ, illinc seruatæ remuneratorem statuamus? & præmium quidem cælum ipsum atq; immortalitatem, pœnam verò perpetuos apud inferos cruciatus? Hanc doctrinam per diuinos ante homines inchoatam tandem Deus ipse per Iesum Christum filium suum & perfecit, & nobis omnibus reuelauit. Vnde & immensus ob collatum tam insigne beneficium amor, simul & metus, ne quem diligimus quoquo modo offendamus. Sed generosior amor est. qui caritatis vinculo astrictos ita nos Deo coniungit, vt ab eo separari nequeamus, animo semper in vtrunq; parato, siue bona siue mala eueniant, vel illis frui, vel hæc tolerare. nempe cum persuasi simus, etiam mala quæ dicuntur, conuerti in bona si æquabiliter nos geramus, imò ne videri quidem esse mala, quæ fomenta sint exercendæ virtuti. In hoc veluti puncto consistit veritas, atque adeo omnis vitæ nostræ actio huc referenda. Itaq; alter tibi superest labor, vt quod humano abs te more, quamquã elegētissimè, tamé profanè (dicam enim liberè) iam scriptum est, addito alio volumine paulò religiosius pertractetur. Hoc tēta mi Lipsi, & succedet. quāuis enim ita disertus es vt nemo magis, ipsa materia facit te disertiozem. Atq; aderit Deus, augens istam tuam constāciam ne nouis huius sæculi nostri erroribus inuoluaris. Hęc præcor, hęc opto. tuū erit me tuæ fauentē gloriæ & salu-

ti, pari studio ac beneuolentia complecti. Beaueris etiam me, si quod suis litteris de te nuper Plantinus scripsit, peculiari epistola confirmes: sed & de Iano Duza si quid simile fortè intellexero, gaudebo plurimum, atque ea incident tempora quibus vos nostræ amicitiae non poenitebit. Idem opto de ceteris nostris literatis, quorum tu familiam ducis. Vale. Leodio Nonis Aprilis. Anno 1584.

Ex lituris vides me hæc & celerius & fortassis etiam neglectius scripsisse, sed ignosces perpetuis nostris in repub. occupationibus, quod futurum æquitas spondet.

EPIST. XCVII.

*Leodium.*LÆVINO TORRENTIO V. *Amplissimo S. D.*

Litteræ tuæ quàm gratæ mihi acciderint, haud facilè est labor. Mittetem intueor? scio ab eo viro, à quo nōsci perhonestum, non dicam compellari. Ipsas? plenæ sunt fidæ cuiusdam beneuolentiæ & salutarium præceptorum. Et fateor, de Constantia mea iure ita sentis. Aptare enim veterem philosophiam ad Christianā veritatem volui: & in cogitatione eā totus dum sum, illapsa & elapsa mihi quædam fortasse, quæ illam magis sapiant quàm istam. Non purgo. correctionē inō polliceor: & effecturum me ut ad culmen illud veniam, à primo isto velut gradu. Ego enim seriò scio & sentio, in vno Deo & filio eius Christo, qui nos benignè redemit, liberauit, spem omnem positā humanæ salutis. Vias ad eam peruenienti, expressas in sacris litteris, nec hæc externa omnia, & Philologa siue Philosophia, aliud esse quàm accessiones quasdam & ornamenta: folia inquam, non fructus. Quòd iudicium meū in isto ipso de Constantia libro in fronte apparebit: qui iam iterum sub Plantiniano prælo. At Senecam & Stoicos admiratus sum. Certè. sed non ut qui verum, me iudice, viderint: sed qui paulo magis tamē in ijs tenebris oculos aperuerint, quàm ceterum vulgus. De immortalitate nostra aut malè aut timide senserunt & scripserūt: esto, (etsi disputari ea de re potest) deum tamen aspice: quæ secta aut illum magis aperuit & homini inseruit, aut ea quæ ad ipsum? maiestatem dico eius, prouidentiam, gubernationem, & curam nostrī. Quem primum limitem esse ad cognitionem & amorem veri dei, nemo negat. Hæc mihi sectam illam non probā prorsus fecerunt (absit) sed probabilem tamen supra ceteras, quæ magis humi &

circa hominem reputant. Iam de moribus & animorum lustratione, quis Senecæ, Epicteto, Arriano (quanquam ille, Epictetus alter est, & loquitur ferè eius verbis) hac parte præponendus? Multa & præclara Plato confiteor, multa Aristoteles: sed non robore eodem aut nervis. Spirat nescio quis calor in Senecæ aut Epicteti scriptis, qui ad lectorem quoque pervenit nec differere illi magis de virtute videntur, quàm inferere inculcare. Quod si vita eam & factis non expressere: quid miramur? Veræ fidei & veræ lucis fulcrum illud defuit: cui quæ non innixus, necessum est in partem aliquam ruat. Et tamen hic quoque facilè peccari sentio, si quis eos nimis apud laudat. Abstrahat enim à veris & legitimis illis animorum medicis, alliget ad agyrtas istos, quod cum alijs, tum mihi quoque; deinceps censeo cauendum. Non enim satis, ne ipse errem; sed ne alteri erroris causa fa. Itaque, ut illuc redeam, iure quædam in scripto illo meo de fideras: & præsertim magis expressam pietatem. Quam ego te hortatore & duce, non animo meo deinceps geram inclusam, sed proferam & præferam clarè in scriptis. Factum autem à me parcius, (si veram causam vis) in hoc anticipati statu rerum & varietate iudiciorum, metu offensionum. At ego te sequor: nec inuitus in placidum illud mare rapior ab hoc Torrente. Quod superest, & te (vir maxime) ex animo amari & coli à me scito, & eam illam veritatem. De Douâ hoc quoque confirmo, virum modestissimum optimumque; esse, & tuum amantem. Plantinus ad nos redierat: è quo speramus aliquid audituros de tuis scriptis, quæ æstimari magis à nobis scito, quàm apud te promo. Vale. Lugd. Bat. Prid. Nonas Maij. 1584. Dominic. Lampsoniû valdè velim à me salutes. cuius litteras accepi, at non illud quod in ijs promissum, item Læuincium sororis tuæ filium.

EPIST. XCVIII. *Lutetiam.*

I. LIPSIVS HENR. WILTIO S. D.

QUOD salui adueneritis, idque ex litteris tuis intellexerim, valdè gratum. contra molestissimum audire, de morte Sigonij & Gulielmij. Sed ille præter ætatem nihil passus est, (canescebat enim) & fructus vberes cepit & reliquit studiorum suorum

esse noster, extinctus in ipso xui & ingenij flore. Feramus. & vereor vt hic annus fatalis sit ingenio non vni. Me quoq; car- pit lentè morbus: etsi mitior nunc paulo molliorq; Lutetia, que in plerâq; Gallia tota, pestiferam luem vigere audio: ca- de & fuge, quantum humaniter licet. Abstine à discursu, ab intemperie, luxu, & inprimis ab insolenti illo Baccho. Nisi ca- mes fatum tibi pèr illam viam. Melissû istic esse gaudeo: & ma- gis si vsus tibi cum illo. Velim te in hâc peregrinatione inno- rescere viris, qui claritatis aliquid habent ab ingenio & scrip- tis. Hæc enim res ad tuam lucem. De Cuiacio quid est? Auari- que agit? an Lutetia est in consilio Regis? Ita nescio quis ru- mor ad me adfert. Tu hæc & talia scribes: quæ grata nobis scis intellectu. Eidem viro epistolam meam ostendere poteris ad Iunum Guilielmium (si tamen occasio erit) quia, si memini, quædâ in ea quæ ad illû. Aperi prius, & vide: & quod videbitur face. Sed ô illius alumni nostri ignauâ ignauia/itan' cum per- didisse aut proiecisse commissas litteras? At ego de superbia aut contemptu periclitèr apud Memmium, Pinczum, Fauce- tium, quem Leidæ olim nosti. Plura vetat languor: nec ma- nus aut mens mihi satis prompta ad scribendum. Deum rogo te seruet, & augeat cum annis modestiam & virtutem. Scribe ad me quidquid ibi noui. Lugd. Bat. Kal. Decemb. 1584.

I. Aurato viro & poetæ summo, item Passeratio à me salu- tem, ex animo & amore.

EPIST. XCIX. *Antuerpiam.*

IOH. ROTARIO S. D.

ET ipsæ litteræ tuæ, Vir prudentissime, mihi gratæ: & gra- tior causa, quæ te impulit ad scribendum. Amor enim & humanitas est: quem nisi mutuû amem manâtem à tam puro fonte, durus sim & inhumanus. Atque ego te, mi Rotari (verè & sine blanditiis dicam) iam antè inter iunctos habebâ & in- ter caros. ita multa de virtute tuâ audiebam, & studio sapien- tiæ & doctrinæ. quod rarum inter tui ordinis homines, quibus (a) pennatus ille deus carior est quam (a) laureatus. Nunc au- tem à te litteris tam amantibus prouocatus, sequar in hunc a- micitiæ campum, nec vinci me patiar officiis, quæ ab animo quidem sunt & adfectu. Constantiam nostram à te probari Gaudeo. & magis illud, quod significas te iam olim in studiis his Sapientiæ deditum: quæ sperni scio à quibusdam vt super-

a Mercurius

a Phabus.

uacua, & in quibus parum ad virtutem momenti. Sed errant quoniam etſi à diuinis litteris verum omne robur, & purâ lucer perfundi fatear pietatis: ſunt tamen hæc iuxta diuinū verbum adminicula quædam, quibus dirigi & firmari poſſint vacillantes iſti grefſus. Nam quin caſtè & cautè Philoſophia vtendū ſit, non abnego: eaquæ ad normam & velut lapidem exploranda cæleſtis legis. cum qua tamen conſentire pleramq; eam (dico quæ de Moribus eſt) quis item neget? In Platone, Triſmegiſto Epicteto, Arriano, altas præclarasquæ multas voces reperio. quid refert à quo eæ profuſæ, ſi ab vno illo ſpiritu. Veritatis? Quæ inſpiſaſſe, vbi libuit, priſca illa etiam pectora, & oracula edidiſſe per homines vanos, & pſanos nihil ambigo. Inter vetuſtiſſimos Iob. vide. quem è gente electa fuiſſe non cēſent, & tamen ſcripſiſſe omnia electa. Mercurium illum ter maximum, quem dixi. myſteria in eo multa & arcana noſtræ legis; etſi Ægyptium fuiſſe traditum ſit, nec imbutum veris ſacris. Idem in Philoſophis eſt, & omni illa ſchola quæ à Socrate, quorum ſcripta notas non obſcuras & ſcintillas præferunt clari illius ignis. Itaq; vt in prælio, non gladiis ſolum & grauioribus telis res geritur, ſed etiam funditorum quædam opera & læuis armaturæ eſt: ſic in hac noſtra contra vitia & adfectus militia, non ſolum illo penetrante Verbi mucrone, ſed etiam philoſophorum haſtis & ſagittis aptè interdum & vtiliter pugnabimus. Sed digredior. & tu fortasſe aliquid de repub. item noſtra exſpectas, vt remunerer te hac quoq; parte. Sed quid ſcribam? Lenta hic omnia, non læta: & videntur res noſtræ velut in vado quodam adherere. idquæ eo tempore, cū velis & remis feſtinandum ſit. Nam qui in nos pugnant, quos progreſſus cottidiè faciant, vides. Remedium hic mutata reipub. forma & ab vno capite quæritur. vtinam vtiliter! Sed vir ſpero. ita multi palam, plures diſſident occultè. A labe ea quæ Flandriam corrumpit, immunis noſtra Bataua non eſt: & hic quoq; varia iudicia & diſcidia animorum. Ita vereor ne rebus noſtris fractis & labentibus *extremum malorum* (vt Tacitus noſter ait) *diſcordia quoque accedas*. Quod ſi ſit, conclamatum eſt: & exſequias Belgicæ, quibus commodum eſt, ite. Sed hæc ſunt illa aduerſus quæ Conſtantia nos munit & in cuius præſidio ego quidem acquieſco. De falſo Cicerone illo, gaudeo tibi probari iudicium noſtrum. Illud miror, Italos fuiſſe tam obſcuros: à quibus, ſi deo placet, aureus ille partus. De Boulenio &

anhuifio, faciam sedulò: & si quid aliud erit, in quo gratum
 ocere tibi tuiq; similibus possim. Salue. & per te Iohannes Vi-
 anus, vir planè bonus & poëta. Lugd. Bat. 14. Kal. Ianu. 1583.

EPIST. C.

Antuerpiam.

PETRO EGMONDO S. D.

GRatulationem expectas? increpabo. Tùne Roma recens
 redieris, & tribus verbis ad Lipsium? idq; post biennium,
 illo ipso biennio per silentium elapso? Certe tuum, non enim
 ego etiam silens, qui ad te crebrò, ad Bensium etiam, & ad
 Wincelium dedi. At nunc, tanquàm in oculis mihi & ore assi-
 dus, ita languidè scribis & quasi inops rerum. Quin si de te
 nihil & itinerù euentus: saltem de manu illa nostra aliquid lit-
 teratorum? quid Fulvius, quid Muretus, quid meus Bensius
 sentient, & illi velut patres litterarum ac Senatores? quid iu-
 nior alia soboles, qui succrescunt? Non enim effætam nunc
 ingeniorum Italiam censeo, illam nutricem eorum olim & pa-
 rentem. Hæc peccasti. & ut spem imò viam veniæ ostendam,
 purga. Quod fiet vna re, si priores illas litterulas delebis & ob-
 tues, grãdi aliqua epistola, longa, lata. & quò magis lata magis
 leta. Viuere ego prorsus illã nolo, nisi vitam ei dat altera magis
 vegeta; magis viuua. Talibus enim alloquii egeo, ò Egmòde, in
 torpido hoc morbo. qui me, annum & tres ipsos menses, iam
 tenet; nec notus quidem adhuc plane medicis, adeò non re-
 motus. Ardore viscerum sunt & interni æstus, haud procul
 ab Hypochondriaca melancholia: nisi quod mens & caput
 mihi sana. quæ tentari tamen & lædi per eum morbum non
 te, credo, fugit. Similis aliquis languor fuit, qui magnum Lau-
 rentium illum Medicem tenuit & citò abstulit, sed per impe-
 ndam medicorum. Nam alias, ad mortem non ita præceps. E-
 go omnibus armis in eum pugno, & præcipuè auxilio Nym-
 pharum (frigida enim in potu & esu mirè iuuant:) & aliquid
 sanè proficio: nisi quod ad extremum, vereor ut suppeditet me
 tam pertinax hic luctator. Victus enim aliquoties non vincit-
 ur, deiectus non cadit, fugiens non cedit. Antræus aliquis est:
 — ab ipso Sumis opes animumque casu. Et profectò Ter-
 re illa progenies, ducet me ad Terram. De me habes, nam de
 studiis, scilicet in languore hoc languent. Tu autem quid?
 Grudióſne cogitas, & illic honorem? Fauco, & voueo.
 illud miror, in eadem toga candida tecum conspici ho-
 mi-